



1999

165
gros

ч. 6.
1322

с у в о

Ե Ր Ա Զ Օ Ր Ե Ր

(Գիտերթիկ Մը Յութեսքիւ)

(Արտատպւած «ՄՈՒԹՃ» ամսագրից)

ԹԻՖԼԻՍ
Տպարան Մ. Դ. Ռոտինանցի
Տիոգր. Մ. Դ. Ռոտինանց, Գօլ. պր. դ. № 41.
1896

Дозволено цензурою. Тифлисъ, 2 Июля, 1896 г.

28-1330



1322-81

ԵՐԱԶ ՕՐԵՐ

(Գիշերօթիկի մը յուշատէտրէն)

Յունիս 8, Դիլիժան.

Առթընչածիս պէս պատուհան վազեցի: Թէև
արել բաւական բարձր, սակայն դեռ բոլորովին
շուշի և զովութեան մէջ էր: Տուներնիս լեռան
լանջին է փակած, ուրիշ քանի մը ծերունի ծառեր
իրենց ստերներու ուռկանը վրանիս կը նետեն:
Մեզի կից տուն չի կայ. կառարեալ կղզի մը, որը
գրկող ծովը առատ դալարն է. իսկ մեզի ամենէն
մօտիկ եղող բնակարանը ուրիշ պղոթիկ ամարանոց
մը, մերինին պէս ճերմակ, մերինին պէս նոր ու
մերինին պէս գետնայարկ: Ճիշտ իմ երազած վայ-
րեկս մէկը, գիւղի ծացը առանձնացած, զառի-
վայրի կուրծքին, բնութեան ծոցը:

Իննը երկար ամիսներ դպրոցի չորս պատերուն
մէջ ճգնելէն վերջը՝ ինչ ուրախութիւն է զգալ
ժայռերու դրացիութիւնը պատշգամիդ դէմ, ձորի
խորքէն գետակին երաժշտութիւնը պատուհանիդ
տակ, ծառերու փափուկը սենեակիդ վրան:

Զգիտեմ ինչպէս շնորհակալ լինիմ տիկնոջ բժշկին, որ այս ամառ մերիններու ամառանոց գնալուն պատճառ է եղած։ Թիֆլիսի ամառներէն արդէն կատարելապէս զգւած էի. բաղդէս է։

Իսկ երէկ զիշերւան իմ Դիլիջան հասնելս նկարելու բան էր։ Հազիւ վար ցատկեցի սուրհանդակի սայլակէն, որ ինքզինքս պաշարւած դասց վեցեակ մը բազուկներով։ Կենդանի պատկեր մը պատշգամին վրաց. հօրեղբայրս իր վախտուն տարիններու ծանրութեամբ վիզս փաթթւած կը խնդար. տիկէնը կուլար ուրախութենէն, պարն Մկրտիչը (տիկնոջ եղբայրը) իր ոսկրոտ ձեռքին մէջ դաստակս պինդ մը սեղմած՝ ոչ մէկ կերպ թողնելու տրամադրութիւն չէր ցոյց տար. քիչ մը հեռուն Հոռոբսին էր կեցած, որ չհամարձակելով մօտենալ՝ բերանը բաց կը ժպտէր՝ ցոյց տալով մէջընդմէջ ակտաներու զոյտ շաբք մը. մինչ իմ նախորդ ամառան մտերիմ շնիկս աւելի համարձակ՝ հագուստներս կը հոտմլտար անհանգիստ կերպով պոչը շարժելով։

Դեռ այսօր ալ մինչև կէս օր տնեցիք ինձմէ հազիւ կարօտնին առին։ Հօրեղբայրս չէր թողներ, որ քովին հեռանամ։ Ինձի կարդացնել տւաւ հօրմէս ու ընդհանրապէս Վանէն ընդունած բոլոր վերջին նամակներա։ Չնայելով որ քառասուն տարիէն աւելի է Թիֆլիս կը կենաց, հոն մեծցս ծ է ու հոն ալ պսակւած, բայց և այնպէս միշտ խոր կարօտով կը ցիշէ Վանը, որ սովորաբար «մեր դրախտը» կ'անւանէ։

Ճաշէն վերջը գնացի գիւղ Միքայէլը գտնելու. բայց դուրս եկաւ որ Նոր-Բայազիտ է գնացեր. մե՛ղք, ընկեր մը կ'ունենացի, մանաւանդ տեղացի ալ էր։

Վերադարձիս մեր տան մօտերը՝ արքունի մեծ ձանապարհին վրայ երկու կին նշմարեցի, որ թե թեւի դէպի ինձի կուդային։ Մէկը տարւօք, վայելչատես կին մըն էր, թեւակիցը տասնեեօթի մօտիկ աղջիկ մը։ Անոնք ալ ինձի կը դիտէին. երբ իրարու մօտեցանք՝ ազջիկը սկսաւ շեշտակի աչքերուս մէջ նայիլ. ես կարմրեցաց ու հայեացքս փախուցի. անցնելուս պէս հետաքրքրութիւն մը ունեցայ ետ նայելու, բայց ինքնասիրութեանս չի ձգեցի ու ճանրաս շարունակեցի։

Դէպէը ինքնըսահինքեան ոչինչ, միայն ինձի սաստիկ զայրացուց. ինչ յիմար բնաւորութիւն է այս. ինչ կայ այսպէս կարմրելու, երբ աղջիկ մը աչքը դէմքիս կը նետէ։ Տարօրինակ հակասութիւններ կան կազմիս մէջ. մէկ ամլչկոտ եմ, տղայամիտ ու անհամարձակ, մէկ ալ՝ յանդուզն, հասուն ու անզուապ. ոչ մէկ զգացումն միւսին չի բռներ։

Յունիս 9.

Առառուն դեռ շատ կանուխ էր, որ ելայ պատըշգամ։ Հազիւ ինձմէ քանի մը տասնեակ քայլ անդին արքունի ճանապարհն է և գեալ, որ ձորի մէջէն ձեռք ձեռքի տւած կը վազեն դէպի Աղատեի դաշտը։

Օդը մաքուր էր ու յըստակ՝ աղջկան մը առաջին համբոցին պէս. զով ու թարմ՝ քունէն նոր ելած ծովու առաջին ժպիտին պէս: Թոքերս կեանք կը ներշնչէին:

Պատշգամի երկու կողմէն դէպի վար հակած ծառերու խումբը հովի իւրաքանչիւր քմահաճոյքէն իրարու զիրկ կը նետէին ու կը փսփսալին երեակայութիւն գրգռող փսփսուքով մը. վարը խոտերուն մէջ ծզրիար սիրերգ մը կը ծլւըլար. անդին գետն էր որ, մտածկոտ մարդու մը նման, անվերջ կը կրկնէր միւնոյն երգին միւնոյն կտորը: Սիրուն ամառային համանւագ մը:

Ու ես գրաււած՝ անձնատուր էի բոլորովին բնութեան այդ ծիծաղկոտ երաժշառութեանը, երբ յանկարծ մօտէն բարձր ու զւարժ քրքիչ մը ինձի ցնցեց. բնութեան երգի մէկ կտրն էր այդ: Մեքենաբար այն կողմ դարձայ, ու որքան մեծ եղաւ զարմանքս, երբ երէկւան աղջիկը ճանչցայ. միայն այն տարբերութեամբ, որ շատ պարզ հագնւած էր ու, փոխանակ տարիքը առած կնոջ մը, հետը երիտասարդ սպասուհի մը ունէր:

Անշուշտ նշմարած էր ինձի. գոնէ ես այդպէս կարծեցի, թէև աղջիկը առանց իմ կողմս նայելու՝ թռչոտելով ու բարձր-բարձր ոռւսերէն շաղակատելով՝ ձորէն վար աներեսոյթ եղան իր ընկերուհին հետ:

Ես մոլորուն հայեացքով կը հետևէի իրեն, մին-

և աչքէս կորուսի. բայց դեռ երկար կը լսէի իր հնչուն ծիծաղը ու առոցդ ձայնը, մինչև որ հետզհետէ թուլանալով՝ վերջնականապէս հալցաւ գետի կարկաչին մէջ: Ի՞նչ տարօրինակ աղջիկ. և մվէ արդեօք:

Հոռօբսին թէյ բերաւ: Կերպ մը նկարագրեցի այդ երկու աղջիկները ու հարցուցի, թէ կը ճանձնամյ:

— Հասկցայ, մեր դրացիներն են. տես, այս տունը կը նստին. ըսաւ՝ իմ երէկւան նշմարած ամառանոցս մատնանիշ ընելով: Քոյր ու եղբայր են. մայր մը ու պզափի քոյր մը ունին ընդամենը. երկու-երեք տարի է Թիֆլիս եկած են Ռուսաստանէն. մեր տիկինը ծանօթ է. աղէկ մարդիկ են, մենակ քիչ մը աղջիկը...

— Է՞, հարցուցի հետաքրքիր:

— Ուսդմնական է:

— Ի՞նչ ընենք. ուսումնականը գէշ է, չէ ես ալ ուսումնական եմ:

— Զէ, դուն մանչ ես. աղջիկներուն շատ բացիլը սազ չի գար:

Թէյամանը առաւ ու հեռացաւ:

Սկսայ մտածել — ոչ թէ Հոռօբսիի կանանց կը թռչութեան աննպաստ փիլիսոփայութեանը, այլ պարզապէս իր տւած տեղեկութիւններուն վրայ. և քիչքիչ ընկղմեցայ անըրջանքի մէջ:

Այդ աղջիկը երէկ ու այսօր երկու հանդի-

պումբներուն ալ տարօրինակ ու զարմանալի տպաւութիւն մը ըրաւ վրաս։ Միւս կողմէն կրթւած է եղեր, գեղեցիկ է ու իմ միակ դրացուհիս այս առանձնութեան մէջ։ Երազնքիս մէջ ինծի այնպէս կը թւի, թէ արդէն բուռն կերպով կը սիրեմ այդ աղջիկը. և երեակացութիւնս պահ մը շատ հեռուները կը թռչի օդացին սիրոյ թևերուն վրայ...

Զարմանալի տղայ եմ ես. աղջիկ մը, որ վրաս ազդելու չափ դիմագծացին համաշափութիւն ունի, առաջին անգամ հանդիպելուն,—երբ գեռ հետը բառ մը չեմ փոխանակած, երբ խորհրդաւոր քօղ մը կայ ձգւած իր բովանդակ էութեանը վրայ, և միացն քողի մէկ բարձրացուցած ծացրէն գեղեցիկ դէմք մը ինծի կը նայի—ես անմիջապէս կը յափրշտակւիմ. հոգիս շարժում մը կ'ունենայ, կ'ոգեռւիմ ու կը մտածեմ, ան է, ան, որուն անհամբեր կը սպասէի և որ կրծքիս ծարաւը պիտի զովացնէ. ու կը թաղւիմ երեակացութեան ու անուրջներու մէջ. պէտք մը, անհրաժեշտութիւն մըն է այս սրտիս համար։ Սակայն կ'անցնի քանի մը օր, գուցէ կը մօտենամ աղջկանը. խորհրդաւոր քօղը, եթէ բոլորովին չի բացւի, գէթ միւսներուն նման նոյն հասարակ աղջիկն է. կը սիրասթափիմ անմիջապէս, առանց աղէկ հասկնալու, թէ ինչու. նոյն իսկ այդ հասարակ բառը շատ որոշ չեմ ըմբռներ. միայն կ'ըզգամ, որ այս ալ չի կրցաւ սիրոս նւաճել։

Անդկոտ անձրևի սպասող մթնոլորտին մէջ հո-

վերու քմացքէն ամպեր կը դիզւին. փայլակ ու որոտ. յոյն է, որ կը ժպտի. բայց ահա կը փշեն հովերը, ամպերը կը ցնդին, ու նոյն խաղաղ, միա. կերպ կապոյտն է կեանքիս երկինքին վրայ։

Յունիս 11.

Հօրեղբայրս այսօր Թիֆլիս վերադարձաւ՝ գործերը ձգել չի կրնար։ Տունը բոլորն ալ կոարտած են. իսկ ես, Ճշմարիտը խօսելով, հօրեղբօրս մեկնումէն այնքան ալ դժգոհ չեմ. թևերս չափ մըն ալ ազատութիւն ստացան. տան մէջ ոլ. Մկրտչը ձայն չունի. գալով տիկնոջ՝ ես անոր աչքին արդէն հասուն ու խելացի մարդ եմ, ոչ թէ քսանքսանըմէկի մօտիկ դպրոցական մը։

Երկու օր է կը կարգամ Շիլէրի «Դոն-Կարլոս»։ ինչ տիպ է, Աստւած իմ, այդ մարգիզ Պողա՞ն, այդ անձնւէր հայրենասէրը, այդ խմորւած մեծ մարդը. և անոր փաթթւած այդ իդէական, անփորձ երիտասարդը, սիրոյ ու կեանքի առաջին շփման տակ ոգեսորւած այն ազնիւ Դոն-Կարլոսը։ Ա, կը սիրեմ ես այդ մարդիկը՝ այդ երկու իդէալական տիպերը. և նոր չէ, որ ես անոնց հետ կը ծանօթանամ. առոնց ձայնը կարծես շատոնց է ես լսած եմ։

Իրիկունը ուշ ատեն երկար կը շրջէի մեր տան դիմացը կանաչներուն վրայ։ Մութ գիշեր էր։ Ծառերուն տակը բանդւած գաղջ ու բուրումնալից օդը յափրեցուց ինծի, մանաւանդ Դոն-Կարլոսի ազ-

դեցութիւնն ալ դեռ բոլորովին վրայէս անցած չէր:

Ուղեղս գործել պատաւ ապագայի ծրագիրներ՝ կախարդական շրջանակներու մէջ... Ծննդավայրս եմ արդէն, գործի, աշխատանքի վրայ, ոչ թէ հիմիկւան պէս օդային անրջանքերու մէջ... կը խրիմ ու կը խրիմ ծրագիրներուս նրբութիւններուն, երկրորդական մանրամասնութիւններուն մէջ:

Ա, երկինք, ի՞նչ սուրբ ըղձեր կան կրծքիս տակ, ի՞նչ ոգեսրութիւն կ'երազեմ ու ի՞նչ անձնամոռ լեցուն կեանք: Բայց այդ տեսնելու եմ արդեօք: Պով գիտէ. գուցէ իմ կեանքս ալ այս երազներէն ու անըրջանքէն անդէն պիտի չանցնի. գուցէ այս բոլորը անփորձ ու եռուն տարիներու ցնորքներ են լոկ, որուն պիտի յաջորդէ սանձւած հասունութիւնը, և ես ալ պիտի դառնամ այն հարիւրաւորհազարւոր միջակհասարակ էակներէն մէկը, որոնք շուրջս կը վիստան, որոնք միայն կ'ուտե՞ն ապրելու համար և կ'ապրին միայն ուտելու համար. և այս բոլորը, որ աշխարհը աչքիս գեղեցիկ կը ցուցնէ և որ կեանքիս խորհուրդ կու տայ, այս բոլորը, որ զգացումներուս մէջ ազնւութիւն կը թափէ և որ սրտիս իդէականի ծարաւը կու տայ. ահ, այս բոլորը գուցէ ցնդին պիտի կեանքիս մատղաշ օրերուն հետա: Զէ որ ամենքն ալ ականջիս այդ երգը կը կրկնեն. գուցէ իրաւունք ունին միթէ իմ անփորձութիւնս այդքան մարդոց փորձառութենէն աւելի վլը է: Եւ ի՞նչու կը պահանջեմ, որ ուրիշ-

ներէն բարձր պիտի լինիմ, իմ որ առաւելութեանս համար. ես ալ այդ մարդ ըսւած էակի նոյն հասարակ մէկ նմուշը չեմ: Ուհ, Աստւած իմ, ինչ սարսափ այս մտածումները. որքան դառնութիւն, որքան թոյն կայ այս խոհերուն տակ, որ ամբողջ հոգիս, բոլոր ոգեսրութիւնս սպաննել կ'ըսպառնայ: Ո՞հ, չեմ կրնար հաւտար, անկարելի է. ոչ, ես չեմ կրնար ոչինչ մը լինիր:

Յունիս 12.

Այս քանի մը օրւան մէջ շրջակայքը տեղ չի մնաց չափչփեցի: Մեր ետևի լեռը՝ իր թզուկ անտառակով, վարը ձորը՝ իր գետակով, մեր պատշզամի դիմացէն վազող արքունի խճուղին՝ իր վերսոի սիւներով—այս բոլորը արդէն իմ սեփական տունս է կարծես:

Առառու իրիկուն շատ աղէկ է. ցերեկներն է քիչ մը ձանձրալի. անեցիք կը քնանան, տունը կը լոէ, միւս կողմէն ալ տաքը կը ձնշէ: Ընթերցանութիւնս է միակ ընկերս ու սիօփիչս Հետա սնդուկ մը գիրք եմ բերած. ընելու շատ գործ:

Գեղեցիկ դրացուհիիս գրեթէ ամեն օր կը հանգիպիմ, կամ առառները կ'ամ իրիկունը շրջագայութեանս միջոցին: Նոյնն է միշտ. զարմանալի բնաւորութիւն մը. բաց, գւարթ, անհոգ, եռուն. իսկը ազատ թռչուն մը:

Կ'ըզգամ, որ իր ուշագրութիւնը գրաւած եմ:

Անցեալ օր աղախնի գլխարկը յափշտակած կը վագէր՝ հեւալով, խնդալով, ճրչելով, ու քովիս աջնքան մօտիկ անցաւ որ օ-դը-կոլոնի վափուկ հոտ մը դէմքս պարուբեց: Նախորդ իրիկունն ալ պղտիկ քրոջը ձեռքէն շրջանակը առած կը դարձնէր՝ զւարժ ու կարմրած ետևէն վագելով. եթէ չըզգուշանայի շրջանակը ոտքերուս վրայէն պիտի անցնէր. աղջիկը շար ժպիտով մը անցողակի պարդոն» մը ըսաւ ու սլացաւ: Երէկ իրիկուն ալ վարը՝ ձորը հանդիպեցայ իր եղբօրը հետ. երեսունի մօտիկ սիրուն երիտասարդ մը, արւեստագէտի հովերով ու անդլիական այտմօրուքներով: Աղջիկը ոռուսերէն օպերէտի մը սիրուն մէկ կառը կ'երգէր. ա, ինչպէս անուշ եկաւ ինծի այդ սոլո՞ն գետակի ձայն պահող երգակցութեան մէջէն:

Հնդհանրապէս շաստ օդային, խորհրդաւոր ու շրապուրիչ տպաւորութիւն մը կ'ընէ վրաս: Տեսակ մը հետաքրքրութիւն առաջացած է մէջս. երբ դուրս կ'ելնեմ, միշտ իրեն հանդիպելու տարտամ յոյս մը ունիմ: Թէկ երբ իրեն կը հանդիպիմ՝ անյարմարութիւն մը, ձնշում մը կ'ըզգամ. և իր խոր, յանդուգն հայեացքէն խուսափելու համար՝ բանով մը զբաղւիլ կը կեղծեմ:

Յունիս 13:

Ո՛ւհ, ապուշ եմ ես, կատարեալ ապուշ...
Իրիկւան դէմ տիկնոջ հետ պտոյտի էինք ելած.

գնացինք մինչև զիւղ: Վերագարձնուա՝ հերոսուհինս տանը առջեւէն անցած ատեհն՝ տեսանք, որ ծառերուն տակ սեղանի մը քով նստած՝ մայր ու աղջիկ կը կարէին:

Հարկ եղաւ մօտենանք:
Տիկինը մեղի ծանօթացուց:
— Ամուսնիս եղբօր որդին՝ Երւանդ Վէեան:
Եւ ինծի դառնալով—
— Տիկին Նատալիա Զ...ովա և օրիորդ Վարդի Զ...ովա:

— Այն, կարծեմ, մէկ երկու անդամ ճանապարհին իրար հանդիպելու պատեհութիւնը ունեցանք. ըսաւ տիկին Նատալիան ծամճմած հայերէնով մը ու խառնափընթոր բառերով, որոնցմէ ես ինքս գլխուս մէջը նախադասութիւններ կը շինէի, քան թէ ուղղակի իր ըսածը կը հասկընացի:

— Թէկ ինքը մեղի տեսնելու պէտքը չըզգաց, աւելցուց օրիորդը նոյն խեղճուկ հայերէնովն ու հեգնական ժպիտով մը:

— Խնչպէս, հարցուցի ես շլւարած այսպիսի անսպասելի յարձակման մը առջեւ:

— Երևի՝ չէ նշմարած. համ, Երւանդ. ինծի դարձաւ տիկինը:

Ես թեթև մը այլալեցայ:— Տիկին, կարմբեցաւ. ըսել է յանցաւոր է. բացականչեց օրիորդը մատովը ինծի ցոյց տալով ու բարձրաձայն քրքչալով:

Ես աւելի կարմրեցայ. ու կարմրելուս վրայ
սկսայ զայրանալ: Բարեբաղդաբար տիկինները խօս-
քի բռնւեցան, ու ես մոռցւեցայ: Անոնք վրացերէն
կը խօսէին: Իսկ օրիորդը այդ միջոցին առաւ իր
ձեռագործը ու սկսաւ արագ աշխատիլ. բայց յան-
կարծ նետեց ծունկերուն վրայ ու նորէն ինծի դի-
մեց ժպտելով:

—Սակայն ինչու չէք խօսիր:

—Տիկինները կը լսեմ. լսի պատասխան մը
տըւած լինելու համար:

—Ուրեմն վրացերէն դիտէք:

Ալ ետ չէի կրնար դառնար. ստիպւեցայ
սոնելու:

—Նատ քիչ, գրեթէ ոչինչ:

Բայց իսկոցն ստելուս զղջացի ու տեսակ մը
ճնշում ու զայրոյթ զգացի ինքզինքիս զէմ: Միեւ-
նոյն ժամանակ ուղեղս տակնուվրայ զ'ընէի խօսելու-
նիւթ մը ճարելու համար: Ուզեցի օդի մասին խօ-
սիմ՝ ծիծաղելի թւեցաւ, ամարանոցի մասին՝ շատ
սովորական էր. յանկարծ մէկնիմէկ հարցուցի.

—Արդեօք կրնամ հետաքրքրւիր, օրինրդ, ո՞ր
դպրոցը յաճախած էք:

Աղջիկը զսպւած ժպիտով մը երեսս նայեցաւ
ու պատասխանեց.

—Թիֆլիսի աղջկանց գիմնազիոնը:

—Աւարտած էք, երեկի:

—Ո՛չ. ինչպէս կըսեն հայերէն... ներեցէք,

հայերէն աղէկ չգիտեմ. այս ձմեռ վերջընթեր դա-
սարանն էի. աւարտեց ոռւսերէն:

—Ա՛, միշտ ինծի պէս:

—Իրամւ, բաղդակից ենք ուրեմն:

Նորէն ձեռագործը վերցուց ծունկերէն:

Տիկինները շարունակ կը խօսէին: Ես հեռու-
կը նայէի ծառերու մէջէն՝ անյարմար դիրքով մը
աթոռիս եզերին նստած: Նողիալի դրութեան մը
մէջ էի. աղջկան ներկայութիւնը, որ իր քննող
աչքերը յաճախ վրաս կը գամէր, իր բաց բնաւո-
րութիւնը, որ իմ ամըչկոտութիւնս աւելի կը շշ-
տէր, իր խրոխտ ու ժըպտուն ձայնը, որ կարծես
վրաս գերազանցութիւն մը ունիր՝ վրաս շատ գէշ
կ'ազդէր, հպարտութիւնս կը վիրաւորէր, ինծի կը
պզտիկցնէր:

Այդ միջոցին էր, որ օրիորդը կրկին ինծի
դիմեց և այս անգամ բոլորովին ոռւսերէն:

—Պարոն, շատ կը խորհիք. երեկի աւելի խոր-
հիլ կը սիրէք, քան խօսիլ... փիլիսոփայօրէն աւել-
ցուց անմիջապէս:

—Երեկի փիլիսոփաներէն բնաւ չէք ախորժիր-
ըսի ես ակամայ ժպտելով իր հեգնութենէն վշտա-
ցած լինելս ծածկելու համար:

—Ո՛չ, ինչու, ընդհակառակը, միայն բան մը
կայ, որ քիչ մը շատ կը մտածեն ու միշտ թթւած
են: Սակայն անշուշտ խօսքս ձեր մասին չէ. ես
պատակ ըրի:

Բայց անոր այս արդարացումը ինձի համոզեց, որ վշտանալս նկատած էր. և այս գաղափարը այնպէս զարկաւ սրտիս, որ ամօթէս ու կատաղութենէս լացս պիտի գար:

— Ո՞չ... ինչո՞ւ... ինչ փոյթ... կը մկմացին շըրթունքներս, չզիտնալով ինչ պատասխանեն:

Ա՛, ցիմար, ցիմար վիճակի մէջ էի:

Երբ տիկինը հրաժեշտի համար ոտքի ելաւ կարծես բանաէն կ'ազատւէի:

Օրիորդի ձեռքը թոթւեցի:

— Անտարակոյս ասկէ վերջը երբ իրարու հանդիպինք՝ այլ ես գաւազաննուդ կոթը զննելու պէտքը պիտի չըզգաք. ըստ օրիորդը պինդ մը ձեռքս սեղմելով:

Աղջկան մը առջև ծաղրելի լինելէս խայթւած, ինքնասիրութիւնս ոչնչացած, զայրոյթէս ինքզինքս ուտելով՝ նետեցայ սենեակս ու զուռը կողպեցի:

Երկար ատեն մահճակալիս վրաց փըռւած կը մտածէի...

Ա՛, ես ապուշ եմ, իրաւ ապուշ:

Յունիս 14.

Արթնցաց թէ չէ ուղեղս նոյն լինդրով զբաղւիլ սկսաւ: Սակայն թարմ տպաւորութեան ձնշիչ աղդեցութիւնէն կազդուրւած, լոյսի հետ ամեն բան աղէկ կողմէն դատելու տրամադիր, քունէն թարմացած խոհերս նոր ուղղութիւն մը առին: Սկսած

էր երէկւան հակազդեցութիւնը. եսս էր, որ կը բողոքէր. իրաւ, ինչո՞ւ երէկ զիշեր այնքան վրդովւած էի. աղջկան հետ շնորհով չխօսելուս համար. սակայն աղջկան մը հետ նոր ծանօթացած ինչ խօսէի իր հետ. իսկ խենթ-խելօք բերնէս դուրս տալ ես չեմ կրնար. և այդ միթէ ինձի պատիւ չէ. և վերջապէս որքան ինքը իրաւունք ունէր ինձմէ խօսիլ պահանջելու, այնքան ալ ես իրաւունք ունէի. գետ քիչ մըն ալ աւելի, քանի որ իր հիւրն էի: Ուրեմն յանցանքս պահանջու չլինելս է. չխածնելուս համար է, որ ինձի կը խածնեն. լաւ, այդ զիւրին է. ես ալ կրնամ խածներ և վախնամ աւելի գէշ: Աղջիկը համարձակ է, ցաւցնելու աստիճան պինդ ձեռքս կը սեղմէ. աղէկ, ես ալ կրնամ լացնելու աստիճան սեղմել. ան առանց քաշւելու բերնին եկածը կ'ըսէ, ես ինչո՞ւ քաշւիմ. և միթէ իմ քովս փտտած սրախօսութիւններ քիչ կան. ան ինձի առաջին անգամէն փիլխօսփայ կ'անւանէ ծաղրութեամբ. արդ՝ ես ինչո՞ւ իրեն պիտի չհասկցնեմ, թէ ինքը աշխարհիկ սովորական աղջիկ մըն է, որուն հետ լուրջ խօսակցութեան մը բռնւիլ չես կրնար. ահա քեզի պարզութիւն. սակայն այդ կոպիտ պիտի լինի. որմւ հոգ, քանի որ այդ կը պահանջեն ինձմէ. միշտ գերադասելի է կոպիտ լինիլ, քան ծիծաղելի: Բայց տաքնալը աւելորդ է. պաղարիւն պէտք է լինիլ. ու պիտի յարձակւիլ չպաշարւելու համար: Իր զէնքերը իր դէմ:



Այս որոշումներով զինւած՝ իրիկւան դուրս
ելայ շըջելու, հաստատ համոզւած լինելով, որ
աղջկան հանդիպելու էի. ու չխաբւեցայ:

Եղբօրը թեւը մտած կը պատէր:

Երբ մօտեցանք՝ շիտակ դիմեցի օրիորդին և
առանց սաստիկ կարմրելուս ուշք դարձնելով՝ պինդ
սեղմեցի իր փափուկ ձեռքը, թէև ոչ լացընելու
աստիճան:

Խեղճը զարմացած երեսս նայեցաւ, խնդաց ու
իսկոյն մեզի իրարու ներկացացուց:

Եղբայրը՝ պարոն կարապետ Չ...ով՝ նըկա-
րիչ էր:

— Նկարիչ, ա, որքան ուրանի եմ, բացական-
չեցի ես:

Այս բացականչութիւնս երեխ պարոնին շատ
հաճելի եղաւ, որովհետեւ բացարձակ համակրական
շեշտով մը պատասխանեց.

— Երեխ նկարչութիւնը դուք ալ շատ կը սիրէք:

Ա՛, անտարակոյս, գեղարւեստներու սիրահարն
եմ, թէև դժբաղդաբար բոլորէն ալ բորիկ: Միայն
ըսէք խնդրեմ, աւելի տեսարանով կ'ըզբաղ-
ւիք, թէ...

— Գիտէք, պարոն, ես իբրև արհեստաւոր
նկարիչ չեմ. արդէն այդ արհեստաւորներէն չեմ ալ
ախորժիր, որովհետեւ անոնք ստակի համար կ'աշ-
խատին, իսկ ստակը բանաստեղծութիւնը կ'ըսպաննէ:
Ես պարզ նկարչութեան սիրող մըն եմ, որ

միայն արւեստի սիրուն համար կը նկարեմ: Եւ
այդ պատճառով է, որ, ինքը զինքս գովելու հա-
մար չեմ ըսեր, նկարներս անհամեմատ առաւելու-
թիւն մը ունին:

— Սակայն ես ուզեցի իմանամ...

— Պետերբուրգ ձմեռւան տեսարան մը նկարած
եմ, որ ամբողջ մայրաքաղաքի զարմանքը շարժեց:

— Ուրեմն աւելի տեսարաններով կ'ըզբաղւիք:

— Այս. Կովկասէն լեռնանկար մը ունիմ, որ
կնեազ Կ. իր հիւրասէնեակի մէջն է կախած. այն
կնեազը, որ իմ մտերիմ բարեկամն է և միշտ սալոն-
ներու հերոսը: Բայց երբեմն ծռվանկարներով ալ
կը պարապիմ. Կասպից ծովէն էտիւդ մը ունէի,
որ նոյն իսկ Այվազովսկին մատ խածաւ: Ամբողջ
երկու օր իրարու հետ էինք, միւնոյն սենեակը, երբ
Ռոստով էի: Գիտէք, Այվազովսկին քանի մը խոշոր
թերութիւններ ունի. ես արդէն իրեն ալ ըսի, և
շատ ուրախ եղաւ. սակայն այդ նշանարդ ոչ չէ
կայ. անուն է՝ անգամ որ ելնէ, այլ ես կ'երթայ:

— Եւ ուր ուսած էք արդեօք:

— Եղած եմ Պետերբուրգ, Մոսկւա, Օդեսա,
Քանի մը ամիս ալ նկարչութեան ծննդավայրը
հտալիա: Այս, Օդեսա եղած միջոցիս գնչուհիի մը
գլուխը նկարեցի...

— Ուրեմն կենդանագրութեամբ ալ կ'ըզբաղւիք:

— Ահ, և առանց գովելու կ'ըսեմ, որ այդ ճիւ-
զին մէջ շատ վարժ վրձին մը ունիմ. Բնչ կըսէի.

համ, Օդեսսա զնչուհի մը գլուխը նկարեցի և այնպէս հրաշալի դուրս եկաւ, որ կնեագինեա Մ.-ը կատարելապէս պատկերին սիրահարեցաւ. կնեագինեա Մ.-ը՝ անշուշտ լսած էք՝ Մոսկւայի ամենանշանաւոր տիկիններէն է. ճիշդ երեք անգամ իր փառաւոր ամառանոցին մէջ տեղ-ձ-տեղ իր հիւրը լինելու պատիւը ունեցած եմ. ինչ նշանաւոր կին է և ինչպէս գեղեցիկ Մեղք որ Մոսկւա երկար չի կրցայ մնալ:

— Ի սրտէ կը շնորհաւորեմ ձեր յաջողութիւնները. ըսի ես ծածուկ հեղնութեամբ մը: Եւ օրիորդին դառնալով աւելցուցի.

— Սակայն, օրինրդ, չէք խօսիր. երեի, այսօր ալ դուք փիլիսոփայութեան միտում մը ունիք:

— Ո՛չ, պատասխանեց ժպակելով՝ անակընկալ հարցէս ցնցւած: Եղբօրս քաջագործութիւնները կը լսեմ, շարունակեց:

— Ինչպէս երէկ ես՝ տիկիններու խօսակցութիւնը:

Զգացի, որ համեմատութիւնս շատ համով փախաւ և աղջկան վարանումէն օգուելով՝ շարունակեցի.

— Իսկ ինձի այնպէս թւեցաւ, թէ դուք ալ, ինչպէս ես երէկ, խօսելու նիւթ մը ճարելու կը դժւարանաք. իսկ նկարչութենէն երեի արդէն կը տաշած էք:

— Ուրեմն երէկ նիւթ չի ճարելնուդ համար չէիք խօսեր:

— Կը կարծէի՝ այդ գուշակած պիտի լինէիք. երեւակայեցէք իմ գրութիւնս. շատ սովորական չնչին բանի մը վրայ խօսիլ առաջին անգամ տեսակցած անձի մը հետ՝ պարզ է, որ տիմար բան է. իսկ եթէ քիչ մը լուրջ լինդիք յարուցանէիք դուք պիտի չախորժէիք:

— Այդ ձեզի նվ ըսաւ:

— Որովհետեւ ամեն քիչ թէ շատ լուրջ բան ձեզի համար փիլիսոփայութիւն է, ուրիշ կ'ահաբեկիք:

— Շատ աննախանձելի ու անիրաւ գաղափար մը կազմած էք վրաս. պատասխանեց ինդալով ու հովանոցին ժամանենին հետ խաղալով:

— Եիտակը փիլիսոփայութենէն ես ալ չեմ ախորժիր, մէջ նետեցաւ պարոն կարապետը: Բարեկամ, ատոնք բոլորն ալ իրականը թողած օգային տեսութիւններու ետևէն վագող մարդիկ են, որոնց մէջ գեղեցիկ զգացումը չի կայ: Հաւատացէք, իմ մէկ ուրեանկարս անոնց ամբողջ փիլիսոփայութեան հետ չեմ փոխեր:

— Չեր նր ուրեանկարը. հարցուցի ես վերին աստիճանի միամիտ դէմքով մը:

Զարմանքով տեսայ, որ ծաղրս չըմբռնեց կամ գուցէ չըմբռնել ձևացուց ու պատասխանեց.

— Որ եւ է, որը որ կ'ուզէք:

Բայց քոյրը հասկցաւ ու թեթև մը ժպտեցաւ:

— Իսկ դուք, օրինրդ, նկարչութեան մասին

նոյն գաղափարը ունիք. հարցուցի ես խօսակցութեան այսպէս անյարմար տեղ կտրւելէն վախնալով:

Եւ սկսաւ խօսքը նորէն նկարչութեան շուրջը դառնալ: ձշմարիտը չդիտեմ, պարոն Կարապետի ծիծաղելիութենէն, թէ իմ առաջին յաջողութենէս, թէ վերջապէս այսօրւան մէկ մասնաւոր տրամադրութենէս՝ չափազանց զւարճաբան էի դարձած. կը որախօսէի ու կը խօսէի ոգեորւած:

Բաւական երկար միասին շրջագայելէ վերջը՝ երբ արդէն սկսած էր մթնել՝ իրարմէ բաժանւեցանք:

— Ե՛, այսուհետեւ մեր տան դռները ձեզի համար միշտ բաց է. ըսաւ պարոն Կարապետը բացարձակապէս գոհ հետո ծանօթանալէն:

— Անորհակալ եմ. կ'աշխատիմ օգտըւիմ արտօնութենէս:

Ու սինդ-սինդ սեղմեցի երկուքի ձեռքն ալ:

Ամբողջ իրիկունը դեռ նոյն ուրախ տրամադրութեան տակին էի. տարօրինակ բան՝ ոռւսերէն անմիտ երգ մը կը ծարծմէի:

Երբ մոտայ սենեակս ու նստեցայ մահճակալիս վրայ՝ ցիշեցի նախորդ գիշերը ու ժապացայ. որքան տարբերութիւն: Եւ ինքս ալ զարմացայ այս աստիճան զւարթ ու զւարճախօս լինելուս վրայ. բայց գոհ էի: Աղջիկը հիմա գիտէ, որ երբ ուզեմ՝ կրնամի թեթև դերը խաղար և եթէ չեմ խաղար՝ այդ իմ բարի կամքէս է կախած: Զէ, այսօր ինձմէ

գոհ եմ. միանգամ ընդմիշտ վարկս ապահովւած է այդ աղջկան առջև:

Միայն կը զարմանամ. ինչու այսչափ հոդ աղջիկան մը դէմ ինքզինքս բարձրացնելու. արդեօք սեռական հզարտութիւնն է այս:

Յունիս 16.

Երեկ ու այսօր Տուրգենևի «Նախընթաց իրիկունն» էր ձեռքս: Նոր վերջացուցի ու կը մտածեմ: Ե՞րբ մենք ալ այդ տեսակ երիտասարդութիւն մը պիտի ունենանք արդեօք. Ինսարովներ, նպատակով մը ոգեորւած էակներ, որոնք համալսարաններէ նոր ուժերով դառնան իրենց հայրենիքը, ոչ թէ հանգիստ օրեր ու ոսկի դիզելու, այլ ամեն խոչընդուռ արհամարելով ժողովրդի մէջ մտնելու, հանրային նպատակի մը աջակցելու, եթէ ոչ նոյն իսկ գոհ երթալու համար. ուր է սկզբունքի համար ամեն բան զրոնզ անհատ մը. ուր է: Իսկ էլէնան. Ասուած իմ, էլէնան. պիտի ունենանք այդ տեսակ աղջիկ մը, որ թողնէ կեանքի բոլոր գիւրութիւններն ու բարօրութիւնը երթալու համար իր սիրահարին ու իր սիրահարի գաղափարներուն ետուէն մինչև օսարութեան մէջ, մինչև կէս-վայրենի լեռներու մէջ, մինչև վառօդի ծուխին մէջ...

Կարդայած գրքիս համեմատ ալ բանաստեղծական տեղ մը ճարած եմ կարդալու համար: Մեր տունէն ոչ այնքան հեռու ձորին մէջ, գիտի եղեր-

քին, հակայ ուռիի մը բունն է թիկնաթուս, նոյն ուռիի ոստերուն թաւուտը — հովանոցս: Գետը կը զլուրի առջեւէս ժայռերու մէջէն խլացուցիչ ժխոր մը հանելով, և այդ սրտիս կորով տւող գետի կատաղի ծեծկուքը միանալով ընթերցանութեան թողած զգացումներուն՝ աւելի ևս կը գրգռեն ու կը սրեն երեակայութիւնս:

Միջադէպ մըն ալ, որ ոչ նւազ ցնցեց հոգիս: Խորը թաղւած էի անրջանքիս մէջ, երբ զլորուդ քարերու թփուտուք մը զլուխս կամաց մը ետ դարձուց: Զորի լանջէն երկու հոգի կիշնէին՝ տղա ու աղջիկ մը՝ քով քովի, երկուքն ալ երիտասարդ, երկուքն ալ սիրուն. տղու կերպերէն համալսարանական մը կարելի էր գուշակել: Անոնց խօսածը ես չէի հասկնար. ցած կը խօսէին, և կարծեմ վրացերէն. գետի աղմուկն ալ արգելք էր: Սակայն ինչ հարկ բառեր լսելու, արդէն գիտէի ինչ խօսելնին, գրեթէ կէտ առ կէտ: Պահ մը առաջ էլէնան ու Խնսարով ինչ կը խօսէին գրքիս մէջ. ա, այդ խօսակցութիւնը երիտասարդ գպրցականի մը ու սիրուն աղջկան մը մէջ. Նոյն, նոյն միշտ, անփոփնս բնալուծութեան ֆորմիւլներուն պէս: Անոնք խօսելով ու հանդարտ եկան անցան առջեւէս, անտարբեր նայւածք մը նետերով ինծի ու գրքիս. շրջազգեստի շրշիւն մը մօտէս սահեցաւ. և հաղիւ տասը քայլ անդին աղջիկը իր ժանեակներու մէջ կորած դաստակը նետեց թոյլ մը աղուն մէջքը: Աչքերուս դէմ, զրեթէ իրարու

փաթթւած, խիճերու խըշըրտուքին մէջէն, ծառերու շըշուկին տակէն, գետի հեգնող քըքիջի քովէն կ'երթան յամրաքայլ իրենք ալ շըշնչելով, իրենք ալ քըքջալով... Ու սկսայ նախանձիլ. տարօրինակ, չար նախանձ մը, ինչո՞ւ այդ տղան պիտի սիրւէր. մինչ ես, սրտիս բոլոր պատրաստականութեան հակառակ, հոգիիս բովանդակ զեղման հակառակ, սիրելու անհուն պահանջիս հակառակ՝ միշտ նոյն անզոյդ անապատի արմաւենին էի. չէի կրնար գաներ մէկը, չէի հանդիպեր մէկուն, որու սրտին մէջ թափէի սիրուժնշող յուզումներուս յորդումը, որու նայւածքին մէջ կարդացի անըրջած ապագայիս ու յոյսերուս իրականացման պատգամը, որու շրթունքներուն համբոյըը կեանքիս համ տար, էութեանս բոյր, որ իդէական մտապատկերներուս գեղեցիկ ներկայացուցիչը լինէր, որ... է:

Նեաեցի գիրքս, ցատկեցի ոտքի, թափ տւի ձեռքս, ու բունցքս սեղմած սկսայ արագ արագ երթևեկել ծառերուն տակ:

Յունիսի 19.

Ամեն իրիկուն իրարու հետ ենք. ես ու Զ.-երը քոյր ու եղբայր:

Աղւմք, շատ աղւոր իրիկուններ:

Արևը ձորի մէկ շրթունքէն կանհետի, մինչ միւսէն լուսնի կիսադէմր գուրս կը սողայ՝ տմոյն լոյս մը թափելով անտառակին ու արքունի խճուզիին վրայ:

Լիաթոք ներշնչելով գիշերային անուշ թարմութիւնը՝ կը խօսինք. թոյլ ու չփաղկպւած խօսակցութիւն մը, որ արդէն սկսաւ ինձի ձանձրացնել: Մանաւանդ որ բարելոնեան լեզու մը կը դորձածենք. ոչ անոնք շնորհքով հայերէն խօսիլ կրնան, ոչ ես շնորհքով ռուսերէն:

Պ. Կարապետը կը պատմէ յաճախ իր ճամբորդութիւններէն, եւ րոպական կեանքէն. սովորաբար անեկդոտներ:

Ես ընդհանրապէս աւելի կրաւորական դեր ունիմ խօսակցութեան մէջ. երբեմն միայն ջերմ կերպով մէջ կը նետիմ. և այդ պարագային անպատճառ վէճ կ'առաջանայ. յիմար, անմիտ վէճ մը, որ ամէն անգամ զզջալ կուտայ պատճառ լինելուս:

Օրիորդը կը լսէ, կը խնդայ, կը խօսի. ամէն դէպք, ամէն իր անոր համար նիւթ է, միշտ պատրաստ խօսք մը կայ քերնին: Վայրկեաններ ունի միայն, երբ յանկարծ լռակեաց կը դառնայ, դէմքին զայրոյթի ժպիտ մը կը փակչի, և աչքերը անիմաստ ակնարկով մը մեր ու մեզի շրջապատող առարկաներու վրայէն կը ասհին. երեխ այս ալ աղջկային է:

Թէւ միշտ իր տարօրինակ խօսւածքը, իր անհանգիստ, անսովոր շարժումները վրաս տպաւորութիւն մը կ'ընեն, անորոշ, տարտամ տպաւորութիւն մը, բայց արդէն կ'զգամ, որ պատռած է խորհրդաւոր քօղը: Սիրուն կորութիւններով, հրա-

պուրիչ փափկութեամբ շարժուն կերտւածմըն է այդ աղջկը, ուր սիրան ու միաքը հալւած են խելմը աշխարհիկ շաղփաղիներ, մանրիկ յուղումներ ու չնչին հոգեր ձուլելու համար:

Ես հետզհետէ կ'ըմբռնեմ, որ իրմէն ալ, եղբօրմէն ալ զգալի կերպով հոգեպէս բարձր եմ. և այդ գիտակցութիւնը վարմունքիս ազատութիւն մը կուտայ. կարծես իմ շրջանակիս մէջ կը մտնեմ. աղջկան ճնշիչ ազգեցութիւնը անցած է արդէն բոլորվին. ես աւելի ու աւելի վստահութիւն կ'առնեմ, ձեւերս անփութութիւն մը կը հագնին, և գիշերօթիկի ձախլիկութիւնը կը թափի վրայէն: Հիմա ինձի համար հաւասարապէս ծիծաղելի է օրիորդի վարմունքէն այն աստիճան վիրաւորւթիւն, այլ և անոր դէմ պատրաստած շէնք-շնորհք պատերազմական յատակագիծս:

Այսօր ամբողջ օրը Տուրգենևի թարգմանութեան էի տրւած ինքինքս. գործս յաջող կ'երթայ. միայն ինձի սոսկալի անհանգատութիւն կը պատճառէ ալ. Մկրտիչի անվերջ թըքթըքոցը. պարտէզը աթոռ կը շինէ: Արդէն անոր թըքթըքը երբէք չի վերջանար. մէկ՝ քովի սենեակն է, մէկ՝ պարտէզը, մէկ՝ խոհանոցը. միշտ իր դժոխային մուրճովը զինւած: Բայց ինչ մեղադրեմ խեղճը. մարդ կարող է մինչեւ իրիկուն պարապ նստի. քառասուն տարու ամուրի մը պարապ մինչեւ իրիկուն. դեռ անշատ աղէկ վարժւած է. ակնթարթ մը ինձի իր

տեղը դնելու կը սոսկամ։ Ասուած իմ, ինչ կեանքի դատարկութիւն, ինչ աննպատակ դոյութիւն։

Գիշերը անքունութենէ չարչարւելէ վերջը՝ առառն կանուխ ելիր ու սաղմոս քաղէ. եաքը քանի մը ումսկ թէյ խմէ շարունակ զիշերւան մոծակներէն գանգատելով. ապա թափառէ մէկ սենեակէն միւսը զուրս ելած գամ մը, խախտած սոնի մը փնտռելով, մինչև որ գան ու ճաշի հրաւիրեն. կուշո ու կուռ ուտելէդ վերջը՝ դնա սենեակդ ու քնացիր և արթնցիր իրիկունը ուշ ատեն, ինքդ ալ չգիտնալով ինչ ընելու համար։ Ո՛հ, և այս անվերջ, անդադար, առանց փոփոխութեան. այս տարւընէ գալ տարւանը կրնաս երեակացել։ Անվերջ, ճիշտ սլարդ պարբերական կոտրակի մը պէս, որ օր մըն ալ կը հասնի, երբ նոյն թիւը գրելէ ձանձրացած՝ աչ բազմակէտ մը կը դնես. կեանքի մեծ քազմակէտը... ու վերջացաւ։

Եւ ասոր կըսեն ապրիլ. ինչ ոչնչութիւն՝ կեանք առանց գործելու, առանց մաքառման, առանց մորմորման, առանց կրքերու, առանց անհատնում ծրագիրներու. Ի, մահը շատ աւելի խորհրդաւոր ու բանաստեղծական չէ։

Յունիս 24.

 Երկու օր է Վարդուհին չեմ տեսած։ Խեղմը հարբուխ է եղած ու դուրս չելնէր։

Այս իրիկուն պ. Կարապէտին հանդիպեցայ, խօսակցութիւնը չէր կապւեր։ Քիչ մը պտտելէ,

վերջը առաջարկեց միասին թէյ խմենք ու սկսաւ յանդիմանել, թէ ինչու մինչև հիմա դեռ տուներնին չէի գացած։ Ես ալ նոյնը իրեն ըսի. քրոջ հիւանդութիւնը իրեն զէնք ըրաւ, ու ես զինաթափ գոնուեցայ։

Երբ պատշգամին սրահը մտանք՝ մայր ու աղջիկ վեր ցատկեցին թէյի սեղանէն։

— Օ՛, այս ինչ հրաշք, ըստ օրիորդը ժպտելով։

— Հրամեցէք, հրամեցէք. կը կրկնէր մայրը։

Նստեցանք։ Տիկինը ընտանեկան անհրաժեշտ հարցերու շրջանը լմբնցուց։ Թեթև ու ոստոստուն խօսակցութիւն մը սկսաւ։

Օրիորդը ոչինչ չունէր. քիչ մը աւելի գիրցած երեցաւ աչքիս։ Ինքնաեռի դէմը նստած բաժակները կը մաքրէր։ Եր գիրդ ու մինչև արմուկը հայեացքիս դէմ անպաշտպան փղոսկրէ դաստակները անդադար կը շարժէին ինքնաեռին ու բաժակներուն շուրջը։ Ես քանի մը գողունի ակնարկներ սպրեցուցի այդ քնքոյց ու ողորկ թեւերուն վրայէն, ու, պիտի խոստովանեմ, չափազանց սիրուն գտայ։

Դուրսը սիրուն լուսին գիշեր մը։

Այն աստիճան սիրուն, որ չդիմացանք ու թէյը վերջացնելուս պէս դուրս նետեցանք պատշգամ։ Մայրը աղջիկը արգելել ուզեց հարբուխէն վախնալով. սակայն օրիորդը բարակ շալ մը գլխուն նենետելով մեզի ընկերացաւ։

Աթոռներուն մէջ ընկղմած՝ երկինք կը դիտէինք։
Ի՞նչ խաղաղ գիշեր։ տերեւ մը անգամ չէր զողզղար։
Ծնկնող աստղ մը անգամ չի կար, միայն գետն էր,
որ ձորէն իր հին երդը կը կրկնէր անտարբեր։ լոյս
էր՝ ցերեկւան պէս։ միայն լուսնի արծաթէ լոյսը,
որ ամեն բան աւելի արձանի կը նմանցնէր։

— Տեսէք, տեսէք այդ ամսկերը։ ինչ սիրուն
են։ բացականչեց պ։ Կարապետը ոգևորւած։ ճերմակի
ու մութ-կապոյտի ի՞նչ հիանալի խառնուրդ։ հապա
այն թանձրանազի գոյնը ձուլւած գորշին հետ...

Ու կը շարունակէր իր նկարչական դիտողու-
թիւնները գոյների բաղադրութիւններուն, ծառե-
րու շուքին, շուքերու թանձրութեան, կիսաստեր-
ներու նրբութեան վրայ։ Կը խօսէր միայն իրեն
համար։ Մենք լուռ նստած էինք ու հեռուն կը դի-
տէինք։

Ան վերջացուց։ Երկար լռութիւն մը յաջոր-
դեց, որ սկսաւ ճնշիչ դառնալ։ խօսք կը փնտուէի։

— Բայց ի՞նչ հմայիչ գիշեր է, պ։ Երւանդ,
ըստ յանկարծ օրիորդը ուռւսերէն։

— Այո՛, հմայիչ գիշեր է, կրկնեցի ես հայերէն
ու դիտմամբ շեշտեցի։

Օրիորդը զարմացած երեսս նայեցաւ։
— Իրաւ, օրիորդ։ ի՞նչու հայերէն չէք խօսիր,
քանի որ ամենքս ալ հայ ենք։

— Օրովհետեւ աղէկ չգիտեմ։ վարժւած չեմ։ Ե
վերջապէս ի՞նչ կ'ենէ։

— Բայց ձեր մայրէնի լեզուն։

— Մայրէնի լեզուս, մայրս ինձի հետ միշտ
ոռւսերէն է խօսած։ եթէ չէք հաւտար՝ կանչեմ
իրեն հարցուցէք։ պատասխանեց աղջիկը բարձրա-
ձայն ծիծաղելով, ու կէս երգող ձայնով մը ռմամառ
պոռաց։

Ես վայրկեան մը վարանեցալ։ Իմ տեսական
հայեացքիս խիստ գործնական պատասխան մը դէմ
առեր էր։ Հայութիւնը այդ ճաշակի խնդիր է, մէջ նետ-
ւեցաւ պ։ Կարապետը ո՞ր լեզուն որ անուշ, գեղեցիկ
ու գունագեղ է՝ այն ալ կը զործածեմ։ աղոր
վրայ ի՞նչ խօսել արժէ։

— Ուրեմն հայերէնը տգեղ է՝ ըսել կուգէք։
— Նիտակը խօսելով, շատ գեղեցիկ չեմ գտներ։
— Սակայն, բարեկամ, կարծեմ ձեր նկարչական-
նրբաճշակութիւնը հոս ձեզի օգնելու պիտի չի
յաջողի։ Նախ՝ որ այս կամ այն լեզով խօսելը
ընաւ ճաշակէ կախւած խնդիր չէ, ձեր քոյլը գուցէ
աւելի ճիշտ պատասխանը տեաւ։ Երկրորդ ալ՝ պահ-
մը ձեր ըսածը ընդունելով՝ ուրկէ հասկցաք հայե-
րէնի տղեղ լինելը, քանի որ ի՞չ ալ մեր գրականու-
թիւնը կը ճանչնաք։

— Ե՛, ի՞նչ կայ որ՝ ի՞նչ ճանչնամ։ ըսէք տես-
նեմ ո՞րն է հայերէն բանասեղծութիւնը, գրակա-
նութիւնը, գեղարւեսը։ ի՞նչ կայ։

— Հետաքրքիրի համար շատ բան, պատասխա-

Նեցի ես՝ զգալով որ սուտ կը խօսիմ։ Եւ իսկոյն կարծես մեղքս քաւելու համար աւելցուցի.

— Բայց եթէ նոյն իսկ բան մը չունինք՝ յանցանքը ոչ թէ ձեր ատգեղ» անւանած լեզւինն է, այլ ձերը, պարոն կարապետ։

— Ե՞ս։

— Այն, ինչու զարմացաք, յանցանքը ձերն է. ձերն է ու իմը. մեր երիտասարդութեանը. մեր մէջ դեռ չի կայ ձեռներէցութիւն, նախանձ ու ինքնուրոյնութիւն ըսւած բաները։ Մենք փոխանակ մեր կեանքը ուսումնասիրելու, մեր ուղեղը աշխատցնելու, մեր բնական ունակութիւններուն հոսանք տալու՝ կը բաւականանանք ուրիշներու ստեղծածովը սքանչանալով։ Այն. յանցանքը մերն է, որ դեռ չունինք այնքան ազնիւ հազարութիւն, այնքան նուրբ պարտաճանաշութիւն մեր սեփական ուժերը գործադրելու, մեր յատուկ ստեղծագործութիւնները ունենալու, մեր կեանքի խճողումը ու մեր մոքի գալարումները վերլուծելու, մեր սրտի յորդումը ու մեր երևակացութեան սլացքները արտայացելու։ Երբ տեղը գայ ինքզինքիս ու մեր կեանքը ծաղրել դիսենք. բայց ասկէ անդին—ոչինչ։

Լուեցի ու դառնացած սկսայ լուսինը դիտել։

Երբ աչքերս վար առի՞ օրիորդի ակնարկին հանդիպեցաց, որ շալի թեթև ծալքերու մէջէն դէմքիս էր յառած։

— Եիտակը աղէկ չըմբռնեցի՝ ինչ ըսել կու-

պէք. ըսաւ պարոն կարապետը վայկեան մը լոռութենէ վերջ։ Բայց այդ նոյն է. ինդիրը ինծի չի վերաբերիր. ես նկարիչ մարդ՝ շիտակը ոչ ժամանակ ունիմ, ոչ ալ տրամադրութիւն այդ տեսակ բաներու վրայ խորհելու։ Միայն այսքանը ինծի պարզ է, որ մենք հայերս հաստ, կոշտ ժողովուրդ ենք. ճաշակ ըսւած բանը մեր մէջը չի կայ. նուրբի, գեղեցիկի ընդունակութիւնը չունինք. իսկ երեակայութիւն, բնաւ։

— Բարեկամ, ատոնք պարապ խօսքեր են, քանի որ ոչ մեր ժողովուրդը կը ճանչնաք, ոչ մեր կեանքը։ Եւ ճշմարիտ կը զարմանամ. ինչպէս առանց խղճահարելու անիրաւաբար կը պախարակէք ամբողջ ժողովրդի մը ընդունակութիւնները. ժողովուրդի մը, որ ձեր մայրն է, և որու երեսն ալ չէք տեսած։

— Ինչու պիտի խղճահարիմ, սիրելիս. մարդ պէտք է ազատ մտածէ. պէտք է լայն լինի մեր մտածման հորիզոնը. նեղ, անձուկ, միջնադարեան գաղափարներու ժամանակը անցած է. այս դարը քննադատութեան դար է. Վոլտէրներու, Գոլաններու ողին է մեր դարը դարձնողը։

Ես ապուշ-ապուշ երեսը կը նայէի։

— Ազատ, լայն մտածողութիւն, համարձակ կարծիք. կրկնեց ինքնաբաւական ու լուց։

Զպատասխանեցի. ի՞նչ ըսէի։

Ներս մտաւ տիկինը ու խօսակցութիւնը բոլորովին փոխեցաւ։ Ես անհանդիստ էի։

Քիչ մը վերջը ծանր քայլերով տուն կը դառնայի լուսինի լրյախ մէջ թաթիւած խոտերու վրայէն; Վէճը վրաս ազգած էր ու շատ գէշ տպաւորութիւն թողած: Անգամ մը ուրախ եղաց իրենց անփութութիւնը երեսնուն զարկած լինելուս համար. մէկ ալ մեղադրեցի ինքզինքս. միթէ վարմունքս յինձարութիւն չէր. ինչ օգուտ. բան մը, որ անոնք ինձի հասկնալ չեն կրնար. մենք տարբեր կեանքով ենք մեծցեր: Զուր տեղը վրաս խնդացնելու առիթը տւի անոնց: Հիմա, ով գիտէ, ինչ նեղ գաղափարներու տէր կ'անւանեն ինձի, ինչ սեղմ հասկացողութեան մարդ:

Էհ, մտածելը չարժեր:

Յունիս 25

Իրիկւան անուշ օդէն օգտւելով՝ նոր էի նըստեր կարդալու, երբ Հուռբսին եկաւ յայտնեց, թէ օրիորդ Վարդուհին եկեր ինձի կը կանչէ:

Ցնցւեցայ ու զարմացայ. ինչ կ'ուզէր. և միևնոյն ատեն ակամայ ուրախութիւն մը թափանցեց մէջս:

Օրիորդը իր պատիկ քրոջը հետ վարը կեցած կը խօսէր մեր տիկնոջ հետ, որ պատշգամէն անդադար կը կրկնէր, որ գոնէ քանի մը վայրկեան վերելնէ:

Աղջիկը հաղիւ բարես առաւ, որ ըստ:

— Արդեօք ժաման մը չափ կրնաք ինձի ընկե-

րանար. պտոյա մը ընենք մեծ ծանապարհին վրայ. ձեզի հետ խօսելիք ունիմ:

— Ամենայն սիրով, այս վայրկեանիս. ըսի ես ու սենեակս նետւեցայ:

«Ինձի ըսելիք ունի» կը փսփսայի ինքնիրենս՝ դլսարկս դնելով ու ձեռնափայտս փնտոելով:

Իջայ, օրիորդի ձեռքը թոթւեցի. տիկնոյ ցտեսութիւն ըսինք ու ձամբայ ելանք:

Արքունի ուզին էր, որու վրայէն կը քալէինք. երկու կողմը ձորի կողերն էին թզուկ ծառերու կրկնոցովը իրենց ուսերու մերկութիւնը փաթթած. վարն ալ միշտ նոյն չարաճմի գետակր:

Մենք լուռ իրար քովէ կը քալէինք. տարօրինակ յուզում մը կար մէջս. սաստիկ հետաքրքիր էի իր ըսելիքին. իր վարմունքը արտասովոր, յանդուգն ու անսպասելի էր: Ես միշտ լուռ իր խօսելուն կ'ըսպասէի: Խսկ աղջիկը յաճախ երեսս կը նայէր ու կը ժպտէր, սակայն առանց ոչինչ ըսելու:

Անխօս հասանք մինչև այն պղտիկ կամրջակը, որ խճուղին մեր ափէն ձորի միւս ափը կ'անցնէ:

Անցանք կամրջակը. գետն ալ ձախէն աջ անցաւ:

— Կատեա, շրջանակդ չբարձնե՞ս, ըստ քրոջը ուսին զարնելով:

Երբ Կատեան շրջանակի ետեւն վազելով հարթ ծանապարհին վրայ բաւական հեռացաւ՝ օրիորդը առանց այլեազլութեան գարձաւ ինձի:

—Պարոն Վէեան, կ'ուզէի հայերէն սորւիմ.
ինծի ի՞նչ խորհուրդ կուտաք:

Քարի պէս անշարժ կանգ առի:

Աղջիկը պահ մը ժպտելով ինծի նայեցաւ ու
աւելցուց.

—Ի՞նչու կեցաք:

—Բայց...

—Ի՞նչ բայց. առանց բայցի. ինդրեմ հար-
ցէս խոյս չի տաք:

—Ո՛չ. միայն որոշ չեմ հասկնար՝ ի՞նչ ըսել
կ'ուզէք:

—Զարմանք, պատասխանեց միշտ ժպտելով.
կ'ուզեմ հայերէն սորւիմ. ի՞նչ միջոցներ կրնաք ին-
ծի ցոյց տար:

—Ի՞նչ ըսեմ ձեզի. պէտք է կարդաք, ու
կարծեմ գէթ սկիզբները օգնականի ալ պէտք
ունիք:

—Այդ բոլորը ես ի՞նքս ալ գիտեմ. ուրիշ:

—Ուրիշ...

Աղջիկը կանգ առաւ ու հովանոցին կոթովը
գետինը եռանկիւնի մը գծելով աւելցուց.

—Եթէ ձեզմէ ինդրեմ, որ դուք լինիք այդ
օգնականը՝ կը համաձայնիք:

—Ե՞ս, օրիորդ:

—Այն, գուք. պատասխանեցէք. կրկնեց առանց
գլուխը բարձրացնելու:

Ես շարած էի, ուրախ էի, յուզւած էի:

—Օրիորդ, ինծի մեծ պատիւ կ'ընէք. միայն
մի մոռնաք, որ...

—Ո՛չ, հչ. առանց ձւականութիւններու, կամ
այն, կամ հչ. ըսաւ արագ աչքերը աչքերուս դա-
մելով:

—Պատրաստ եմ, ու ամենայն սիրով:

—Ծնորհակալ եմ. տուէք ձեռքերնիդ:

Ու կրկին պինդ մը սեղմեց ձեռքս, ի՞նչպէս
մեր առաջին հանդիպման ատեն:

Ես ալ փոխադարձաբար:

Սկսանք քալել վերստին:

—Արդեօք կարելի է հարցնել, օրիորդ, թէ ի՞նչ-
պէս այս յանկարծական որոշման հասաք:

—Այս որոշմանը, այնպէս, սիրուս այսպէս ու-
ղեց. բայց ձեզի հվ ըսաւ, թէ ացդ յանկարծական
վճիռ է:

—Կը կարծեմ. քանի որ...

—Պարոն, գիտէք, որ այս ամբողջ գիշերը ես
այդ խնդրովն էի զբաղւած. խնդրեմ, այնպէս շու-
տով ուրիշները մի մեղադրէք:

—Ժպիտը շրթունքներէն սրբւած էր. ու տե-
սակ մը ջային յուզումով շարունակեց.

—Եւ եթէ այդ յանկարծական որոշում լինէր՝
միթէ կը կարծէք, որ գայի ձեզմէ խնդրէի:

—Ներկցէք, օրիորդ. ըսի ես կամաց՝ զարման-
քէս ապշած:

Այս առաջին անգամն էր, որ այդ աստիճան

Արջութիւն կը տեսնէի իր ծիծաղկոտ գէմքին վրայ, իր ձայնը երբէք այդ աստիճան կամք արտայացտած չունէր. ընդհանրապէս այսօր բոլորովին ուրիշ տպաւորութիւն մը կ'ընէր վրաս. Վարդուհին աւելի հասունացած էր կարծես. աւելի ջղոտ ու դիւրագրգիռ:

Իր տպաւորութիւնը մէկէն սկսաւ աչքիս առջև բարձրանալ:

Մենք լռած էինք. ու նորէն քով քովի կ'երթայինք:

Աղջիկը անհանդիստ էր ու կը մըտածէր:
Ես աչքիս պոչովը կը դիտէի ճերմակ ու նուրբ կիսադէմը, իր փղոսկրէ վզին մէկ մասի հետ. կէս-
բաց շրթունքներէն արագ-արագ կը շնչէր. երկայն,
բացխքինկ թերթերունքները շուտ-շուտ կ'ընդհար-
ւէին գլուխն ու երեսը փաթթող կապոյտ քօղին.
մազի փունջ մը խուսափելով կեռիկներէն եկեր ճա-
կատին անկիւնը խղունջ մը գալարած էր. հապա
իր այտը. քալելէն, ներքին զբաղումէն ու օղի ազ-
դեցութիւնէն անուշ կարմրութիւն մը առած էր,
որ մարմնի ծիւնաթուր ֆոնի վրայէն, այն ալ կա-
պոյտ քօղին տակ, այն ալ իրիկնամուտի նարնջա-
դոյն ճառագայթներու մէջ թաթխւած՝ գոյներու
աչք կաշկանդող խաղ մը կ'առաջացնէր: Վարդուհին
այդ վայրկեանին անբացատրելի գեղեցիկ էր. ես
այդ զգացի ու սրտի ճմում մը ունեցայ:

—Պարմն, շարունակեց յանկարծ. ներեցէք, ես

քիչ մը շուտիկ եմ. ըստք խնդրեմ՝ ինչ գիրք գրտ-
նեմ ու ի՞ր սկսինք. կը տեսնէք որքան շուտ ակը-
սայ ձեզի ձանձրացնել. քանի գեռ ժամանակ է եկէք
գուք խօսքերնիդ ետ առէք. վերջը ինծի չի մե.
զադրէք:

Ու աչքի տակովը ժապուն ինծի կը նայէր:

— Շիտակը սիրուն վարպետութիւն է. պատաս-
խանեցի ես նմանապէս ժապտելով. ինծի քաշել թա-
կարդը ձգել, վերջն ալ փախչելու իրաւունք տալ:
Գալով միւս երկու հարցերուն՝ գրքի մասին հոգ մի
ընէք. ես քովս քանի մը կտոր ունիմ՝ բան մը
կ'ընտրեմ. իսկ սկսելը վազւընէ շուտը չիկայ:

— Նորհակալութիւնը պղտիկ բան մը լինե-
լուն չեմ ըսեր:

—Կամ շատ խոշոր լինելուն:

—Կատեա, պոռաց քրոջը:

Պղտիկը հասաւ մեզի. ու մենք ետ դարձանք:

Այդ բոլոր անցած-դարձածը զեռ աղեկ մը
ինծի չեմ կրնար բացադրեր. ինչպէս արագ ու ան-
ակնկալ եղաւ. նվ կ'երևակայէր, որ այդ աղջկան
այս չափ մօտենալու էի, այն ալ այսպէս շուտ. և
ինչ տարբերութիւն երէկւան ու այսօրւան ձգած
տպաւորութեան մէջ. և երբ կ'զգամ, որ այդ տար-
բերութեան պատճառը իմ երէկւան ճառս էր: Մի-
նակ այն գաղափարը, թէ իմ խօսքերս այդ սիրուն
գլուխը ամբողջ գիշեր մը չարչըեր են՝ ինծի հաճոյք
կ'ազդէ, երեխ՝ ուժիս գիտակցութեան հաճոյքն է

այդ. անշնուշա, ուրիշ ինչ կրնայ լիներ: Բայց զարամնք. ինչպէս ինձի հետ զբաղւելու դադավարը յղացած է. իրեն շատ համելի եղած լինելու եմ: Ինչպէս ալ սիրուն է անպիտանը:

Յուլիս 2

Կարախւան մը չափ է սկսած ենք մեր աշխատութիւնը: Օրիորդն ալ, ես ալ մեծ եռանդով ենք գործին յարած. նոր փափագ է:

Ամեն օր որոշեալ ժամին մեծ անհամբերութեամբ կը վազեմ օրիորդենց պարտէզը, ուր իրենց սուերու հովանոցին տակ զբաղւելու կը նստինք: Այդ տեղը օրիորդը ընտրեց՝ չխանդարւելու համար: Ես գրքերէս զատեցի «Դաւիթ բէգը»:

Արդէն քանի մը գլուխ կարդացած ենք: Օրիորդի ընթերցանութիւնը գէշ չէ. նոր բառերը քիչ մը կը կըզէ: Զարմանալի յիշողութիւն ունի: Անյագօրէն կը լսէ, թէ լեզէին, թէ մեր կեսնքին, թէ տեղական և թէ պատմական բացատրութիւններս, որ անդադար ստիպւած եմ ընկելու ընթերցման ատեն. երբեմն այնքան լուրջ ու մտախոհ, որ նոր սկսած ատեննիս կը կարծէի թէ ուշ չի դարձներ: Օր օրի զարմանքս կ'ամի. իր հարցերը հոգեկան ծածուկ խորհրդածութիւններ, կասկածներ, դժգոհութիւններ կը մատնեն:

Ես ինչ սխալ գաղափար էի կազմած այդ աղջկան վրայ երևոյթէն դատելով: Ան ինձի համար

զւարթ, անհոգ, պատրաստաբան, գեղեցիկ, հոգեկան նուրբ զգացումներէ զուրկ, ամեն քիչ-շատ լուրջ հարցէ յորան ջող պէրուհի մըն էր. իսկ հիմա. հիմա իր տպաւորութիւնը անոր համար աւելի մեծ է, որ բնաւ չէի սպասեր: Հիմա ինքնիրենս կը հարցնեմ: միթէ այդ սիրուն, աշխարհիկ կեղեւին տակ խորունկ հոգի՞ մը կայ պահւած. և շիտակը չգիտեմ ինչ պատասխանեմ: վերջին երկու շաբաթւան մէջ այնքան արագ ու իրար ետևէ սկսան կրած տպաւորութիւններս փոխւիլ, որ հաստատ բան մը ըսելու այլ ևս չեմ համարձակիր:

Այսափը մենակ ինձի համար պարզ է, որ մեր այս նոր աշխատութիւններէն չափազանց գոհ եմ ու ոգևորւած:

Զեականութիւնները շատ շուտով վերջացան մեր մէջէն. ոչ միայն իմ և օրիորդի, այլ և մեր երկու ընտանիքներու մէջէն: Ամարանոցի մենութիւնն ու ազատութիւնը, երկու տարեկից տիկիններու սրտակցութիւնը, երիտասարդներուս իրարուհետ կապւիլը՝ պատճառ եղաւ մեր ընտանիքներու աւելի սերտ յարաբերութեան:

Տիկինները շուտ-շուտ իրարու կ'ացցելին. պ. Մկրտիչի հետ նարդ կը խաղայ:

Գալով ինձի՝ ամեն օր ճաշէն առաջ արդէն անոնց եմ: իսկ ճաշէն վերջն ալ երթաւլու ամենի ինդժւարութիւն չունիմ: մեր զբաղումները իմ ազատ անցագիրս է:

Եւ Զ.-երու տանը գրաւած դիրքս նախանձելի կրնայ համարւիր: Պր. Կարապետը բացարձակապէս ինծի կը համակրէ, քանի որ լիակատար միջոց կուտամ իրեն նկարչութեան վրայ խօսելու. ան բնաւքը ըշը գործին չի խառնւիր, բնաւ: Օրիորդիս մայրը ինծի սիրեց առաջին օրէն: Թէե կը վախնայ, որ մտաւոր աշխատութիւնը իր աղջիկը կը յոդնեցնէ, բայց և այնպէս մեր պարապմունքներուն արդելք չէ. մանաւանդ որ օրիորդը տան մէջ բոլորովին անկախ դիրք մը ունի, դեռ քիչ մըն ալ տիրապետող: Վեցամետայ կատեան վրաս կը խենթենայ. երթալուս պէս թեւերուս ու ծունկերուս վրայ է: Նոյն իսկ բաց-դեղին մազերով, կապուտաչւի ուսուս սպասուհին առանձին փութկոտութիւն մը ունի դէպի ինծի ու միշտ ժպիտ մը իր շրթունքին:

Յուլիս 7

Փանի ատեն է սովորութիւն եմ ըրած, երբ ցորեկւան տաքը քիչ մը կը կոտրի՝ կ'առնեմ գրքերս ու կ'երթամ լեռան լանջն իվեր՝ անտառակը, որ մեր տան ետեօքն է:

Սրածայր գաւազանիս յեց՝ կը բարձրանամ մինչև հոն, ուր խումբ մը ծառեր իրար գրկելով բաւական սիրուն բնական հովանոց մը կազմած են, թէւ շրջակայքը ընդհանրապէս անտառութենէ ելած է արդէն:

Կը նետւիմ գետին ու կը կարդամ:

Երբ ալ յոդնիմ, կը նետւմ դիրքս խոտերուն մէջ ու կը փուլիմ կոնակիս վրայ: Հովանոցի ծակերուն մէջէն կը դիտեմ երկնքի մաքուր բաց-կապոյտը, ուր հազիւ երբեմն ամպի վեռեկտումներ, մշտափոփոխիս երազական էակներու նման, հանգարտիկ կը լողան:

Եւ ես կը թաղւիմ այդ կապոյտին մէջ մոքերըս ցրիւ, զգացումներս անորոշ, կէս արթուն, կէս անրջոտ... մինչև իրիկւան դէմ արթնցող հովը շարժէ հովանոցիս կանաչ գմբեթը ու ես սթափիմ:

Այդ սթափման վայրկեաններուն յաճախ կը մուածեմ մեր առաւոտեան պարապմունքներուն վրայ, մեր ընթերցման վրայ: Այդ աշխատութիւնը արդէն կեանքիս մէջ մեծ տեղ մը գրաւած է հիմա. անդադար նոր ծրագիրներ կը պատրաստեմ. յաջորդ օրւան կարդալիքնիս աչքէ կ'անցնիմ: խօսելու էական հարցերը կ'որոշեմ. շարադրութեան նիւթ կը վինտուեմ. կամ յիշողութեանս մէջ կը վերարտադրեմ առաւոտեան խնդիրները, վէճերը, աղջկան ընթերցումը, ձայնը, գիրքը, իր ժպիտը, նայւածքը:

Այս իրիկուն նոյն այդ դիրքին մէջ կ'երազէի, երբ տարօրինակ հարց մը ծնունդ առաւ ուղեղիս մէջ. եթէ Վարդուհիին տեղ ուրիշ մը լիներ՝ այսպէս պիտի աշխատէի: Բաւական խորհեցայ որոշ պատասխան մը տալու վարանելով, բայց կ'ըզգամ, որ ոչ պիտի խօստովանիմ, դիմացինիս աղջիկ մը լինելը ոգևորութեանս վրայ մեծ աղջեցութիւն

ունի. մանաւանդ այս տեսակ աղջիկ մը, որ որքան տարօրինակ է, այնքան ալ սիրուն: Ես արդէն սկսած եմ գիտակցել, որ մեր պարապունքները ինձի համար պարզ զբաղում մը լինելէն առաջ անփոխարինելի հաճոյք մըն է: Հաճոյք, այս. նստած դէմդէմի հովասուն բաղեղներուն տակ, յենած մարմարէ կլոր ու նեղ սեղանի մը, այնքան նեղ, որ երբ երկուքս ալ քիչ մը հակինք՝ մազերն իս իրար կը շոյեն. անուշ, ներդաշնակ կանացի ձայն մը, որ կը թրթռայ իրեն յատուկ աղւոր շեշտերով. և գինիի պէս կը գինովցնէ ինձի ու կ'ոգեսորէ: Ես այդ ոգեւորութեան կը պարափակ առած սրաալիր բացատրութիւններս, որոնք երբեմն շատ հեռուները կ'երթան ու վէճեր կը ծնին. ա, այդ վէճերը, ձայներնիս իրարու կը հիւսւին. և աղջիկը իր մէկ հրապուրիչ սովորութեամբը ինձի լուեցնելու կամ առարկութիւնս արգելելու համար՝ անդադար ձեռքս կը բռնէ. երբ իր քնքուշ մատներուն տակ դաստակիս սեղմնիլը կ'ըզգամ՝ սարսուռ մը կ'անցնի մարմնէս. է, աղջիկ մըն է վերջապէս:

Յուղիս 11

Այսօր վերջացուցինք վէպի առաջին մասը. թարմ տպաւորութեան տակ սկսանք խօսիլ այլ մասի գեղարեւստական թերութիւններու ու գեղեցիկ կտորներու վրայ: Այս զբաղումը մեզի այնպէս կլանած էր, որ ժամանակի անցնիլը բնաւ չնկա-

տեցինք: Այն ասոեն միայն ուշքի եկանք, երբ սպասուհին հովանոց մտնելով մեզի ճաշի հրաւիրեց: Ես ուզեցի մեկնիմ, բայց Տիկնոջ ու պ. Կարապետի միահամուռ ստիպումներու առջեւ տեղի տալու հարկադրւեցայ:

Պ. Կարապետը ճաշէն վերջը ինձի իր աշխատանոցը առաջնորդեց, ուր մինչեւ հիմա գրէթէ շնորհքով չէի մտած:

— Իրաւ, թէւ ցոյց տալու բան մը չունիմ, աղւոր կտորներս թիֆլիս եմ ձգած, ըսաւ սպարոնը նախապէս, բայց և այնպէս, գլամէք, մարդ միշտ հաճոյք կ'զգայ իր աշխատութիւնը ուրիշի մը ցուցնելով:

Եւ պարոնը բնաւ այդ հաճոյքը չզլացաւ իրեն՝ ի հաշիւ իմ ձանձրոյթիս: Ժամերով ինձի մէկ կիսաստ ներկերու մէջ թաթիւած կտաւի առջեւէն միւսին առջեւը կը քաշէր. անդադար խօսելով, մեկնելով, բացազրելով նկարներուն նիւթը, իր նկարելու եղանակը, փաստեր կը բերէր նկարիչներու խօսքերէն ու կեանքէն:

Ես անքաղաքավարի ու ագէտ չերևնալու համար մէջէմէջ բան մը կ'ըսէի կամ կը հարցնէի, թէւ իր այդ շատախօսութիւնը ինձի այնքան հետաքրքրական էր, որքան իր նկարելիք պատկերներուն ուրւագեցէր:

Վերջապէս դարձանք սենեակ:

Տիկինը առաջարկեց աղջկանը բան մը նւագել
դաշնակի վրայ:

Օրիորդը սովորակոն կը ձանձրացնեմ և այլու
դարձւածներէն վերջը՝ բացաւ դաշնակը ու աթու-
ռակին վրայ նստելով —

— Ի՞նչ կուզէք, հարցուց ինձի:

— Ի՞նչ որ կը կամենաք:

Ժպոհցաւ՝ չգիտեմ ինչու. վարկեան մը եղունկ-
ները դիտեց. արագութեամբ դուրս քաշեց ձայնա-
տեսրերու կոյտէն մէկը ու սկսաւ թղթատել. այն-
պէս արագ, որ հազիւ կրցայ տեսրակի երեսին Մեն-
դելսոնի անունը կարդալ:

Նւագել սկսաւ:

Ես դաշնակի քովը կեցած՝ կը դիտէի իր երկար,
ճկուն բարակ մատները, որոնք դաշնակի մատնե-
րուն վրայ կը վազէին. իր կարծ կտրած մազերը,
որոնք ամեն ցնցման ուսերուն վրայ կը դողդղացին,
իր նուրբ ու պինդ կծկած շրթունքները, իր ձայ-
նատերին յառած-գամած վառ աչքերը. և այդ
բոլորը չափազանց հմայիչ կը թւէր ինձի երաժշ-
տական ալիքներուն մէջէն:

Քիչ մը վերջը կ'անջատւէի. ու խոհուն դէմ-
քով փոխանակ տուն երթալու՝ իջայ շիտակ ձորը
ու կոթնեցայ մամառու ժայռի մը, որու վրայ ան-
ճոռնի, ծուռ ու մուռ ուսի մը ստեր կը ձգէր:

Անշարժ, կէս նստած, կէս յենած ականջ կը
դնէի երկար գետի աղմուկին ու կը դիտէի անոր
բիւրաւոր գալարումներն ու ոլորուն պտոյաները:

Ժամերը կը թռչէին՝ գիտէի. բայց չէի ուզեր-
տնդէս երերամ. աեսակ մը մեղկութիւն տիրած էր
վրաս: Կը ցանկայի այդպէս մնամ անշարժ, այդ աղ-
մուկին մէջ անվերջ խոհուն...

Բայց ինչ կը խորհէի. ոչինչ. կամ գրէթէ ոչինչ-
երազի պէս բան մըն էր այն, երազ, ուր դաշնակ մը
կար և որու վրայ Վարդուհիի մատները կը վազէին...

Յուլիս 17.

Ի՞ր արդի բոլոր մտածումներս կենդլ ոնացած
են միայն մեր միասին ոլարապման ժամերուն վրայ:
Առաւօտները անբնական անհամբերութեամբ որո-
շեալ ատենին կ'ըսպասեմ. ու միշտ տեսակ մը ան-
հանգիստ ու բախութեամբ կը վազեմ Զ.-երու տունը,
ուր սովորաբար պատշգամի վրայ կը հանդիպեմ
օրիորդին, որ նոյն անհամբերութեամբ կարծեա-
ինձի կը սպասէ:

Ան ալ բոլորովին ոգեսորւած է հիմա մեր զբա-
զումներէն: Գլքին մէջ նկարագրւած այդ հայ-
կեանքը, այդ հայ տիպարները բուն հայկական հո-
ղին վրայ, այդ մեր լեռնական պզտիկ անցեալը
մեր հիանալի լեռներուն վրայ, օրիորդին համար-
բոլորովին նոր այդ աշխարհը հիմա սաստիկ կը հե-
տաքրքրէ անոր հոգին ու կը յուզէ: Եւ երբ կը մտա-
ծեմ, թէ իմ ներշնչման ջերմութեան տակ փթթե-
ցաւ այդ թարմ ու նոր զգացումներով ծաղիկը՝
կուրծքս հպարտութեամբ կ'ուռի:

Յաճախ կը պատմեմ անոր մեր կեանքէն, գաւառէն, մեր բնութեան գեղեցկութիւններէն, ժողովրդի դառնութիւններէն. կը նկարեմ անոր երազներս, այդ հողին վրայ ծլելիք ապագայ քաղաքակրթութիւնը. կը գծեմ անոր մեր բոլորիս պարտքը եղող աշխատանքը այդ երազական ապագային մերձեցմանը քայլ մը աւելի ընելու համար:

Աղջիկը կը լսէ ինծի՝ աչքերը աչքերուս:

Կամ աղջիկը ինքը կը պատմէ ինծի իր կեանքէն, կը դժգոհնայ մեր հասարակական կաշկանդող պայմաններէն, կը նկարագրէ Բորժոմ անցուցած նախորդ ամառը, իր մանկական լիշտակներէն, իր դպրոցական կեանքէն. մանր ու խոշոր, հետաքրքիր ու երկրորդական անվերջ նիւթեր, որոնք սակայն անհուն ու շաղրութեամբ մը կ'ունինդրեմ:

Ու հետզհետէ մեր գաղափարները կը նոյնանան, մեր ձգտումները իրարու կը մօտենան, մեր իդէալները, մեր անուրջները իրարմէ գոյն ու ձեւ փոխ կ'առնեն:

Եւ մենք այդ կ'ըզգանք փոխադարձաբար, ու աւելի իրարու կը մօտենանք:

Անտարակոյս այդ է պատճառը, որ ես ալ օր օրի աւելի կ'ըզբազւիմ իրմով:

Երէկ առաւօտ կեանքիս մէջ առաջին անդամ աղջկան մը վրայ խորհելով քունէս արթնցայ:

Այս բոլորը ինծի համար նոր է, բայց չեմ զարմանար. Այս աստիճանի մտերմութիւն ու շփում

ոչ մէկ աղջկան հետ չեմ ունեցած. պարզ է, որ գէպի ոչ մէկն ալ այս աստիճանի հետաքրքրութիւն չի տածէի:

Քանի օր է սովորութիւն դարձուցի՛ ընթերցանութենէն վերջը միշտ բան մը նւագիլ կուտամ օրիորդին մեկնելէս առաջ:

Եղանակի մը ներգանակութեան մէջէն աղջիկը վրաս տարօրինակ համելի տպաւորութիւն մը կ'ընէ:

Եւ կարծեմ անպիտանը արդէն նկատած է այդ:

Այսօր երբ կարգացած զլուխը վերջացուց, գոցեց գիրքը ու աչքերը նշանակիչ կերպով մը կը ծկելով —

— Արդեօք չէք ուզեր, որ նորէն բան մը նւագեմ, ալ. Երւանդ, հարցուց ինծի չարամիտ շեշտով մը:

Ու ժպտեցաւ շեշտակի աչքերուն խորը նայելով:

Զգիտեմ ինչու գողացի այդ ժպիտէն ու այդ նայւածքէն:

Դեռ չէի պատասխանած, որ աղջիկը քաշեց ձեռքէս, խնդաց, մազերը ճակտէն ետ նետեց ու ներս սլացաւ:

Ես ալ ետևէն:

Պաշնակը կը թնդար:

Տարբեր ոգեսորութեամբ մը կը նւագիր այսօր. գանգը կը զողդըզար, մազերը կը ցատկուտէին, այտերը վարդ էին կարեր, աչքերը կը վառէին ու թարթիչները արագ կը թարթէր. շրթունքները շուտ-շուտ

կը կծկւէին ջղաձգօրէն ու դաստակները կ'ոստոստէին
անդադար:

Եւ այս բոլորը իրարմէ յանդուգն, իրարմէ
ներզաշնակ, իրարմէ կայտոռն շեշտեր դուրս կը յայտ-
տեցնէր եղանակի թաւալման մէջէն:

Ու ես յուզւած կ'երարքէի, թէ լսածս եղա-
նակ մը չէր, այլ չարաճնի աղջկան մը եթերային
մարմինը, որ աչքերուս դէմ արագ կը դառնար արե-
ւել՛ան պատի մը բոլոր քմահաճոյքներովվը, և այդ
եթերէ մարմինը, ա, ինքը վարդուհին էր ացդ...

Յանկարծ դաշնակը վերջին տոն մըն ալ ժայթ-
քեց ու նւագը գաղրեցաւ:

Աթափեցայ...

Վարդուհին բուռըն շարժումնի մը դարձաւ իր
փոքրիկ կլոր աթոռակին վրայ ու իր սիրուն ժպիալ
շրթունքին—

—Գոհհ էք ըսաւ:

Երկի գէմքիս վրայ նկարւած էր յափրշտակու-
թիւնս. և աղջիկը հըպարտ իր ազդեցութենէն—

—Զէք պատասխաներ. կրկնեց դէսի ինծի
դալով:

—Հիանալի է, շնորհակալ եմ. բացականչեցի
ես, ցատկեցի ոսքի, սեղմեցի ձեռքը. ու այլ ևս
չէի ուզեր ձգեմ: Ան ալ իմս կը սեղմէր...

Տուն հանդիպեցայ միայն. և առանց ճաշելու
պատրակով մը իջաց ձոր:

Սկսաց գետի պիովը վար քալել, ցատկելով քա-

բերու վրայէն, բնաւ ուշ չդնելով, որ կէս օրւան
արևը զլուխս կ'այրէր:

Ոչինչ չէի մոսձեր. ուրախ էի, թէ տրտում,
ինքս ալ չգիտեմ. բայց ուղեղս սաստիկ զբաղւած էր
Յանկարծ դգացի, որ սաստիկ յոգնած եմ: կանգ
առի ծառի մը տակ.

—Այս ինչ է, Աստուած իմ. ես ինչ կընեմ:
հարցուցի բարձրածայն:

* «Չինի այս է սիրահարիլը» անցաւ մոքէս
փայլակի պէս. ու սաստիկ կարմրեցայ:

Նորէն սկսայ արագ-արագ վար վազել գետի
ընթացքով, կարծես ետևէս կը վազէին: Յանկարծ
նշարեցի, որ առջես թանձր ծուխ մը կար. դի-
տեցի՝ գետնէն կ'ելնէր. հասկըցայ, թէ ինչ էր.
թումբի մը ետևէն մարդու պէս բաներ դուրս
ելան՝ սե-սե. թութեցի ինքզինքս ու հասկըցայ.
ածուխ կը շինէին:

Գլուխս կը դառնար, նստեցայ քարի մը վրայ.
նստելուն պէս առատութեամբ արիւն սկսաւ գալ
քիթէս. արևը զլիսուս զարկեր էր:

Մօտեցայ գետին ու սկսայ լւացւիլ. գրեթէ
ամբողջովին թրջւած էի, որ վերջապէս արիւնը
կտրեցաւ:

Զգացի, որ անօթի եմ. ածխագործները ին-
ձի երկու կտոր սեցած լաւաշ ու պանիրի պէս
բան մը տին, որ անբացաղրելի ախորժակով ուտել
սկսայ:

Ժամանակը ուշ էր. իսկ ես բաւական հեռացած էի Դիլիջանէն:

Ելայ արքունի ճանապարհը. արև չի կար հոն, վրաս լեռան ստւերն էր: Կոնակէս անուշ հով մը կը փէր:

Գլուխս բոլորովին հանդարտած էր արդէն. ու սկսայ կանոնաւորապէս մտածել անցած դարձածը:

«Սիրահարած եմ նորէն անցաւ մոքէս: Ժպտեցայ: Ի՞նչ խենթութիւն: Անօթի էի, արևը զլսուս զարկած էր ու մանաւանդ նւազի ալ բուռն ազգեցութեան տակ. ահա բոլորը: Սիրահարած. ա, ի՞նչ միամիտ եմ դեռ. աղջկան մը հետ չորս-հինգ օր տեսնւեցայ, հետը քանի մը երես վէպ կարդացի ու արդէն կը կարծեմ, թէ սիրահարած եմ:»

Յուլիս 18.

Երեկւան: գէպքէն ի վեր Վարդուհիին հանդիսպելու դժկամութիւն մը կար մէջս: Ուրախութիւնս անչափ եղաւ, երբ պառաւը ներս մտնելով յայտնեց երիտասարդի մը ինծի փընտոելը և երբ դուրս վազելով Միքայէլի հետ ճակատ ճակատի դըտնւեցայ.

— Միքայէլ:

— Երւանդ:

Ու խոշոր ուսանողական համբոյր մը:

— Վերջապէս, եղբայր. անհամբեր քեզի կ'ըսպասէի. Դիլիջան եկուր, որ քեզի պտտցնեմ, կ'ըսէիր. ելայ ու դուն չիկաս. այս է խոսոումք:

— Կեցիր. իմ խօսքս խօսք է. Բ՞նչ գիտենայի, որ գաւու էիր: Միւս կողմէն ալ Միսակը նամակի վրայ կը դրէր, որ անպատճառ քանի մը շաբաթ Նոր-Բայազիդ իրենց երթամ:

— Ո՞ր Միսակը. մեր ընկեր:

— Այն:

— Իրամւ. Բ՞նչպէս է, Բ՞նչ կընէ:

— Ի՞նչ պիտի ընէ, ⁽¹⁾ իրիկուններն ալ սիրահարութիւն:

— Որո՞ւ հետ:

— Երևանէն ընտանիք մը եկած է. մէջը սիրուն աղջիկ մը կայ. բայց հիանալի, լուսին:

— Ե՛, լուսնի պէս աղջիկը ես չեմ սիրեր. շատ պաղ է:

— Թող լինի արեգակ. տաքցամւ:

— Այդ ուրիշ խնդիր:

— Ի՞նչ կ'ըսէի. հա. աղջկան աչքը խածեր է. քանի մը նայւածք, քանի մը ձեռքի սեղմումներ, մէկ-երկու ոտանաւոր ու գործը եփեր են: Մեր Միսակը զիսես ա. հիմա թռչունի պէս կեանք կը վարէ. զիրք-միրք բոլորը նետեր է: Բայց դու Բ՞նչ կընես:

«Միսակի ըրածը» անցաւ մոքէս չգիտեմ ինչու. ու թեթև կարմրութիւնս ժպիտի մը մէջ խեղդելով ըսի.

— Կը կարդամ ու կը պարտիմ. հհ, եղբայր, աղէկ որ եկար. ամսւան մը չափ է եկած եմ, գեռ չորս կողման ինչ լինելը չզիտեմ. միսքս դրեր էի ⁽²⁾ սաւու-ուու-ուու ուուանա-ուու հը թիւ, սորի-հնու-ուու հինու-ուու հը թիւ,

ձի մը վարձեմ ու շրջակայքը պտըտելու ելնեմ. դիս
տեմ որքան կը սիրեմ:

— Եաւ ես մոտածեր. մենակ ձի վարձելու այլ
ես աւելորդ է. եթէ անպէտք ստակ ունիս՝ դուն
ինծի տուր. ես ծախսելու տեղը գիտեմ: Մեր ախոռը
երկու սիրուն ձի կայ. մէկը քեզի, մէկը ինծի. մէկը
իմա է, միւսը եղբօրս. եղբօրս ձին դուն չես կրնար
սանձեր. այն ես կ'առնեմ ու իմս քեզի կուտամ:

— Սար, ձոր, անտառ, աւերակ, գիւղ:

— Եաւ. կը յաջողցնենք. բայց ինծի նայէ. կր-
ցիր. աղէկ միաքս եկաւ. վաղը փոքրիկ ճանբորդու-
թիւն մը ընել կ'ուզեա:

— Այսինքն:

— Հոսկէ հինգ-վեց ժամ հեռու անտառին մէջ
փոքրիկ գիւղ մը կայ. գիւղի տէրտէրին հետ եղ-
բայրս գործ ունի. վաղը երթայ պիտի. ինծի առաջ-
արկեց իրեն ընկերանալ՝ մերժեցի. քանի մը ան-
գամ գացած եմ. հիմա եթէ կ'ուզես երկուքով
կը միանանք անոր. որքան շատ, այնքան լաւ. ճանա-
պարհը քիչ մը ասպահով չէ:

— Ո՞հ, ամենայն սիրով. բացազանչեցի ես՝ ու-
րախութիւնէս Միքայէլի ձեռք սեղմելով:

— Աղէկ աղէկ. ես այս գիշեր գործը կարդի
դնեմ. առառու կանուխ պատրաստ եղիր. քեզի կ'առ-
նենք ու կը մեկնինք: Այս գրածդ ինչ է. հարցուց
յանկարծ սեղանիս վրայի բաց տետրակը թերթելով:

— «Նախընթաց իրիկունը» կը թարգմանեմ:

— Իրաւ, Ասուած համբերութիւն տայ. չէ,
ես չեմ կրնար. կարդալլ ձմեռը նորէն բան մըն է.
այն ալ կարդալլ, ոչ թէ գրելլ. այն ալ դպրոցին
մէջ, երբ չորս կողմէդ ուսուցիչները վրադ հաս-հա-
սի պէս կեցած են: Հա, ուսուցիչ ըսի՝ միտքս եկաւ.
գիտես. Օքան Բայազեղ է:

— Ե ի:

— Առանց է-ի:

— Ի՞նչ կ'ընէ:

— Ի՞նչ պիտի ընէ. սիրուն կսիկը թել առեր
կը շրջի. ու ձմեռաւն մեզի սալիք շարադրութիւն-
ները կ'որոճայ: Իրաւ, ամսանային շարադրութիւնդ
ողամձ ես:

— Դեռ վրան ալ չեմ նայած:

— Կեցը ուսանողութիւնը. տեսար մի՛. այդ-
պէս ընկեր լինելու է. եղբայր, ինծի այնպէս եր-
կար-բարակ բան մը տեր է, որ եթէ ամբողջ
ամառը չարչարիմ, տակէն չեմ կրնար ելներ. ես
ալ մտածեցի՝ բնաւ տակը չմտնեմ. ի՞նչ կ'ըսես տրա-
մաբանութեանս:

— Հիանալի է:

Պահ մը լոեց ու սկսաւ չորս կողմը աչք
ածել:

— Ոհօ, գիտնական ես գարձեր գլխուս. որ կողմ
դառնաս գիրք ու պատկեր. ամենևին մարդու շնորհք
չի կայ. փոտթիս պիտի, եղբայր: Այս աղջիկը մը է.

աւելցուց յանկարծ՝ հայելին անցուցած լուսանկարի մը առջև կենալով:

—Մեր դերասանուհիներէն մէկը:

—Ի՞նչ սիրուն է շունշանորդին: Բայց կատակէ մէկ դի. այս է. պատկեր, զարդեր, ծաղիկներ, աղջկան սենեակ. մարդ երկու օր հոս ապրի թուլամորթ բան մը կը դառնայ. է, դուն ժողովրդի մարդ չես. հասկցայ՝ բանի պէտք պիտի չի գաս: Վաղը... հա, վաղը չլինիր. օր մը քեզի սենեակս տանիմ, մարդու սենեակ տեսնես. պատէն կախւած է եղբօրս հրացանը, իմ ատրճանակս, ձիուս սանձը, տեսնելու ես ինչ սիրուն է. մի հատիկ պատկերս պղտի՛ պատուհանս է, ուրիէ ամբողջ ձորն ու ձորի միւս ափը կ'երեայ. թէե սեղանիս վրայ ջրի փարչին ու սանդրիս քովիկը, երկու տետրակ ու երեք գիրք կայ, բայց մինակ զարդի համար. եթէ չես հաւատար՝ վրայի փոշին չափէ:

Մեզի ճաշի կանչեցին: Ընկերներս ներկայացուցի: Միքէն ամբողջ ճաշի ատեն քիչ խօսեցաւ: Ճնշւած կ'երեար. ու հազիւ քանի մը պատառ բան կերաւ:

Ճաշէն վերջը նորէն առանձնացանք. ու երկար խօսեցանք, կամ աւելի ճիշտ՝ խօսեցաւ: Պատմեց Միսակի հետ անցուցած երեք շաբաթը. թէ ինչպէս անգամ մը Սևանի վրայ նաւարկած ատեննին պիտի ընկղմին եղեր. թէ ինչպէս լեռը շրջած ատեննին քիւրդ հովիւներուն հետ կուի են բռնւեր. թէ

ինչպէս ուրիշ անգամ մը զինւորական ձեանալով խեղճերուն հետ խազի են եղեր, և այն:

Ուշ ատեն գնաց, վազ առաւօտ կանուխ պատրաստ լինիլ վերստին պատւիրելով:

Ընկերոջս երեխիլ վրաս շատ աղէկ ազդեց. կարծես լեռնական հով մը դէմքս պարուրեց. թարմ, առողջ լեռնական հով մը:

Յուլիս 19.

Կոր էի հագւեր, արեն ալ նոր էր ծագեր, որ եկան: Դիմաւորեցի:

Միքայէլը ինծի իր եղբօրը ծանօթացուց: Կարճահասակ մարդ մը, ջղուա, մեծ գլխով, խճուճ մազերով. խոշոր, կենդանի աչքեր, հայու քիթ. Ճիշտ իր եղբայրը. երեսուն տարեկան կը լինի:

Երկու եղբայր ալ հագած էին տեղական կաորե տաբաղներ, ոտքերնին չուշա, գլուխնին մէկ-մէկ ուստական ճերմակ գլխարկ, մէջքերնին միւմի գանակ և ուսերնին հրացան:

—Պատրմատ ես. հարցուց Միքէն՝ վերէն վար հայեացք մը ձգելով վրաս՝ կարծես իր հարցը ստուգելու համար: Նախ այդ ժամացոցդ վրայէդ հանէ. քիւրդ հովիւներուն ախորժակը կը գրգռես:

Հնազանդեցայ ու պառաւին տւի ժամացոցս: Ուզեքսակիդ մէջը ինչ կայ. հարցուց կրկին ու շադրութեամբ վրան նայելով:

—Մանր-մունր բաներ:

—Այդ մանր-մունը բաներն ալ հանի՛. այդ յիշար տոպրակի փոխարէն առ ատրճանակս կոլի՛, ու իր վիզէն ատրճանակի տուփը հանել կ'ուղէր:

—Ես ադկէ ունիմ. ըսի հանգերձիս տակէն փոքրիկ շրջահարս ցոյց տալով:

—Այ, ադոր հաւնեցայ. եթէ այդպէս է, առ հրացանս. վերջապէս երևցող զարդ մը վրադ պէտք է:

Առի այդ զարդը, նետեցի ուսս:

—Հանէ տեսնիմ այդ ազջկան կօշիկներդ, շարունակեց կատարեալ անտարբերութեամբ:

—Ինծի բոբիկ պիտի ձգես:

Ե՛ղբայր, դուն իմ գործիս մի խառնւիր. քեզի հանէ կ'ըսեմ. քու ի՞նչ գործդ է: Զուշտերը չխտաս, դարձաւ եղբօրը ծիծաղելի հպարտութեամբ մը:

—Նոր էի առեր ու դեռ չեմ հազեր. ի՞նչ և է. ալ քեզի կը նւիրեմ. աղոմը է. աւելցուց՝ քիթիս բերնիս դէմ բերելով ծայրերը վեր դարձած գոյգ մը զարաբաղի չուշտ:

Ես տղայական ուրախութեամբ խլեցի ու Միքէի օգնութեամբ անցուցի ոտքս ու կապիճները կապեցինք:

—Տես, հիմա կարգի եկար. յարդէ դլսարկդ աղէկ է. հեծիր, Հրամայեց:

Յատկեցի ինծի սահմանած ձիուս մէջքը:

Երկու եղբայր վրաս նայեցան քննող նայւածքով մը. ես վէս զիրք մը բռնեցի ձիուս վրայ:

—Այ, այ, այ. հիմա մարդ եղար. տեսամբ մի. շնորհք եկաւ վրադ. բացականչեց Միքէն: Ու ձիերը մարակեցինք: Հով, գեղեցիկ առաւօտ մըն էր: Զիերը կը քշէինք, որ տաքը չկոխած անտառ մտնենք:

Այս ընթացքով խօսել չէինք կրնար:

Ես ուրախ, գոհ ու յափշտակւած հոգեկան դրութեան մը մէջ էի, երբ յանկարծ մեր ճամբուն վրայ երկու կին տեսայ մեզմէ ոչ այնքան հեռու: Խոկոյն ճանչցայ: Վարդուհին էր, իր սպասուհիին հետ, որ անշուշտ վարը լւացելու էին գացած, ինչպէս երբեմն կ'ընէին: Սիրտս սկսաւ նետել:

Մագերը խոնաւ ու գլխու ճերմակ բուռնուղին տակէն կէս մը ուսերուն թափւած. այտերուն թարմ կարմիր մը. ինքը ամբողջ սպիտակ, անխնամ շրջազգեստի մը մէջ. այդ անխնամութեան մէջ աւելի սիրուն, աւելի գրաւիչ:

Երբ մօտեցանք՝ բարեկցի:

—Վայ, Պ. Վէեանն է. բացականչեց զարմացած սպասուհին:

Վարդուհին ինծի կը դիտէր: Անշուշտ հեռւէն ճանչցած էր ու կը զարմանար այսպէս կանուխ, այս դիրքի մէջ ու այդ նոր ընկերներուս հետ ինծի հանդիպելուն:

—Այս ուր. այս ի՞նչ այլակերպութիւն. հարցուց բարես առնելով:

—Փոքրիկ պառյա մը անտառին մէջ. պատաս-
խանեցի ես:

Զիս կեցուցած էի. ընկերներս կամաց-կամաց
կ'երթային:

—Այսպէս յանկարծ, առանց ինձի բան մը
ըսելու. շնորհակալ եմ. երէկ ալ այնչափ սպասեցի.
ինչու չեկաք. հարցուց սիրուն աչքնը անուշու-
թեամբ մը դէմքիս յառելով:

—Ներեցէք, օրինրդ. ընկերս եկաւ յանկարծ-
խելքս գլուխս չէր. մոռցայ ձեղի իմաց տալու:

—Մոռցաք. կրկնեց ձայնը երկարելով ու գլւ-
խութեթև շարժումով մը: Ինչ և է, երթաք բա-
րձվ, աւելցուց իսկոյն:

Զիուս վրայէն ծռեցայ ու ձեռքս երկնցուցի-
բոնեց ու վայրկեան մը վրաս նայեցաւ:

—Անշուշտ իրիկունը պիտի դառնամք:

—Անշուշտ.

—Բարի ճանապարհ, ըսաւ դժգոհ դէմքով մը
ու ետ քաշւեցաւ ձիուս քովէն, որ կը դոփէր:

Անգամ մըն ու գլխով բարեեցի ու խթե-
ցի ձիս:

Ընկերներուս հասածիս պէս —

—Ե՛, Երւանդ, հասկցածդ չես, հա. պուաց
Միքայէլը. այդ աղջիկը ուրկէ ես ճանկեր:

—Դրացիս է, պատասխանեցի անտարբեր ձայ-
նով մը:

— Էսէ աղւոր ժամանակ կ'անցընես. ինչ ըսեմ,

մեր բաղդէն է, այդ տեսակ զրացիներու չենք պա-
տահիր. ինչ ալ սիրուն էր:

Միքայէլը ետ նայեցու ու անմիջապէս կցեց.

—Տղայ, դեռ ետեւէդ կը նայի:

Ես ալ մեքենաբար ետ դարձայ. ու գլւարկով
բարեւ մըն ալ տւի: Օրիորդը ձեռքի լաթը շարժեց:

—Օհօ, ասոնք ապուրը եփեր են, կրկնեց Մի-
քայէլը.

Ու երկու եղբայր խնդացին:

—Վերադարձիս ինձի այդ աղջկան պիտի ծա-
նօթացնես, շարունակեց ան ձին ձիուս մօտեցնելով:

—Ի՞նչ պիտի լնես, հարցուցի:

—Ինչ պիտի ընեմ: աղւոր աղջկան մը հետ
ինչ կ'ընեն. զուն ինչ կ'ընես. թէ կը նախանձիս: Զէ,
եղբայր, ընկերոջս ձեռքէն ես բան չեմ խլեր. գի-
տես, ա, իմ սկզբունքներս. ըսենք չեմ ալ կրնար.
քու դեղձան մազերուդ, խոշոր անուշ աչքերուդ
ու ճենթըլմէնական կազմածքիդ հետ մրցիլը քիչ
մը դժւար խնդիր է:

Ես սկսայ կոկորդալիր խնդալ:

—Զէ, բրաւօ, աղէկ ճաշակ ունիս եղեր. պատ-
ասկան աղջիկ է, աւելցուց, և հազիւ նախագասու-
թիւնը աւարտած, իր բարձր լեռնցիի ձայնովը
հնչեցուց սովորական երդի մը վերջին կտորը.

«Բայց իմ սիրածը, սրտիս ընտրածը հրեշ-
տակի է նման»:

Երդի վերջին հետ լռութիւնը տիրեց:

Զիերը լնթացք առին:

Ըսկերոջս գալը ու մեր այս արշաւանքի դաշտավարը պահ մը մթագներ էին ուղեղիս մէջ վարդուհին, երբ հիմիկւան հանդիպումս ինձի սթափեցուց: Զգացի որ այդ աղջկան հետ ալ բացարձակապէս կապւած էի. երևի սովորութիւնը արդէն բնութիւն էր դարձեր: Վարդուհին այլևս շարունակ աչքերուս դէմն էր իր առաւօտեան անխնամ հագուստով, իր թաց ու կէս թափած մազերով. ձիուս միակերպ ու չափաւոր ցնցումը գազափարիս նոյն նիւթի շուրջը դառնալուն կը նպաստէր:

Արդէն խճուղին ձգած էինք և քիչ մը վերջը կողմնակի արահետով մը անտառ մտանք:

Արահետը հետզհետէ նեղնալով նեղուկ կածանի մը վերածւեցաւ, որ ծառերու բուներուն խտութեան միջէն գեղին ժապաւէնի մը պէս կ'օճապըտուտէր: Այդ բուները հազարաւոր սիւներու պէտքետնէն վեր կը վազէին բռնելու համար, ծաղկանկար կերպասի մը նման մեր գլխուն վրայ փռւող այն կանաչութիւնը, որ արեի ճառագայթները կ'ասեղնագործէին:

Շուրջս զով էր, հոտաւէտ ու խորհրդաւոր:

Աննշմարելի հով մը ծառերու ամենաբարձր ոստերուն հետ կը խաղար, տերևներուն նրբին դող մը կու տար ու թռչունները աւելի կը դրզոէր, որոնք կը սիրերգէին իրենց դալար առագաստներու շուրջը թեածելով:

Հոգիս լեցուն էր տեսակ մը անորոշ, ձնշող և ուրախ զգացումնի: Բանի մը պակասը կարծես կ'զգացի. ոչ, ընդհակառակը. բանի մը յորդումը, զեղումը կարծես:

Զիերը իրարու ետևէ կ'երթացին թափւած տերևներու խշրտուն գորգին վրայէն: Առջեւն Միքէի եղբայրը հրացանը պատրաստ, արջերէ կ'ըզգուշանար. ետեւ Միքէն, նմանապէս զէնքը ձեռքը. ես միջէն կ'երթացի՝ իրբե պաշտպանեալ:

Բաւական ատեն էր բոլորովին լուռ էինք. ես անդամ մը ետիս դարձայ: Միքէն գլուխ կախեր՝ կը մտածէր:

—Այդպէս խորունկ թնչ կը մտածես. հարցուցի:

—Ե՛, անշնորհք, խանզարեցիր. պոռաց դժկութեամբ:

—Ի՞նչը:

—Երևակայութիւնս: Գիտես, երւանդ, ինչ կը մտածէի: Կը խորհէի, թէ իրբե գուն Սիւնեաց իշխանին զաւակն ես:

—Հէ. ուրկի ուր.

—Համբերէ. ամէկ ալ ճիշտ հազար տարի առաջ: Եւ այս հողերը, որ կը կոխենք, այս անտառը ամբողջ Գուգարաց բղեշինն է:

Ես ապշած իրեն նայեցայ: Ան աչքերը հեռուն ծառերու խորութեան մէջ թաղած կը շարունակէր:

—Այն ձորը, ուր մենք կ'երթանք, այս աշխարհի ամենէն հովասուն վայրն է. և հոն են զարկած իշխանական փառաւոր վրանները, ուր Գուգարաց տէրը կ'անցընէ իր ամառան ջերմ օրերը:

—Ի՞նչ զաղափար: Դուն ալ վախնամ Գուգարաց բդեշխն ես. կամ գուցէ նոյն իսկ Սիւնեաց տէրը:

—Ներեցէք, ազնւափայլ սեպուհ, ես ժողովուրդի զաւակ եմ և իմ ծագմանս չեմ զաւաճաներ. յանկարծ պոռաց ոգեւորւած: Ոչ. ձերդ ազնւափայլութեան խոնարհ թիկնապահը լինելը իմ ամենէն մեծ պատիւս է: Արդէն գիտէք, որ ձեր վսեմափայլ հայրը ձեզի իմ խնամքներուս է յանձնած. և ես ահա չեմ համարձակիր աչքերս վերնելու ձեր գլխի այդ ոսկեծոփ փաթոյթէն, ձեր այդ զինուրական ոսկեերիզ վարապանակէն, ձեր Սիւնեաց մեծ նախարարութեան զինադրոշմը կրող զէնքերէն, ձեր...

—Բռաւօ. հիանալի է. պոռացի ես բոլորովին զարմացած:

—Ե՛, ի՞նչ կեանք կը լինէր այդ. բացականչեց թամբին վրայ շոկւելով: Ենթադրենք որ մենք Գուգարաց բդեշխն մօտ կ'երթանք դաշինքի մը կամ նիզակակցութեան մը համար: Երևակայէ, նետւիս ձիուդ կոնակը, իյնաս լեռ ու ձոր, ձիւնին-բուքին. դործ մը տեսնելու գիտակցութիւնը զլսուդ մէջ, ուժիդ զգացումը կրծքիդ տակ, զաղափարով մը

ոգեւորւած. է, մեղք որ այն ատենները ծնած չենք:

Ու նորէն թազւեցաւ իր խորհրդածութիւններուն մէջ:

Ես ալ պահ մը սկսայ այդ անուրջով զբաղւիլ. բայց շուտով նորէն Վարդոհին ինկաւ միտքս. վայրկեան մը միտքս այդ երկու նիւթին մէջ տատաննեցաւ և յանկարծ երկուքը իրարու ձուլեց: Ես սկսայ ամբողջ վէպ մը հիւսել մտքիս մէջ. կը խօսէի, կը պատմէի զանգիս տակ բոլորովին ինքզինքս մոռցած:

Իբրև թէ թիկնապահս էր, որ ինձի Սիւնեաց Սեպուհիս՝ կըսէր.

«Այն, աչքս ձեր վրան է, ազնւափայլ Սեպուհ, այդ է ձեր վսեմ հօր կամքը, իմ պարտքս: Եւ, փառք Աստըծու, ահա երկու շաբաթ է կը ճանբորդէնք խորունկ ձորերէն, ստւերախիտ անտառներէն, անցանք գետերէն ու լեռներէն, և ձեր ազնւափայլութիւնը գարնան առաւտեան պէս զւարթ է, լեռնական օդին պէս առողջ, ու ձեր հեծած արաբական նժոյգին պէս առոյցք: Միայն թախծութեան այն թեթև ամպը, որ ձեր զէմքի զւարթութեան վրայ աղոտ շուք մը կը նետէ, գիտեմ, տէր իմ, ձեր անհամբերութիւնն է: Եւ կըմբռնեմ, որ կատարելապէս իրաւունք ունիք անհամբեր լինելու. թողտէրս ինձի ներէ, եթէ ըսեմ, թէ կեանքիս մէջ Գուգարաց օրիորդին պէս աղջիկ չեմ տեսած. ա,

օրիորդ Վարդուհին։ Ինչ բարդիի հասակ է այնք
ինչ Աստղիկի աչքեր, ինչ ծիրկաթի ճակատ։ Հապա-
իր ուսերուն թափած կարճ մազերը, որուն վրաց
առաւօտեան ցողը մարգարիտ շարելու չի համար-
ձակիր և անտառներու կոյս հովիկը շոյելու կը վա-
խենայ։ ա, նախանձոտ էք դուքս...

Յանկարծ ահազին գամբռներու կատաղի խումբ
մը սոսկալի հաշիւնով անրջանքս ընդհատեցին։

— Նուտ իջէք ձիերէն ու ետիս եկէք, պոռաց
Միքէի եղբայրը՝ ձիէն ծառի մը տակ ցատկելով։

Հետևեցանք իրեն։

Ետևնիս ծառն էր ու ձիերնուս սմբակները։
և ու Միքէն ծառին կրթնած։ առջևնիս ալ եղբ-
բայրը, որ հրացանը անդադար կէս շրջանաձև
պըտըտնելով շուները պատշաճ հեռաւորութեան
վրայ կենալու կը հարկադրէր։

Բարեբախտաբար պաշարումը երկար չտեսց։

Երեցաւ հովիւրը. երկայնահասակ, լայնաթի-
կունք, հուժկու մարդ մը. գլուխը ահազին մորթէ
փափախ մը դրած, լայն դաշոյնով ու ատրճանակով
մը զինւած։ ձեռքն ալ խոշոր ճոկան մը։

Ազատեց մեզի շներու ձեռքէն ու առաջնորդեց
իր հօտին քով։

Ֆառերը իրարմէ հեռանալով պղտիկ հրապա-
րակ մը բացեր էին, ուր հօտը խոնած իրար գլխու-
կորոնար։

Հովիւր հրաւիրեց մեզի իր ծառին տակը, ուր

կուժ մը ջուր, քանի մը կտոր հաց և մէկ երկու
լաթի կտոր կար։

Նստեցանք, հովիւն ալ. ու իր ոտքերուն տակն
ալ շները։

Քիչ մը խօսեցաւ Միքէի եղբօրը հետ, մինչեւ
որ հոգնութիւննիս սառինք. մեզի կաթ կթեց ու
հրամցուց։ Երբ ելնել կուզէինք նորէն շուները վրա-
նիս յարձակեցան։ Տէրը զսպեց. շնորհակալութիւն
յայտնեցինք ու հեռացանք։

— Պ. Երւանդ, նկատեցիք, որ հովւի աչքը
ձեր հրացանի վրան մնաց. ըստ Միքէի եղբայրը.
շունշանորդին. վախեցայ որ կուզէ։

— Եթէ ուզէր։

— Եւնք. շնորհի կուի պիտի բռնւէինք։

— Այդ հաշով, եթէ մօտը ընկեր մը ունենար
երեք թաս կաթի փոխարէն հրացաննիս վրայ տւած
պիտի լինէինք։

— Քիչ մը զօռ. պտտասխանեց հպարտութեամբ։
կէս ժամ չանցած գիւղն էինք։

Տէրտէրը մեզի սիրով հիւրասիրեց։

Միքայէլի հետ ելանք գիւղն ու շուրջը պըտը-
տելու, մինչեւ որ եղբայրը իր գործերը աւարտեց
ու անմիջապէս ետ ճանապարհ ինկանք։

Արդէն ժամանակը ուշ էր։

Զիերը կը տանջէինք արեւ մայր չի մտած ան-
տառէն ելնելու համար։

Անտառին մէջ սուելները խտացեր, թանձրա-

ցեր էին։ Երբ անտառէն ելնելու մօտ էինք արդէն ներսը խոր խաւար էր. և գուրսի աշխարհի լոյսը մեր ուղիղ գծով ձգւած նեղ կածանին ծայրը լուսաւոր շրջանի մը պէս կ'երենար. կարծես պառկած հորի մը մէջն էինք։

Ուշ ատեն տուն հասանք. սրունքներս թամբէն ցաւած, յոգնած ու չարչրւած։

Յուլիսի 20.

Խոր գիշեր է. խումբ մը մանկաւիկներ Գուդարաց բգեշխի վրանին ինձի իմ վրանս կ'առաջնորդեն։

Բազմաթիւ ոսկեղօծ ջահերն ու աշտանակները կախարդական լոյս մը կը թափեն վրանի պատերէն կախւած հնդկական քաշմիրներուն վրայ ու բիւրաւոր ցոլցլումներով կը խաղան սենեակի արծաթէ սպասներուն ու կախւած արծաթազամ զէնքերուն հետ։ Անկիւնը կանգնած է ահազին զրահ մը նիզակներուն կրթնած. ու վրան խոշոր վահան մը Գուգարաց զինանշանը կրող։ Եւ զրահի ոտքը փառուկ գորգերով ծածկւած բազմցն է՝ կարմիր, կակուզ, արևելեան բարձերու շրջանակին մէջ։

Ա, ինչպէս յոգնած եմ։

Մանկաւիկները կը հեռանան վրանին խոր գլուխ տալով։ Եւ անմիջապէս կը մանեն գունդ մը սպասուհիներ. ջուր, օճան անձեռնոց ձեռքերնուն կը լւան ինձի։ Եւ ես կ'ըզգամ անոնց դիրգ՝ մատ-

ներուն վզիս ու այտերուս վրայ սահիլը. ու գող մը կ'անցնի մարմնէս։

Եւ նորէն մենակ կը մնամ մտածումներուս հետ։ Յուղւած եմ, կարծես բանի մը կ'ըսպասեմ։

Յանկարծ վրանին թանձր վարագոյրները լացն կը բացւին ու սենեակը կը լեցւի բարակ անուշահոտութեամբ մը։ Պալատական կիներու խումբ մը արշալուսին պէս վարդազգեստ ու ադամանդ աստղերով զարդարուն՝ հանդարտ կը մանեն ներս, գուռնէն մինչեւ ինձի ճեմելիք մը կը կազմեն։ Վրանը կը պայծառանայ. կանանց աչքերն ու զարդերը կ'առկայծեն շուրջս հովէն ճարճաթող կացծերու նման։ Եւ այդ փողփողուն վարդերանդ անցքին մեջէն նուրբ, քնքուշ, շուշանի բաժակին պէս ճերմակ էակ մը կը նշմարեմ, որ կ'առաջանայ. կարծես ամպէ կարապ մը, որ վերջալուսի եթերին մէջ կը լողայ. ու վրանը կը լեցւի շուշանի բուրումով մը։

Ես կամաց ոտքի կ'ենեմ. սիրաս կը զարնէ։

Էակը կը մօտենայ. պարզ անխնամ շրջազգեստ մը հագած է, մազերը կէս մը թափ ուսերուն կը թափին ու աչքերը սլաքներու պէս դէմքիս են շեշտած։

Մէկէն աչքերէն քօղը կը պատոի. ամբողջ մարմնովս կը ցնցւիմ։

— Սիւնեաց օրինրդը, Վարդուհի. կը մրմնչեն շրթունքներս։

Եւ այդ թեթև շունչն բոլոր մոմերը մէջէն
կը մարին։ Միակ ջահը վրանի կետրոնէն կէս-լոյս մը
կը ձգէ Վարդուհիի դէմքին վրայ ու կը խաղայ։
Մինակ ենք։

Առաջ կը նետւիմ. ինձի կը նայի օրիորդը դիւ-
թիչ ժպիտը շրթունքին։ Կը դողղամ, կը վարանիմ
ու մէկէն կը սեղմեմ կրծքիս իր ձկուն, նուրբ, քըն-
քուշ իրանը ու խնճի տէս կը համբուրեմ կէս
խոնաւ գարգուրները, թարմ այտերը. որ կը բռնկին,
շրթունքները, որ հեշտանք կը շնջեն։

Ու շրթունքներուս վրայ իրեններուն կծկումը
կը զգամ. կ'րզգամ իր մարմրող համբուրը. այրոշ,
գըգւող, խնճեցնող. . .

Հաճոյքի անհուն դող մը ամուր ցնցում մը
կուտայ մարմնիս. ու ես կ'արթըննամ երկու ձեռ-
քով պինդ սիրտս սեղմած։

Անծիր բերկրանք մը, փափուկ հեշտութիւն մը,
մոոցւած երազի մը պէս անորոշ յուզում մը կ'ողողէ
զգացումներս։

Եւ ես անկողնիս մէջ կէս նստած բաց պատու-
հանէն անկողնիս վրայ առատութեամբ թափող
լուսնի լոյսը կը դիտեմ յամառ հայացքով մը։ Ու
շրթունքներս ակամայ անձնատուր եղողի մը անու-
ժութեամբ, պէս սիրեմ, կը սիրեմ կը կրկնեն։

Այդ դիրքով, այդ առաջին գաղտուկ խոստովա-
նութեանս թրթուն զգացումին տակ, այդ անուշ
գիտակցութեանս արբեցման մէջ՝ մնացի երկար

առանց շարժումի, ամենաթեթև շարժումնս անր-
ջանքիս բիւրեղէ հաճոյքը կոտրելու երկիւղով։

Արթուն էի մինչև առաւօտ։ Յիշեցի բոլոր ան-
ցած-դարձածը, իմ ու Վարդուհիին մէջ պատահած
ամենաչնչին դէպքերը. և ըմբռնեցի, որ ես այդ
ազջիկը սիրած էի նոյն իսկ առաջին հանդիպումէս։
գոնէ ինձի այգպէս կը թւեր այն վայրկեանին, երբ
լոյսի ծագելուն սպասելով մէկ կողմէս միւսի վրայ
կը նետւէի բոցերու մէջ։

Նախաճաշէն վերջը՝ խոր ու բախութեամբ մը
լեցուն, տեսակ մը վախով, սրտի ձնշւած անհանգըս-
տութեամբ ոտքս Զ-երու սեմէն ներս դրի՝ սովորա-
կանէն բաւական կանուխ։

Երբ ինձի նշմարեցին՝ Տիկինն ու Կարապետը
միաբերան բացականչեցին։

— Օ՛, այս ուր էք երկու օր է, Պարմն Երւանդ։
— Ընկերս եկած էր...
— Քոյքս լսաւ, որ պտոյտի էք ելեր. ճշմա-
րիտ է։

— Այն, պզտիկ շրջան մը։
Ես անոնց առաջարկին վրայ պատմեցի տեսած
ու կրած տապաւորութիւններս։

Երբ զբաղւելու համար օրիորդին հետ առանձին
մնացինք՝ անսովոր յուզում մը ինձի պատեց. յուզում
մը, որ յուզումն յայտնելու վախէն կ'առաջանար։

— Երէկ ինչպէս անցուցիք. հարցուցի խօսքս
սկսելու համար։

— Նատ լաւ. ճաշէն առաջ քիչ մը Ծերենցէն
կարդացի. ճաշէն վերջը պտոյտի էի ելած:

— Ուրախ եմ, պատասխանեցի հս:

Բայց սիրտս գաւոնացաւ. «Է, ևս իրեն համար
ոչինչ եմ անցաւ մոքէս. ու ակամայ սկսայ մատածել:

— Ի՞նչ կը մատածէք:

— Ա՛, ոչի՞նչ. սկսե՞նք:

Սղջիկը զարմացած երեսս նայեցաւ. բայց ա-
ռանց պատասխանելու բացաւ զիրքը:

Կը կարդար:

Ես անհանգիստ էի ու կը դիտէի աղջիկը, որ
անդադար աչքը դրքէն վրաս կը նետէր:

— Բայց այսօր շատ ցրւած էք դուք. կարծես-
տիսուր. ի՞նչ ունիք. հարցուց ընթերցու մը ընդհա-
տելով ու ինձի մօտենալով:

— Ոչի՞նչ, օրինարդ. ձեզի այնպէս կը թւի. պա-
տասխանեցի ժպտիլ ջանալով:

— Ա՛, դուք բան մը ունիք, կրկնեց կարեկից
շեշտով մը. ու համակրանքի անուշ նայւածք մը
դէ՛քս դրկեց:

«Արդեօք». անցաւ մոքէս. ու աչքերս իրմէն-
չէի կրնար բաժներ:

— Բայց ի՞նչ կայ, կը հարցնէր:

— Ա՛, ոչի՞նչ, կարդացէք, խնդրեմ:

Զգիտեմ ի՞նչ կար շեշտիս, թէ աչքերուս մէջ
աղջիկը յանկարծ կարմրեցաւ, նստեցաւ կրկին իր
տեղը ու սկսաւ կարդալ:

Ես ալ զսպեցի ինքզինքս. ու ընթերցանու-
թեան հետևելու կ'աշխատէր:

Յուլիս 23.

Ուրախ եմ, տարօրինակ ուրախ:

Տունը, դուրսը կ'երգեմ, կը ցատկեմ ու անվերջ
կը շաղակրատեմ. ամենքը կը զարմանան: Ճաշերէն
վերջը մինչև իրիկուն Միքէի հետ պտոյտի կ'ենենք.
կ'ոստոստենք քարէ քար, կը մաղլցիմ ծառերն
ի վեր, կը վագեմ ձորէն վար, վեր. Միքայէլի հետ
կ'իցնամ. կ'երգենք:

Արդէն չորրորդ օրն է այս:

Արթննալուս պէս խելքս Զ.-երուն է. քանի
պարապման ժամը կը մօտենայ, այնքան յուգումն
կ'աւելնայ:

Սղջիկն ալ միշտ յուզւածէ. աւելի կայտուն,
աւելի ժիր ու ժպտուն:

Զեմ համարձակիր իր վճիտ-զւարթ աչքերուն
մէջը շիտակ նայելու, որոնք կարծես մինչև սրտիս
խորը թափանցել կ'ուզեն:

Ա, եթէ կարողանային թափանցել ու ան յան-
կարծ ըմբռնէր, թէ ի՞նչ կը դառնայ մէջս այս ար-
տաքին անփոյթ զիրքիս հակառակ:

Ա, եթէ որոշ գիտնայի, թէ ի՞նչ կ'անցնի իր մէջը:

Սյս իրիկուն Միքայէլի հետ մեր պտոյտէն վե-
րադարձին արքունի ճանապարհին վրայ հանդիպե-
ցանք օրիորդին ու իր եղբօրը:

Միքէն ծանօթացուցի ու սկսանք խօսիլ:

Միքէն ու պ. Կարապետը իրար գոտան. մէկը ժողովրդական, անտաշ, խելացի երիտասարդ մը, միւսը ազնւական, յաւակնոտ նկարիչ մը:

Խօսակցութիւնը շատ շուտով տաքցաւ:

Միքէն առանց այլեացլութեան սկսաւ պ. Կարապետի ճաշակագիտական նրբութիւններուն հակառակիլ, որուն պ. Կարապետը ազնւական արհամարհանքով մը կը պատասխանէր:

Խօսքի թելը նկարչութենէն սիրոյ ու սիրոյ տեսականութեանը անցած էր:

— Սիրելի բարեկամ, կ'ըսէր պ. Կարապետը գործը գիտցողի հաստատ շեշտով մը. սէրը մարդուս համար այնքան անհրաժեշտ պէտք մըն է, որքան և հաց ուտելլը: Բայց որքան որ անհեթեթ է շարունակ միւնոյն կերակուրը ուտելլը, նոյնքան էլ անհեթեթ է սիրոյ տեսականութիւնը անդելը. ընդհակառակը, որքան շատ ուտելլիք փոխես՝ այնքան օգտակար է ու հաճոյալից:

— Կը չափազանցէք, կը հակառակէր Միքէն. եթէ շատ կ'ուզէք սիրելը համեմատել ուտելիքի հետ, գէջ պտուղի հետ համեմատեցէք. նախ որ սէրը պատուղի չափ միայն անհրաժեշտութիւն է և երկրորդ ալ գոնէ տարւան եղանակներուն հետ կը փոխւի և ոչ ամեն օր:

Բոլորս ալ սկսանք խնդալ:

— Եսկ ձեր կարծիքը ի՞նչ է. դարձաւ օրիորդը ինձի:

— Ես շիտակ սէրը ոչ կերակրի հետ կրնամ համեմատել, ոչ պտուղի. ես այդ խնդիրը քիչ մը բանաստեղծօրէն կ'ըմբռնեմ: Ինձի համար ալ սէրը անհրաժեշտութիւն է. միայն երբ ես սէր կ'ըսեմ՝ կ'ըմբռնեմ զգացում մը, որ մարդուս ամբողջ էութիւնը, բովանդակ կենսունակութիւնը կը սպառէ, որով ինքնին երկրորդ սիրոյ հնարաւորութիւնը կ'ոչնչանաց: Եթէ ես երբ և իցէ սիրեմ՝ կ'ուզեմ սիրեմ բոլոր ըզճերովս, բոլոր հոգեկան ուժովս. այդ միակ ու լիարժարծ բոցին մէջն ալ ցամքի սրտիս այդ աղջկանս ամբողջ կենսունակութիւնը, արտիրած աղջկանս ամբողջ կենսունակութիւնը, արգենամ իր էութեամբը, իր կեանքովը, և երբ բենամ իր էութեամբը, որ ան ալ, ես ալ թոռմած սթափւիմ, տեսնեմ: որ ան ալ, ես ալ թոռմած ենք արդէն. ճիշտ ծաղկի մը պէս, որ արդէն տւած է իր պտուղը ու չորնալէ զատ պաշտօն մը չունի:

— Այն ժամանակ ի՞նչ տարբերութիւն կ'ունենանք ծաղկիէն. նկատեց պարոն Կարապետը:

— Եւ ինչու կը կարծէք, թէ անպատճառ տարբերութիւն ոլիսի ունենանք. վրայ բերի ես: Ծագիկն ալ, ես ալ նոյն գործարանական հակներն ենք, երկուքս ալ նոյն բնութեան, նոյն օրէնքներուն ենթակայ. միայն տարբեր ընտանիքներէ, ուրիշ ոչինչ:

— Ոիրելիս, երկու երեք տարի վերջը ձեզի ալ կը տեսնեմ. պատասխանեց պ. Կարապետը գլխու

կասկածու շարժումով մը: Երբ երրորդ սէրդ մոռանալով չորրորդ աղջիկ մը սիրես՝ ինձի յիշէ, աւելցուց մարգարէական շեշտով մը, որ վրաս շատ գէշ ազդէց:

— Բայց այդ մարգարէութիւննիդ անտեղի է, ըսի ևս գրեթէ զայրացած:

— Այս մարգարէութիւն չէ, այլ պարզ փորձառութիւն. ըստ կամաց ձայնով մը դէպի ականջտ հակած:

Ուսերս թոթւեցի, ու աշխի պատասխանեցի:

Օրիորդը, որ վէճի ատեն շարունակ ինձի կը դիմէր զաղտնի՝ բաժնւելու պահուս ձեռքս բռնեցու սկսաւ բան մը մտածել կարծես: Վերջապէս ձգեցու եղբօրը հետ ներս գնաց:

— Ինձի նայէ, աղջիկդ հիանալի է. բարով վայելես, ըստ Միքէն, երբ առանձին մնացինք:

— Տափակ-տափակ մի՛ խօսիր, զայրացայ ես:

— Զեմ ուզեր, դրապանս դիր. պատասխանեց հեգնօրէ: ու ծիծաղելով հեռացաւ:

Յուլիս 26.

Երեկոյեան ուշ ատեն գեղէն տուն կը դառնայի մինակ, երբ Զ. Ներու դրան առաջ տեսայ Վարդուհին, որ քրոջը հետ պարան կը ցատկէր: Ինձի տեսնելուն սէս, պարանը նետեց ու վաղեց դէպի ինձի ցատկուելով, կարմրած ու շնչառ:

— Հա, աղէկ հանդիպեցաք. ձեղի բան մը պիտի հարցնէի, առառուն մոռցայ:

Ու պիտաւ երկու երեք խնդրի մասին միանգամայն խօսիլ՝ բոլորը իրար խառնելով. առաջ ուղեցի բան մը պատասխանեմ. բայց պատասխանի չէր սպասեր. կը խօսէր մեքենայի պէս, աչքերը վրաս դամած, անդադար ժամացոցցիս շղթան, կոճակներս ու ձեռքերս քաշքշելով:

Ես նախ իր խօսին հետեւիլ կը փորձէի, բայց անկարելի եղաւ. այնքան անկարող էր, և կամոցկամաց իմ բոլոր ուշքս միայն իր վրայ կենդրոնացաւ:

Գիշերւան առաջին սաւերները ինկեր էին, իր այտերուն վրայ. շրթունքները կ'երերացին անդադար ներդաշնակ ձայն մը արտահոսելով, որ ջիղերս կը թմրեցնէր, իր դիրդ զաստակները օդին մէջ հազար ձեւեր կը գծէին, թոփիչի գաւազանին պէս. լի կուրծքը անդուլ խօսելէն բարձր ու անհաւասար զելեւէջէր. զէմքին թափւած մազերը իրեն գեղարւեստական զեղեցկութիւն մը կուտացին. իսկ իր գլխի ու իրանի քիչ մը դէպի ձախ հակումը մարմնին արձանացին բան մը կ'աւելցնէր: Այդ դիրքով այնքան գեղեցիկ էր, որ վայրկեան մը չափշտակւած շուրջս ամեն բան մոռցայ:

— Հմ, ինչ կ'ըսէք, հարցուց յանկարծ ձեռքս սեղմելով:

Սթափեցայ. չդիմէի ինչ պատասխանեմ. շւարեցայ ու խնդացի:

— Բայց դուք ինձի չեք լսեր. այս, արդէն ձանձրացուցի ձեզի, ըստ մանկական պճրանքով մը ու շինծու վշտացած ձայնով մը:

Լուց. քիչ մըն ալ դէպի ինձի հակեցաւ. ու մութին մէջ վազրկեան մը սուր, խորին հայեցքով աչքերուս մէջ նայեցաւ. վերջը բարձրաձայն սկսաւ խնդալ, բոլոր ուժովը ձեռքս սեղմեց ու խնդալով ներս փախաւ:

Պահ մը քարացած մնացի:

Ետքը ծանր-ծանր քայլերով սկսաւ տուն երթալ: Կուրծքս սաստիկ կը սեղմէէր. լալ կ'ուզէի. կ'ուզէի կուրծքս թեթևցնեմ: Նոյն ծանր քայլերով ելայ մեր սանդուղներէն, մտայ սենեակս, դուռը գուցիցի, նստեցայ բազկաթոռիս մէջ ու արմուկներս սեղանին կը թնդնելով դէմքս ձեռքերովս ծածկեցի...

Երկար, շատ երկար նստած էի այդպէս, մութին մէջ, անշարժ. լանչիս տակ ձնշող հեշտութիւն մը: Սիրոս արագ-արագ կը բաբախէր ու անհաւասար շնչառութիւնը կուրծքս կ'ուռեցնէր:

«Վարդոհի» հծծեցի վերջապէս հազիւ լսելի ձայնով:

Եւ իմ ձայնէս սարսուցայ:

Յանկարծ ջղաձգական բուռն ցնցումով մը ու բոլոր ուժերուս առաձգականութեամբը երկու ձեռքերովս դէմքս սեղմեցի. արագ մօտեցուցի բերանս դաստակիս, խածի պինդ մը...

Ու թուլցած, ամբողջ արիւնս գլուխս զարկած, իսոր արտաշնչելով՝ ինկայ աթոռիս թիկունքին: Յուլիս 31.

Թէւ մեր պարապմունքի ժամերը իրենց սովորական ընթացքովը կը սահին ըստ երկոյթին, թէւ մեր յարաբերութիւնը սովորական հոսանքով կը շարունակւի, կարծես, սակայն էապէս ամեն բան փոխած է արդէն:

Մէջերնիս ամեն ինչ սէր կը հոտի. մեր հայեցքը, մեր անսեղի ժպիսները, կարմրիլը, նոյն իսկ շարժումնիս, խօսենիս, բոլորը, բոլորը:

Երկուքնիս ալ կ'ըզգանք փոխադարձաբար, որ կապւած ենք իրարու: Բայց միացն կ'ըզգանք. և ոչ իսկ բառ մը այդ արտայացելու համար:

Մեր յարաբերութիւնը օր օրի տարօրինակ կը դառնայ:

Ես քանի մը անգամ մտածեցի կերպով մը ակնարկութիւն ընեմ. բայց ժամանակը եկածին պէս ամեն անգամ յաջորդ օրւան կը ձգեմ:

Ես առաջ կը կարծէի, թէ միայն հպարտութիւնս է լեզուս կապողը. սակայն քիչ քիչ կ'ըմբռնեմ, որ իր հրաւորյան բոցերուն դէմ իմ հպարտութիւնս կը հալի:

Մի գուցէ ծաղրւելէ կը կասկածիմ: թէ իր զղացումներուն վրայ գեռ վստահ չեմ. կարելի է և առաջին քայլի դժւարութիւնն է այս: Գուցէ այս բոլորն ալ. ով դիտէ:

Սակայն ասոնցմէ զատ ուրիշ բան մըն ալ կայ կարծես. կարծես վախ մը. անորոշ, տարասամ վախ մը բան մը կորսնցնելու, բանէ մը զրկւելու. բիւրեղէ նուրբ գեղարւեստական անօթի մը դիպչելու տարակոյսը, որ մի գուցէ կոտրես:

Ա՛, իրաւ որ դեռ տղայ եմ ես:

Այսօրւան դէպքը որքան ծիծաղելի, այնքան ալ բնորոշ է:

Իրիկւան դէմ մեր երկու ընտանիքներուն հետ բոլորովս իջանք մեզմէ ոչ այնչափ հեռու գետի ափը տնկւած բանջարանոցները:

Գեղեցիկ իրիկուն մըն էր:

Բաց, սրաի լայնացում տւող երկինք մը, ժըպտուն, դէմքի ժպիտ պարզեղող վերջալրյս մը. ու վառ-բոսրով արիւնոտած ամպերու ցիրցան դէզ մը:

Ամենքն ալ ուրախ էինք:

Վարդուհիի բերկրանքին չափ չի կար. երեխայ էր դարձեր. ըսենք՝ մենք ալ, իրար ձեռքէ պառուղ կը խլինք, կը պոռացինք. ձայներնիս աշխարհք էր բռներ:

Մութը կոխած էր, երբ տուն ճամբայ ելանք:

Ես ու օրիորդը ետ մնացինք. կարծես պատահմամբ եղաւ այդ:

Հազիւ քանի մը քայլ լրեր էինք միասին դէպի ձորէն վեր, որ աղջիկը խոր շունչ մը առնելով—

—Ա՛, ինչպէս յոգնեցայ. ըսաւ:

— Նատ վազեցինք՝ անկէ է. պատասխանեցի միամտութեամբ:

Աղջիկը լոեց. ես ալ լոեցի. մէկ ալ յանկարծ կանդ առաւ ու շիտակ երեսս նայելով—

— Գիտէք, պարհն, դուք բնաւ պիտի չսիրուիք. ըսաւ ամուր ձայնով մը:

Մարմնէս սարսուռ անցաւ. այս տեսակ խօսք քնաւ չի սպասեր:

— Նատ կարելի է. բայց ուրկէ կ'ենթադրէք. ըսի ես կեղծ ծիծաղով մը:

— Փիլիսոփայ լինելու հարկ չի կայ. շատ պարզ է. որովհետեւ կնոջ հաճոյանալու ամենելին փութեամութիւն չունիք:

— Իրաւ:

— Միթէ ինքներդ չէք զգար. այսքան ատեն է միասին ենք, դեռ ամենապարզ հաճոյախօսութիւն մը, ամենատարրական հաճոյակատարութիւն մը ձեր կողմէն չտեսայ. այս, օրինակ. այսքան ատեն է ձեզի հետ առանձին շրջագալելու առիթներ ունեցեր եմ, դեռ ոչ իսկ անդամ մը թեւերնիդ ինծի չառաջարկեցիք. թէն, կը ցիշէք, քանիցս դիտմամբ ցողնած եմ ըսած եմ:

— Ներեցէք, օրինրդ. կը խոստովանիմ, որ ըրածս անքաղաքավարութիւն է. սակայն յանցանքը տգիտութեանս է. չեմ երեակացած, որ ձեր «ցողնած եմ»-ը «թէերնիդ տւէք» ըսել է:

— Այդ բոլորը ես օրինակի համար ըսի միայն.

սակայն արդէն այդ չերեակայելնիդ նշան է, թէ ի՞նչ
աստիճանի անփոյթ էք:

—Եւ հետևաբար կը կարծէք, թէ սիրոյ մէջ
երբէք յաջողութիւն պիտի չունենամ:

—Անտարակոյս. միայն եթէ չփոխւիք:

—Եթէ այդպէս է, պէտք է որ փոխւիմ և
նոյն իսկ այս վայրկեանէս. ըսի ես ժամելով ու
անմիջապէս աւելցուցի. օրինրդ, արգեօք կը հաճիք
թևս մտնելու:

Խնդաց ու մինչեւ արմուկը մերկ դաստակը կա-
մաց մը թես անցուց:

Բարակ շապիկ մը միայն մեր բազուկները ի-
րարմէ կը զատէր. քիչ մը վերջը զգացի, որ թեսեր-
նուս իրար կցւած կէտը սաստիկ տաքցած էր ու
շապիկիս այդ մասը թեթև մը թրջած:

Մէկէն անհուն փափագ մը ունեցայ ինձի անձ-
նատուր այդ մերկ դաստակը կրծքիս սեղմելու. և
թես փոքրիկ կծկում մը ըրաւ. բայց անմիջապէս
ինձի զսպեցի ու թուլցուցի:

Այլ ես ինչ խօսելս չեմ գիտեր. թէն շարու-
նակ կը շաղակատէինք ու կը խնդայինք:

Այդ նոյն միջոցին պայքար մը կը դառնար
զլիսուս մէջ: «Սեղմէ», ցիմար» կը դրդէր մէկը. «Քեզի
մի՛ մոռնար. զգացը կը կրկնէր ուրիշ մը: Եւ ուղեղս
այդ երկու հրամաններուն մէջ տարուբեր՝ կը վարա-
նէր դեռ, երբ մեր դռան առջեւը հասանք:

Այլ ես ուշ էր:

Օգոստոս 5.

Ար ընթերցանութեան ժամերը այլ եւս ձեւի
համար են միայն. ձեւի համար է, որ գիրքը կը բա-
նանք. իսկապէս այդ մեր կուի դաշտն է:

Այն, շէնք-շնորհք կըոիւ մըն է այս. հրապոյցի,
հաճոյքի, կամքի ու խենթութեան տարօրինակ ընդ-
հարումը, ուր աղջիկը յարձակողական դիրք ունի,
ես՝ պաշտպանողական:

Եւ, երկինք, ալ ինչեր ըսես չընէր ինձի բո-
լորովին ցիմարցնելու համար: Իր արդուզարդը, շար-
ժումները, ընթերցման շեշտերը, խօսիլը, ժպիտը,
նայւածքը, ասոնք բոլոր իր գէնքերն են, որ ճար-
պիկ կերպով գործածել գիտէ, օր օրի աւելի յան-
դուզն, աւելի ձեռներէց:

Ինքն ալ քանի կ'երթայ եթերացին բան մը
կը դառնայ. ամբողջ՝ ժպիտ, դիւթանք, դրդիու ու
յուզում:

Հազար պատրւակներ կը ճարէ ինձի մօտենա-
լու, սեղմէելու, ձեռքս ձմելու, ծունկերուս զարնը-
ւելու, թեսերէս քաշելու:

Երէկ գիրքը սեղանին վրայէն հովհարովը վար
ձգեց. ծռեցայ, որ առնեմ. ինքն ալ ծռեցաւ. ու
կ'ուզէր զիրքը ձեռքէս խլէ. չի տըւի. սկսաւ մա-
կուզէր զիրքը ձեռքէս խլէ. չի տըւի. սկսաւ մա-
կուզէր. մեր թեսերը իրար էին հիւաւած, եր-
կուզ ալ դէպի զետին խոնարհած, գլուխ գլխին
հարու տւող այծերու պէս: Ա, ինչ հեշտանք կ'ըզ-
գայի իր մազերու շոյանքէն, որ ճակտիս ու քուն-

քերուս վրայ կը գալարէին. ինչպէս իրար ձեռք
կը սեղմէինք:

Այսօր ալ գրանէս ծոցատեարս խլեց ու փա-
խաւ, սպառնալով մէջինը կարդալ. ամբողջ կէս
ժամ պարտէզը իր ետևէն կը վազէի ածուէ ածու.
քանի անգամ խոյս տւաւ. ինչպէս կը թափահարէր
բազուկներուս մէջ ձեռքէս ազաւելու համար:
Ազատ օդին մէջ խոյացող թռչնակ մը ովէ բռնած.
ինչպէս կը թոթւէ ան իր սիրուն, փափուկ փետուր-
ները, ինչպէս կը ծըլւըլայ. այդպէս կը քրքջար
վարդուհին թեւերուս մէջ խայտալով: Ու ես կը գող-
դողայի իր մարմնի ամեն մէկ հաղումէն անհուն
խախտանքներ զգալով:

Իր բոլոր ճիգը ինձի դիւթել, հմայելն է:
Կ'ուզէ ընկնէ ինձի, լեզուս բանալու սափէ, յաղ-
թել կ'ուզէ, կ'ուզէ հպարտութիւնս կոտրէ:

Ես այդ կըմբոնեմ:

Բայց ինչ հպարտութիւն. ոչ, հպարտութիւն
չէ այս, ոչ ալ վախ կամ տարակոյս. երբէք:

Հապա ինչու ուրեմն այս հոգեկան տանջանք-
ները, այս խենթ լարումը, մաքառումը. ինչու չեմ
քակեր այս կծիկը, որ ժամէ ժամ աւելի կը խճճւի:

Գուցէ խենթութիւն է այս, գուցէ անբնական
—չգիտեմ. միայն այս բոլորէն ես բուռն հաճոյք մը
կըզգամ. հաճոյք...

Օգոստոս 7.

Երբ Վարդուհինց սրահէն ներս մտայ սե-
նեակի սեմին վրայ օրիորդին հետ դէմուդէմ գտըն-
եցայ:

Ժպտեցաւ ու աշխոյժ շարժումով մը ինձի
մօտեցաւ:

— Ռնզա, ովէ այն. հարցուց ներսէն մայրը:

— Պ. Երւանդը. եղաւ պատասխան:

Սեմէն բարեեցի տիկինը:

— Այսօր ուր պիտի աշխատինք. հարցուց
օրիորդը:

Գիշերը թեթև անձրեած էր. ու պարտէզը
քիչ մը խոնաւ:

— Եկէք, պատշգամ. հոն ալ պարտէզի պէս է
ու առանձին. աւելցուց իսկոյն:

Եւ իր սովորական շարժումովը ետ դարձաւ,
թեւէս քաշելով ինձի պատշգամ հանեց, գրեթէ
հրեց ոլորէ աթոռի մը վրայ ու ինքն ալ նետե-
ցաւ օրրան աթոռի մը մէջ. իմինիս այնքան մօ-
տիկ, որ երբ կօրօրւէր՝ ստիպւած էի միշտ ծունկս
ետ քաշել բաղիտում մը չունենալու համար. թէեւ
այդ ծառայութիւնը միշտ յանձն չէի առներ:

Պատշգամը իրաւ որ պարտէզի մը պէս էր.
երկու խոշոր կադինի իրենց ծերացած ճիւղերը վրան
կը տարածէին: Պատշգամի եզերքները շարւած էին
մեծ ու փոքր թաղարներու մէջ ամեն տեսակ ծա-
զիկներ, որոնցմէ դրդուիչ հոտ մը կը ծաւալէր: Առ-

չենիս փուած էր. ընդարձակ կանաչութիւն մը,
ուր բաւական լացն ոտքի ճամբայ մը արքունի
խճուղին պատշգամի սանդուղներուն կը կապէր:

Արեք զէնիթին կը մօտենար. ու տաքը սկսած
էր զօրանալ: Թմրեցուցիչ, յաբրեցուցիչ օդ մը կը
բարձրանար խոնաւ խոտերէն, ծառերէն ու կա-
նաչէն:

Վարդուհին կարդալ սկսաւ. բայց շատ ան-
նորհք. պարզ էր, որ մոքին չէր հետեւեր:

Ես ալ չէի հետեւեր. կը դիտէի քովնատի իր
մաքուր ձերմակ վիզը, ուր խիստ բարակ աղւամազ
մը ու խիստ թեթև քրտինք մը իրարու հետ կը
դրկւէին:

— 0', ինչ հեղցուցիչ օդ է, բացականչեց յան-
կարծ զիրքը ծունկերուն ձգելով ու անթարթ ին-
ծի նացելով. և նորէն շարունակեց:

Քանի մը անգամ կրկնեցաւ այս, մինչև որ
վերջապէս գոցեց զիրքը, նետեց քովը աթոռին
վրայ ու հծծեց.

— Զէ, ալ չեմ կրնար կարդար:

Փուեցաւ օրրան աթոռի թիկունքին ու սկսաւ
ճոճւիլ: Իր արագ ճոճումէն մազերը երկու ուսերու
վրայէն դէպի առաջ սահեցան ու ամեն ճոճումէն
տարուքերելով ծփուն շրջանակի մը մեջ առին իր
շիկնած նրագիծ դէմքը:

«Սկիզբն է երկանց», մտածեցի ես: Սիրոս
սկսաւ թփուտալ և ուժերս ամփոփեցի:

Վարդուհին յանկարծ աթոռէն ցատկեց, գնաց
դէպի սանդուղը, դիտեց քիչ մը հեռուն, եկաւ քովս,
խճնթ-խելօք բաներ մը ըսինք իրարու, հեռացաւ
պատշգամի եզերքը, ծաղիկ մը փրցուց ու սկսաւ
ջղաձգօրէն փեթառել:

Բան մը կորոճար:

Ես վերացած կը դիտէի. ինչպէս գեղեցիկ էր:
Կարծես օղի ամուր յորձանք մը ինծի դէպի աղ-
ջիկը կը քաշէր. ես ակամայ շարժում մը ըրի իր
մօտը երթալու համար:

— 0'իս, ինչ անուշ կը հոտի. բացականչեց աղ-
ջիկը փեթառած մեխակի մը թերթիկները ափով
դէմքին սեղմելով:

— Հատ մը կուզէք, դարձաւ ինծի:

— Ա՛, եթէ շնորհէք:

Քիչ մը փնտուց—կընտրէր—փրցուց ու նետ-
եցաւ քովս աթոռին վրայ:

Զեռքս մեկնեցի, որ առնեմ. մէկդի հրեց:

— Ո՛չ. ես ինքս ձեր կուրծքը պիտի անցընեմ:
ըստ հաստատ ձայնով մը, որու վերջին տոնը սա-
կայն դողդղաց:

Ծուեցաւ վրաս, ձախ ձեռքը նետեց ուսս, իսկ
աջով ծաղիկը տարաւ օձիքիս օղակին. մէկէն ի մէկ
խնքինքս իր բազուկներուն մէջը զգացի: Օղակը
կարւած էր. աղջիկը սկսաւ աշխատիլ ծաղիկը ան-
ցընելու համար. և այդ ճիգի ատեն այնքան ինծի
ծուեցաւ, որ իր ուռուցիկ, առաձգական կուրծքը

եկաւ իմինիս յարեցաւ. արագ ու անկարդ կը շնչէր
ու իր կիզիչ շունչը բուռն հոսանքով կը զարնէր
կզակիս ու օձիքէս ներս կ'երթար. պարզապէս գլր-
կած էր ինձի:

Իսկ ինքզինքս աղէկ չեմ յիշեր. կարծեմ գլուխս
կը դառնար. սիրտս ալ կը դողդզար տերևի պէս: Թևերս
բնազդօրէն բարձրացան ու փաթթւեցան իր ճկուն
մէջքին. այդ շօշափումէ՝ ես յանկարծ ցնցըւեցաց
որոշ չեմ յիշեր ինչպէս երկաթէ «ոչ» մը զիկզակեց
գլխուս մէջ. կամքիս ու ֆիզիքական բոլոր ուժե-
րուս մնացորդովը քակեցի թեւերս, աղջկան գրկէն
կերպ մը ազատւեցայ, գայթեցայ սանդուղներէն
վար ու գինովի մը պէս կթոռ՝ շիտակ տնւն:

Մտայ սենեակս ու երեսս ի վայր նետւեցայ ան-
կողնիս վրայ:

—Այս արդէն չափազանց է. կը կրկնէի անդա-
դար բարձերուս մէջէն. այս անբնական է, անհե-
թեթ: Ասուած իմ, Վարդուհին գիրկս լինի ու ես
դիւահարի պէս փախչիմ: Ես, որ գիշեր ցերեկ իր
համրոցը կ'երազեմ: և ինչու. հաճոյք է այս. ինչ
հաճոյք. հրէշութիւն:

Եւ ձեռքերս մազերուս խրած լրածիս վրայ
կը զարմանայի. մոտածեցի ետ երթամ նորէն փաթթ-
ւիմ կրծքին, ըսեմ, պատմեմ ամեն բան: Բայց այդ
ալ շատ յիմար կը փախչէր: «Իրիկոնը վճռեցի. ու-
թաղւեցայ կրկին մոտածումներու մէջ:

Ինձի այնպէս թւեցաւ, թէ դուռս կը զաւ նէին:

Հազիւ գլուխս դժգոհութեամբ բարձրացուցած
էի, որ դուռը բացւեցաւ ու սեմին վրայ տնկւեցաւ
Միքայէլը:

Պահ մը զարմանքով ինձի դիտեց:

—Խէր լինի. ի՞նչ բանի ես. հարցուց:

Նայեցաւ չորս դին, անկողնիս, ինձի, լէմքիս
ու սկսաւ լինդալ—

—Հասկցայ, հասկցայ, կնկնելով:

Մէկ ալ յանկարծ լրջացաւ ու բժշկի մը պէս,
որ իր հիւանդին ախտանիշները կ'որոշէ, ըսաւ հա-
տիկհատիկ.

—Հազուսուը խառնակ, մազերը ցրիւ, անկո-
ղինը ճմռտքած, գուցէ բ'ոճն ալ թաց. (բարձիս
վրայ ծռեցաւ). այս բոլորը կը նշանակէ... ա, այս
բոլորը խիստ ծանր պարագայ մը կը նշանակէ. վեր-
ջացուց հազիւ լինդուկը բռնելով:

Զայրոյթէս ինքզինքս կ'ուտէի ու կատղած
երեսը կը նայէի:

—Հէ. չի խօսիս, եղբայր. ի՞նչ պապանձեր ես,
ֆույ, այդ ի՞նչ ապուշ դէմք է. մի՛, մի՛, մի՛ նայիր
երեսս. պոռաց երեսը անդին դարձնելով ու շարու-
նափեց. եթէ բոլոր սիրահարածներու դէմքը այդ
տեսակ է, լաւ է կեանքիս մէջ բնաւ չսիրա-
հարիմ:

Ես ցնցւեցայ. զգացի, որ ամեն բան ճիշտ
կերպով գուշակելու ճամբուն վրան է. սիրտս ճմ-
ւեցաւ. չեմ ուզեր, որ ոչ ոք սիրտս կարդայ: Նեղ

վայրկեաներու յատուկ ճարպիկութեամբ մը իսկոյն դերս փոխեցի:

— Ուհ, մի՛ ըսեր, Միքէ, սիրահարիլը սքանչելի բան է եղեր. և կերդնում, որ վայրկեան մը առաջ սիրահարելու պիտի աշխատիմ. քեզի ալ նոյնը խորհուրդ կուտամ:

— Ենորհակալ եմ խորհրդէդ. զուր յոգնութիւն. միայն ըսածդ աղէկ չըմբռնեցի. ինչ ըսել է «պիտի աշխատիմ». մինակ աշխատելու որոշումը տալու համար միթէ կարելի է այդ աստիճան ապուշ դէմք մը առնել. գոնէ կարծեցի, թէ գործը գլուխ հանած ես արդէն:

— Ապուշդ քեզի պահէ ու ինծի ականջ դիր. շխտակը ինծի համար ալ շատ տարօրինակ է այս: Քիչ մը առաջ պառկեր էի ու խենթ-խելօք կը մտածէի. յանկարծ միոքս ինկաւ քու անցեալ օրւան երեակայութիւնը. կը յիշմա անտառին մէջ:

— է՞:

— Ես սկսայ մոքով այդ անուրջը շարունակել. կամաց-կամաց ողերուեցայ. խորհեցայ թէ ես՝ Սիւնեաց Սեպուհա՝ Գուգարաց օրիորդի նշանածն եմ. և քեզի հետ նշանածիս այց կ'երթամ բդեշիս ամարանոցը, և վառ կերպով երեակայեցի այն բոլորը, որ պիտի անցնէր իմ ու օրիորդին մէջ: Սիրտս սկսաւ եռ դալ. երեակայութիւնը մոռցած անուրջիս մէջ առաջին անգամ կը խմէի սիրոյ հեշտանքը: Իբր թէ Սիւնեաց օրիորդին հետ

առանձին էի, թաղարներով, ծաղիկներով շըր-ջապատւած տեղ մըն էր այն. կարծես պատշգամ մը. օդը յափրեցուցիչ էր, բուրումնաւէտ, ու մեղկաց-նող տաք մը: Օրիորդը նստած էր քովս, ինծի կից. և կ'ուղէր կուրծքս մեխակ մը անցնէ. իր շրթունք-ները այնքան մօտիկ էին իմիններուս, որ իմ շունչս իր շունչը կը համբուրէր և այնքան մօտիկ կը զար-նէր իր սիրտը իմինիս, որ ես խելագարւած էի...

— Տղայ, այդ բոլոր այնպէս կը նկարագրես, որ քիչ է մնացեր հաւտամ պիտի:

— Լսէ. ես ալ, գիմադրելու անկարող, այդ ինծի անձնատուր կուրծքը բազուկներուս մէջ շլդ-թացել կ'ուղէի, որ զուռը զարկին. զուն էիր:

— Վայ, շունչանորդի, ինչ գէշ տեղ եմ հա-սեր. գիտնացի քիչ մըն ալ կ'ուշանացին ձա, հիմա կ'ըմբռնեմ, թէ ինչու այնպէս գէշ-գէշ երեսս կը նացէիր. ինչ և է իրաւ որ շատ կը ցաւիմ գործդ յանդարած լինելուս համար, կ'ուզես ես երթամ ու զուն նորէն շարունակէ. մինակ առաջւընէ ըսեմ, որ ձիով աղւոր պտոյտէ մը պիտի զրկւիս. ձիերն ալ վարն են. գէ, ընտրէ. երազական Սիւնեաց օրի-որդի համբոյը կ'ուզեմ, թէ իրական կայտառ ձի մը:

— Ընտրութիւնը զժւար է, բայց... ըսի ես գլխարկս առնելով:

— Ապրի իմ քաջս. չէ. եթէ քանի մը ամիս ինծի հետ ապրիս կարելի է մարդու նմանիս: Դէ,

մարշ. պոռաց և, զինւորական եղանակ մը որոտարով, զինւորական քայլերով առաջ անցաւ։
Հետևեցայ իրեն։

Զիերը պատշգամի տակն էին։ Հեծանք ու աշտանակեցինք։

Այդ յախուռն, արագ ընթացքը տրամադրութիւնս բոլորովին փոխեց, ուժի զգացում մը լեցւեցաւ մէջս, և ես գոհունակութիւն մը զզացի այս օրւան վարմունքէս։ Բայց վաղը. ինչպէս վարւելու էի, ինչ պիտի ըսէի։ Այդ դժւար հանդիպումը որքան կարելի է յետաձգելու համար՝ մուածեցի վաղը պարապման չերթամ։ և ալ առանց երկար-բարակ խորհելու՝ առաջարկեցի Միքէին վաղ առտու կանուխ որսի ենենք անտառը։

Միքայէլը սիրով յանձն առաւ. արդէն շաբաթմըն է գլուխս կը տանէր միւնոյն բանը կրկնելով։

Երբ առանձին մնացի՝ ըրածիս զզչացի. ամբողջ օր մը Վարդուհին չտեսնելը շատ ծանր էր։ Բայց միւս կողմէն ալ ուրախացայ. այսպէս աղե՛ք էր. մէկէն ի մէկ իր աչքէն կորսւիլն անշուշտ աղջուկան վրայ սաստիկ ազգէր պիտի, պիտի գրգուէր իր կանացիութիւնը. աւելի պիտի վինտուէր ինծիր ու աւելի ուժով դէպի ինծի պիտի ձղտէր. և այն ատեն մեր վերստին հանդիպմամ... ահ։

Եւ խորհեցայ ինքզինքս զսպեմ ու խոյս տամ իր աչքէն ոչ միայն մի օր, այլ որքան որ կարող եմ։

Երեք օր է, սակայն ամբողջ երեք օր, որ Վարդուհին չեմ տեսած։

Գինովի պէս եմ. ըրածս-թողածս չգիտեմ. միտքս կարծես զբաղւած է, թէև էապէս ոչինչ չեմ մտածեր, հոսանքի մէջ ինկած նաւակի կը նմանիմ. ինծի առաջ կը մղեն և ես կ'երթամ. և այդ ալիքի պէս ինծի վար քշողը իմ մէկ գաղափարս է. որքան հնար է ինքզինքս հեռու պահեմ Վարդուհին։

Այս զրկանքէն անբացատրելի, խենթ գոհացում մը կ'ըստանամ. կը խաղամ սրտիս հետ, ինչպէս կը խաղայ կատուն բոնած մուկին հետ։ Ըրածիս բնաւ խելքս չի հասնիր. և խելք հասցնելու ալ պէտք չեմ զգար. միայն զգացումներուս բոլոր թափովը կը տենչամ այս վայրի հետանքին մինչև յատակը ծծեմ։

Երբ դպրոցը վէպի մը ընթերցումէն վերջը՝ սիրային անուրջներու մէջ կ'ընկղմէի՝ ինծի այնպէս կը թւէր, թէ երբ սիրտ մէկէ մը գրաււէր՝ ալ իր պիտի լինէի, դիցուհիի մը պէս պիտի պաշտէի այդ էակը ու իր մէկ վայրկենական քմահաճոյքին համար ամեն բան զոհէի պիտի. իր հագուստի շփումէն ելեքտրականանացի պիտի. իր ակնարկը իմ օրէնքս պիտի լինէր. իսկ հիմա. ինչ անհեթեթութիւն. զրմանք։

Օրերը կ'անցնին անդուլ ու անդադար վիզիքական սպառիչ աշխատութեան մը մէջ:

Առաջուն կանուխ Միքայէլի հետ հրացանը ուսա-
ներիս զարկած կը վագենք անտառ. ու հոն ամբող-
ջովին անձնատուր կը լինինք որսի հաճոյքին. որսի
հաճոյքը. շատ էի լսած, միայն այժմ կըզգամ,
թէ ինչ յափշտակիչ, խելացեղիչ բան է այդ. կար-
ծես մարդ պահ մը ամեն բան կը մոռնայ՝ վիշտը,
մտածմունքը, ինքզինքը, իր միակ խոհը որսն է.
մէկ կէտի վրայ է յառած իր բոլոր ուշքը, և այդ
կէտը այն է, ուր կը միտի և հրացանին փողը: Վե-
րացած է որսորդը, ողեւորւած տենդոտ անմիտ եռան-
դով մը. ալ չի նայիր ժայռ, քար, ձոր, ծառ,
ոչինչ. ծառերու չորցած գոս ճիւղերը ձեռքերը
կը ճանկուեն, մացառներու փուշը ծոծրակը կը ճան-
է. ոտքը տապալած ծառերու կոճղին կու գայց,
կը զարնւի բուներուն... բայց որմւ հոգ. միայն թէ,
երբ վառողին մուխը մարատաի՝ ոսքերուն տակը
տեսնէ իր այդ խօլ հետապնդման նպատակը. վայրի
ու արիւնոտ գւարճութիւն, բայց անփոխարինելի:
Ճաշէն վերջն ալ՝ հազիւ քիչ մը հանդչած
կը նետւինք ձիերնուս նիւսոր ու հալտէ... .

Ահ, երբ հովը ականջիս մէջ դիւցազնական
եղանակներ սուլել: Կը զարնէ դէմքիս, յարդէ գըլ-
խարկիս եղերքները կը ծալլէ քիթուրերնիս, կ'ու-
ռեցնէ շապիկիս մէջքը, կը ցրւէ ձիուս բաշը. երբ
ես ձիուս մէջքիս փակած, հակած դէպի գյուղիր,

մըլըրկի պէս կը խոյանամ՝ տարօրինակ, անասելի
մարմնական ու հոգեկան խոլխանք մը կ'ըզգամ
մէջս, ու կը դրդուիմ, կը հպարտանամ, կը թաղիմ
լէոնցու անուրջներուն մէջ, կը վացրենանամ. ինձի
այնպէս կը թւի, թէ Վարդուհին է զիրկս, որ կը ծ-
քիս սեղմած հեռու, հեռու կը փախցնեմ... ձին կը
թուչի.. .

— Տղամայ, քիչ մը կամաց. կը պոռայ ետևէս
Միքէն:

Ես երևակայութեանս թափէն մտրակւած՝ կը
մտրակեմ խեղճ ձիս, որ իր վերջին ուժերը կը կծկէ
ու առաջ կը սլանայ՝ աչքերէն կայծ, բերնէն փեր-
փուր թափելով:

Եւ այս յորձանուտ մարմական յոդնութեան
մէջ կ'ուղեմ մոռացման տամ ինքս ինծի պատճա-
ռած հոգեկան տանջանքներս. կարծես այս մըրկոտ
շարժման ու ֆիզիքական ուժասպառման մէջ ինեղ-
գել կը ցանկամ հոգիիս պահանջը ու սրտիս բողոք-
ները իմ այս խելառ վարմունքիս դէմ:

Բայց չեմ յաջողիր: Երբ, որսէն ուժաթափ, կը
նետուինք ակնխարթ մը ծառի մը տակ հանգչելու,
երբ, արշաւէն շրջապառ, կը նստիմ ժայռի մը վրաց
պահ մը շունչ քաշելու, երբ իրիկունները սենեակս
կը քաշւիմ, և երբ մանաւանդ առաւօտները մեռե-
լական քունէս կազդրւրւած՝ աչքերս կը բանամ-
օրւան լուսին՝ կ'ըզգամ որ ներաէն բան մը սիրտս
կը կոծէ, կ'ըզգամ որ այլ ևս այս տեսել կարող չէ...

Օգոստոս 11.

Տեսան... անբացատրելի է առաջին տակաւութիւնս:

Զիարշաւէն կը դառնացինք:

Արեւ մայր մանելու վրայ էր:

Ես առջեւէն կարշաւէի, Միքէն ետևէս, երբ հեռուն ճանապարհին վրայ նշմարեցի Վարդուհին եղբօրը հետ:

Սիրտս ճմլեցաւ. արիւնս գլուխս զարկաւ: Մեքենական շարժումնի մը ձիս խթեցի ու շիտակ անոնց առջեւը սանձը քաշեցի:

—Պահ. բացականչեց պարոն Կարապետը:

Վարդուհին նոյնն էր. միայն չորս օրւան կարուս ուրիշ հրտապը մը տւած էր իր դիմադժերուն, ուր գլխարկին տակէն թափւած մազերը գեղարւեստական կէս-ատւեր մը կը ձգէին:

Ես ալ երեւի գեղեցիկ էի այն վայրկեանին. ամբողջ էութեանս վրայ կարօտը զրոշմած էր. վազքէն յոդնած մարմինս մերկ դիրք մը առեր էր ձիու մէջքին. այտերս կը վառէին ներքին յուղումէս. երկայն մազերս հովը ճակախս էր թափած. ու թուլ կապւած փողպատիս տակէն մետաքսէ շալիկիս օձիքը բացւեր կրծքիս մէկ փոքրիկ մասը կը մերկացնէր արեւի ճառագայթներուն ոսկեզոծումին տակ:

Վարդուհին այլացլած յանկարծակի երեռումէս, յուզւած ըրած տպաւորութիւնէս ու աչքերուս ար-

տայլայտութիւնէն՝ խոշոր աչքերը գամեց աչքերուս...

Է՛, շատ էի լսած, կարդացած, շատ ալ լսած, բայց հոդ առաջին անգամ զգացի, թէ աչքերը ինչպէս կը խօսին: Այդ հայեացքին մէջ ես ինչեր չկարդացի. անուշ կարօտ մը, դառն յանդիմանութիւն, զայրոյթ, հիացում, յանկարծակի եկած մտատանջութեան մը մնացորդը...

Բայց աղջիկը իսկոցն իր աչքերը խոնարհեցուց ու այդ արտայացտութիւնը ալ կորաւ: Երբ երկրորդ անգամ ինձի նայեցաւ՝ ալ կեանք չի կար հոն. սառն անտարբերութիւն մը:

Այդ ինչ կը նշանակէր:

Ես ձիէս ցատկեցի. այս բոլորը մէկ վայրկեանի մը մէջ. Պարոն Կարապետը առաջին խօսողը եղաւ.

—Բայց այլ ես մեզի մոռացաք, պկ. Երւանդ:

—Անիրաւ ես, Կարօ. պատասխանեց Վարդուհին եղբօրը. մի՛ մոռանար, որ զուն ալ շաբթւան մը չափ է անոնց չես գացած. ոչ, ան արդար լինել պէտք չէ. այնպէս չէ, պարոն Երւանդ:

—Հէ, այդ ինչ ձեւականութիւններ է. ակէց զաժառ աւարտելու ետևէ էի, թէ չէ... ըստ պ. Կարապետը:

—Անշուշտ պ. Երւանդն ալ զբաղում մը ունէր, ինչ միակողմանի տրամաբանութիւն է այդ, պատասխանեց օրիորդը:

Ես ոչինչ չէի հասկնար. այս լեզուն ինձի ան-

ծանօթ էր։ Ես մինակ մէկ բան մը կ'ըսպասէի։
բուռն կարօտ, զսպւած յուզումներ, գուցէ, բարկու-
թիւն, յանդիմանութիւններ։ արդէն առաջին հա-
յեացքն ալ այդ չէր։ Բնչ են ուրեմն այս անտար-
բեր խօսքերը։ թէ ինձի այդպէս կը թւի։

Միքէն հասաւ մեզի։

Նախ խօսակցութիւնը պաշտօնական գոյն մը
ունէր ու չէր կապւեր։ բայց քիշ-քիչ սկսաւ տաք-
նուլ։ Միքէն նիւթ կը ճարէր. մեր որսերէն կը պատ-
մէր, իմ ճախլիկութիւններս. ու պարոն Կարա-
պետը ամբողջ կրծքովը կը խնդար։

Վարդուհին ալ։ Եղբօրը թևէն միշտ անբա-
ժան՝ կը կատակէր, կը ծիծաղէր իր սովորական
եղանակովը. ոչ յուզում, ոչ ակնարկութիւն։ Ինձի
հետ ալ կը խօսէր, կը հարցնէր. կարծես երկրորդ
անդամ՝ կը տեսնէինք։

Ինչ մոտածելս ինքս ալ չգիտէի։ Աստւած իմ,
արդեօք սխալւած էի. արդեօք այդ աղջիկը դէպի
ինձի լուրջ զգացում մը տածած չէ. բայց ոչ,
հաւանօրէն մինակ մնալնուս կ'ըսպասէ։

Քիչ մը վերջը Միքէն անջառուեցաւ. նկատեցի,
որ Վարդուհին երկու երեք վայրկեան ձեռքը բոնած
սկսաւ խենթ բանիմը վրայ երկար խօսիլ. արդէն
ամբողջ խօսակցութեան միջոցին անսովոր կերպով
բայց էր Միքէին հետ ու աչքերը միշտ անոր
վրան։

Անհաճոյ զգացում մը ինձի խայթեց։

Եռացող անհամբերութեամբ տուն հասնելնուս
կ'սպասէի։ իւրաքանչիւր քաջլը դար մը կը տեէր։
Երբ իրենց տան առջև հասմնք, եղբայրը սովորա-
կանին համեմատ ինձի բարեեց ու ներս դնաց։

Մնացինք մինակ. մութ էր արդէն. սիրոս ծո-
վու պէս ալեկոծւած. կ'ըսպասէի, փոթորիկը փրթէր
պիտի... հազիւ կը շնչէի...։

— Գիշեր բարի, պարօն Երւանդ. ըստ օրիորդը
կատարեալ պարզութեամբ, թոթւեց ձեռքս ու սկսու-
սանդուղներէն վեր ենել։

Քար դարձայ։

Ուրեմն երազ մըն էր ի՞չպինքս սիրւած կար-
ծելս։

Այս հարցը կ'անցնէր մոքէս, երբ սանդուղի
կէսին աղջիկը ետ դարձաւ՝ պոռալով։

— Հա, պարօն Երւանդ, աղջի միտքս եկաւ.
սպասեցէք վայրկեան մը, խնդրեմ. «Դաւիթ բէդը»
վերադարձնեմ։

— Ինչնու. հարցուցի աշխուժով։

— Զեր ընկերոջը գալէն ի վեր կը տեսնեմ, որ
ժամանակ չունիք միասին կարդալու. և չեմ ուզեր,
որ իմ պատճառովս ինքպինքնիդ նեղէք.իսկ առան-
ձին ալ կարդալու տրամադրութիւն չունիմ։

— Սակայն կը սխալիք. ընդհակառակը, ես շատ
ժամանակ ունիմ. վաղ առաւօտւընէ ալ ամեն օր
պիտի գամ կանոնաւորապէս։

— Սակայն կարծեմ առաւօտները որսի կ'երթաք։

— Ոչ, ոչ. ալ վերջացմաւ. սոռացի ես ինքնիր-
մէս ելած ու սանդուղներէն վեր ենելով:

— Վերջացմաւ... է, շատ լաւ. ըստ ու մու-
թին մէջ աներեւյթ եղաւ:

Մարմնական չափազանց յոգնութիւն, հողեկան
անսանձ յուզում, երեք օրւան խորին կարօտ ու ծա-
րաւ սրտիս մէջ, անզուսպ հանդիպման մը իդէալը
զլիսուս մէջ. ես իմ յոյսերուս գագաթնակէտը, լար-
մանս վերին աստիճանը, և յանկարծ այս պաղ, ան-
տարբեր, անակնկալ վերջաբանը...

Խորտակւած, ջախջախւած, ծանր-ծանր ետ
դարձայ:

Ա, ես ինչպէս խաբւեցայ, ինչ ստորնութիւն.
ինչ ապուշ միամտութիւն: Ինչպէս եղաւ, որ ես
կարծեցի՝ թէ ինծի կը սիրէ. բայց ինչպէս չեն-
թադրէի. մի՞թէ այն բոլորը, որ մեր մէջը անցաւ,
այդ աստիճանի սովորական բաներ էին. մի՞թէ այդ
կերպով կը վարւի այդ աղջիկը ամեն տղու հետ. և
ինչու չէ. ահա Միքէն. ինծի հետ ալ նոյն կերպով
չըսկաւ. նոյն անընդհատ ձեռքի սեղմումները, նոյն
ժայռոները, նայւածքները, թոն. ինչ գռեհիկ բան.
գոց լրած ֆոռմիւլներ, որ անդադար ամենքին կը
կրկնէ. և ես այնքան ցիմար եղայ, որ այդ հասա-
րակ աշխարհիկ ձեւերը իմ աղնիւ զգացումներուս
պատասխանը կարծեցի. ինչ ստորնութիւն. ահ, եր-
կինք, ինչ սոսկալի պատրանք:

Օգոստոս 12.

Ամբողջ դիշերը անհանդիսու էի. շատ ուշ
քնացայ:

Արթննալուս պէս առաջին միտքս Վարդուհին
եղաւ. արդէն վարժւած եմ անոր վրաց մոածելով
արթննալու: Սիրտս ուժգին ճմլեցաւ. այս իմ բո-
լոր անուրջներս օդի մէջ դղեակներ էին. իրաւ,
Վարդուհին ինծի չիսիրեր, իրաւ, ինծի չի սի-
րած:

Թարմ միտս սկսաւ գործել, բոլոր անցած մանր-
մունը դէպքերը իր քննութեան բովէն անկնել: Եւ
ես քանի կը խորհէի, քանի անդորր մոռքով մեր յա-
րաբերութիւնները կը ցիշէի, այնքան վատահութիւն
կու գար վրաս:

Ոչ, այդ աղջիկը ինծի սիրած էր. այդ պարզ
է արևուն լոյսին պէս. բայց հիմնական վարմմունքը.
արդեօք քմահաճմյք մըն է. արդեօք երեք օրւան
յիմարութեանս փոխարէն վրէժ լուծել կ'ուզէ. բայց
այս աստիճան կեղծել:

Ե՛, այս այսպէս չի վերջանար. այսօր ամեն
բան կը պարզեմ:

Այս որոշումով սովորական ժամին Զ.-երու
պատշգամը ելայ: Անորոշ զգացում մը ու անհամ-
բերութիւն մը ինծի կը խեղզէր:

Դուռնէն ներս մոածիս պէս սպասուհին դէմա
ելաւ:

— Օրիորդը հուր է:

— Օրիորդը պարոնին հետ շրջելու ելան, պատասխանեց աղջիկը:

Կարծես պաղ ջուր լեցուցին վրաս:

— Ե՞րբ դուրս ելան, հարցուցի շրթունքներս խածնելով.

— Կէս ժամ մը կայ, պարմն:

Ճաթէի պիտի: Այդ աղջիկը հետս կը խաղար. այս պարզապէս անքաղաքավարութիւն էր. և վերջապէս ես իրեն հետ զբաղւելու կու գայի. առջի իրիկուն ալ պարզապէս ըսի. ապերախտը, գէթ այնքան աշխատութիւնս յարգէր:

Վճռեցի իրիկունը դամ ու հաշիւս մաքրեմ:

Շատ գէշ հոգեկան տրամադրութեան մը տակ տուն վերաբարձայ:

Մեր պատշամին վրայ՝ սեմի առաջ կանգնած էր շնիկս. անոր այդ տեսակ անյարմար տեղ պառկիլը ինձի խիստ անհամոյ երևցաւ, ու ոտքով հարւած մը տւի. խեղճը դառն կազիանձեց, արցունքու աչքերով երեսս նայեցաւ ու, պոչը տակը քաշած, ներս փախաւ:

Ճաշէն վերջը ժամանակ սպանելու համար ուղեցի պարոն Մկրտիչի ու տիկնոջ նարտ խաղալուն ներկայ գտնւիմ. բայց անչափ անհամ թւեցաւ այդ զարերու անդադար գլուրւիլը, այդ փուլերու բաթքիւթը, որ զզւեցայ ու ելայ սենեակս:

Առի մատիս մը ու սկսայ ձեռքիս մէջ խաղցնել. մատիսի ծայրը բթացած էր. հանեցի գրչա-

հատս, որ շտկեմ, և միայն այն ատեն ձեռքէս վար զրի, երբ ամբողջ մատիսէն հազիւ բռնելու բան մը ձեռքս մնաց. նետեցի մատիսը պատուհանէն դուրս, ինքզինքս ալ անկողնիս վրայ: Կը մտածէի... ուղեղս չէր կրնար եզրակացութեան մը յանգիր. ենթագրութիւնները գլխիս մէջ յորձանք կուտային. գուր կոււան մը կը վնատուէի, ուր միտքս կենտրոնանար, զուր հաւանականութիւն մը կ'որոնէի, որու վրայ կանգ տանէի:

Իրիկւան դէմ՝ դաղափարներս խառնակ, կոտրըւած, սիրտս լուզումէն գողդոջուն, անոնց սրահէն ներս մտայ:

Տիկինը մեքենայի վրայ կար կը կարէր. ոտքի ելաւ ու հարամցուց:

Կը խօսէինք՝ չգիտեմ ինչ, երբ Վարդուհիի հնչուն ձայնը լսեցաւ, որ ներսէն կը պոռար.

— Մայրիկ, կարմիր կազմով նոթաներուս ժողովածուն գիտես ուր է:

Ու պոռալով ներս մտաւ, սեմի վրայէն ինձի նշմարեց ու թեթև մը կանգ տառաւ. բայց խսկոյն չտեսնել ձւացնելով գնաց դէսի գրքերու գարակը: Վերջը յանկարծ ետ դարձաւ դէսի մայրը և իբրև ինձի նոր տեսնելով —

— Ա՛խ, դուք հնս էք, պարմն երւանդ. ըսաւ. ձեռքս թոթւեց, ինչպէս լինելս հարցուց ու, անտարբեր, սենեակէն զուրս ելաւ:

Ալ չկրցայ համբերեր ու ցատկեցի ետեւէն:

Ան թէւ անշուշտ ոտքիս ձայնը լսեց, չի լսել ձեացնելով, մտաւ հիւրասենեակ ու դուռը դոցեց; Բացի ու ներս մտայ:

—Ա, հրամեցէք, ըսաւ աթոռ մը ցոյց տալով. ձայնատետրս չգիտեմ ուր են դրեր. ախ, այս սպասուհին:

—Ձայնատերին կորուսոր այդ որքան յուղածէ ձեզի, ըսի ես:

—Անշուշտ:

—Այն աստիճան, որ անոր պատճառով ձեր բարեկամին այցը կը մոռնաք:

—Ներսը հիւր է եկած, հարցուց յանկարծաշուժով. դրաւ կուգամ, որ պարոն Միքայէն է:

—Ո՛չ, դժբաղջաբար, եկողը միայն ես եմ:

—Ախ, ձեզի համար կը խօսիք, ըսաւ կորուսոր փնտուելով:

Այս ակնյայնի անփութութիւնը ինձի սաստիկ դառնացուց. և մէկն լոյս մը ինկաւ մոքիս մէջ. չլինի՞ ընազդս սխալած չէր. չլինի՞ ճշմարիտ որ Միքէն սկսած է իր սրտին մէջ տեղ մը դրաւել, որ ես դրաւած լինել կը կարծէի. այս դաղափարը քանի կ'երթար աւելի հաւանական կը դառնար, և հետզետէ ինձի աւելի կը տանջէր: Այդ աղջիկը կը մոռնար ինձի, իմ յուզումներս, մեր անցեալը, մեր քիթ-քիթի անցուցած ամիսը իր սիրտը տալու համար Միքէն, որ անոր վրայ կը նայի՝ ինչպէս սիրուն գեղարւեստական նկարի մը վրայ:

Ես այս համեմատութենէն աւելի կատղած ոտքի ելայ:

—Ներեցէք, օրինրդ. վայրկեան մը. ձեր կորուստը կրնաք միշտ փնտուել, սակայն ես մեկնիմ պիտի և նախապէս ձեզի հարցում մը ունիմ:

—Ինչու այդչափ կ'ըշտապէք, հարցուց շիտակ դէմս կենալով ձեռքերը ետեր:

—Որովհետեւ ներկայութիւնս հոս աւելորդ է:

—Այդ ձեզի ոլ ըսաւ. բայց ինչ է ձեր հարցնելիքը:

—Արդեօք գիտէիք, որ այս առաւօտ ձեզի հետ զբաղւելու պիտի գայի:

—Այն, երէկ գիշեր ըսիք կարծեմ:

—Լաւ, ուրեմն ուր էիք այս առաւօտ:

Վարդուհին աւելի շտկեցաւ, աչքերը շեշտ յառեց աչքերուս և, առանց դէմքի մէկ գիծը շարժելու, ծանր ու յատակ ձայնով մը արտասանեց.

—Որ սի:

—Ահ...

Դաշոյնի մը պէս բառը լսրեցաւ կուրծքս:

Գէնս, զայրոյթս, բարկութիւնս վայրկենաբար յնդեցաւ: Մնացի անշարժ՝ արձանի պէս:

Վարդուհին լուռ անցաւ դաշնակին առջել:

Ուրեմն վշտացած էր. իր բոլոր առերեսոյթս անհոգութեան և նոյն իսկ զւարթութեան հակառակ ցաւած էր ինձմե ու խորապէս:

Ու վայրկեան մը սուզւեցայ իր վիճակին մէջ.

Երեսակայեցի, որ ես եմ իր տեղը, որ կը սիրեմ, ոլ
ինքս կը նեռւիմ դիմացինիս գիրկը. իսկ մնա՞ դի-
մացինս. կուղտութեամբ ետ կը հրէ ինծի, կը ձգէ
կ'երթայ ու այլ ես ամբողջ օրեր երեսս անդամ չի
նայիր. և այս բոլորը զգացողը աղջկան զգայուն
սիրտն է: Ո՞վ գիտէ, որքան տառապած, վշտացած
ու չարչարւած է այս երկու երեք օրւան մէջ.
բայց այդ կը ծածկէ նոյն իսկ ինծմէ, որ իր դառ-
նութեան աղբիւրն եմ եղած:

Եւ ես չնչին բանի մը համար այսպէս իրար
եմ անցած, եկեր եմ երեսին յանդիմանութիւն կար-
դալու. ա, ամօթ, ամօթ ինծի, ինչ ոչինչ բնաւո-
րութիւն:

Խորին ակնածութիւն մը իր ծածուկ վշտին
դէմ կուրծքս լեցուց: Ուհ, ինչ վայրենի, ինչ եսա-
մոլ եմ եղած: Անտարակնյս. չէի դիակացեր, որ
գէշ բան մը կ'ընեմ, զեռ ընրհակառակը կը խորհէի
ես. բայց մտածելու էի:

Այս բոլորը կ'անցնէր ուղեղիս մէջէն, երբ ես,
անշարժ բազկաթոռի թեւին յենած՝ կը դիտէի
ետևէն Վարդուհիի իրանը, ուսերն ու մազերը:

Խոր թախէծ մը, արգահատանք մը, խղճա-
հարութիւն մը կ'ըզգայի դէպի Վարդուհին: Դէպի
ինքը տածած զգացումն կը բարդւէր. ես անպատ-
ւած, արհամարած, վշտացուցած էի այդ փափուկ,
չքնաղ արարածը, որ ինծի կը նւիրւէր, որ սրտիս
կեանք կուտար:

Դաշնակէն հոսող գեղգեղուն եղանակ մը զգա-
ցումներս աւելի կը սրէր. ես այն աստիճանի հա-
սաց, որ աչքերս արցունքութեան ու՝ յանցաւոր
տղու մը պէս՝ մտածեցի երթամ՝ ու ներում խնդ-
րեմ: Բայց այդ մտածմունք մըն է, որ չիրագործւիր.
այս տեսականն էր, որուն դործնականը գտնել
պէտք էր:

Մօտեցայ դաշնակին ու թեթև մը ուսին դպայ.
աղջիկը ցնցողական շարժումով մը ինծի նայեցաւ:

Ա՛, ինչպէս գեղեցիկ էր. ես ուզեցի անհամար
համբոյրներով ծածկեմ իր թեթև մը կծկւած
շրթունքները, յուզումին շիկնած երեսները, ամառ-
ւան երկնքին պէս մաքուր ճակատը, իր բնաւորու-
թեան նման անառակ խոպոպիկները. ուզեցի, բայց
իր նայւածքին մէջ շեշտ մը կար, որ կը սանձէր
զգացումներս, և ես չէի յանդգներ գէթ առաջւան
չափ համարձակ վարւելու:

— Կ'ուզէք պատցտ մը ընենք. ըսի ես անուշ,
վախկոտ ձայնով մը:

— Ուշ է. հիմա արևը մայր կը մտնէ, պատաս-
խանեց:

— Ի՞նչ վոյթ. հեռու չենք երթար:
— Բայց ձեզի զուր նեղութիւն պիտի տամ:
— Նեղութեան բան չի կայ. քանի որ առա-
ջարկողն ալ ես եմ: Եւ կարծեմ ուրիշ ատեն ինծի
հետ շրջելու միջոցին նեղութիւն տալէ չէիք վա-
խենար:

—Այն ատեն ուրիշ. հիմա դուք շատ զբաղ-
ւած էք:

Ես ձայն չհանեցի:

—Լամ, երթանք, քանի որ այլպէս է. վճռեց
և ուսերուն թեթև շալ մը նետելով՝ ինձի ընկե-
րացաւ:

Մաքուր մութ-կապոյտ մըն էր վրանիս. հնա-
հն ամոլի ծիծեր հայեացքի միօրինակութիւնը
կ'աւրէին:

Առաջ աւելի լուռ էինք:

Քովերնուս գիւղացի մը անցաւ, նայեցաւ մե-
զի ու նշանակիչ կերպով մը ժպտեցաւ:

—Այդ մարդը ինչու խնդաց, հարցուց օրիորդը:

—Ո՞վ գիտէ, լսի ես:

Թէւ գիւղացին ալ, աղջիկն ալ, ես ալ շատ
իրար հասկըցեր էինք:

Գիւղացին առիթ եղաւ խօսակցութեան ար-
ծարծւելուն: Գիւղական կեանք, իր բարքերը, սո-
վորութիւնները՝ սրտիս մօտիկ, մանկութեանս կապ-
ւած նիւթեր. սկսայ խօսիլ ու նկարագրել, թէւ
ուշադրութիւնս բաւական ցրւած էր:

Իսկ աղջիկը լրջութեամբ կը լսէր ու կը հար-
ցնէր: Ոչ մի փոփոխութիւն. կարծես նոր պարա-
պելու սկսած օրերնիս ենք. կարծես մէջերնիս ոչինչ
անցած չէ:

Միայն խօսելու ատեն, երբ քովետի գաղանի
ակնարկ մը նետեցի, հրձւանքով նշմարեցի, որ նոյն

տեսակ գաղանի նայւածք մը աչքերէս անմիջապէս
խուսափեց:

Արդէն մթնած էր. սև գիշեր մը:

—Դառնանք. լսաւ Վարդուհին:

Լուս էինք. ու քով քովի կը քալէինք. քանի
կ'երթար յուզումն կ'աւելանար. հովը, մութը, մեր
առանձնութիւնը, իր մերձաւորութիւնը սիրս
աւելի ու աւելի կը հրաշրէր: Բոլոր էութեամբս
գրիել կ'ուզէի այդ աղջիկը ու բոցէ համբոցրով մը
մոխիր դարձնէի երեք օրւան կարօսս, այսքան ժա-
մանակւան շարչարանքներս, Վարդուհինս պատճա-
ռած ցաւս, իմ երեկւան կասկածներս, բոլորը,
բոլորը...

Ուզեցի գոնէ թես առնեմ:

—Մութ է, գուք ալ կարծեմ յոգնեցաք, օրի-
նրդ. թես չէք մոնիր:

—Ո՛չ, հոգ չէ. չեմ յոգնած, պատասխանեց
կարճ:

Այս մերժումը ալ չափը լրացուց. բաժակը
յորդեց. ու հաշիւս կորսնցուցի:

Վարդուհին թես առնելը պահանջ մը դար-
ձաւ:

—Բայց կը խնդրեմ, որ թես մտնէք. լսի թեէն
քաշելով:

—Աղջիկը կեցաւ, երես նայեցաւ վայրկեան մը
մութին մէջէն, թողուց որ իր փոքրիկ ձեռքը
թես անցնեմ ու հեգնական ծիծաղով մը աւելցուց.

— Քանի որ կը խնդրէք, չարժէր որ մերժեմ:
միայն կը զարմանամ մարդկացին սրտի փոփոխու-
թիւններուն վրայ:

Իրաւ էր: Դերերնիս բոլորովին փոխած էինք.
առաջ ինքը բռնի թևս կը մտնէր, հիմա ես բռնի
թևս կ'առնէի:

Բայց նոյն վայրկեանին այդ տեսակ բարակ
բաներու ականջ կախելու անկարող՝ բոլոր ուժովս
պինդ մը սեղմեցի բազկիս ու կրծքիս յանձնւած
այդ փափուկ, քնքուշ թաթիկը:

Վարդուհին սկսաւ խնդալ. ջղացին, անբնա-
կան խենթ խնդուք մը:

Ես աւելի սեղմեցի:

— Սակայն ինչո՞ւ կը խնդաք:

— Ա՛, տուն, տուն դառնանք. կմկմաց. այսօր
քիչ մը տկար եմ, ջիղերս գրգռւեցան:

Ու թել թեկս ազատեց:

Ես կը հասկանացի. նախորդ դէպքերը ինձի
փորձառու էին ըրեր. ալ դժւար ինքինքը կը զսպէր.
ու սանձւած զգացումներու յորդումէն վախնալով՝
խոյս տալ կ'ու զէր:

Միենոյն խաղն էր, որ կը կրկնէր. միայն գե-
րասաններն էին իրենց գերերը փոխանակեր:

Դռան առաջ նորէն թել բռնեցի:

— Ինձի հանգիստ ձգեցէք, ըսաւ լրջութեամբ.
բայց չկրցաւ իր լրջութիւնը պահել ու նորէն
խնդաց:

— Ինչո՞ւ բարկացած էք:

— Ո՞վ ըսաւ թէ բարկացած եմ. ամենեմն:

— Ինչո՞ւ կը խնդաք:

— Այնպէս. սակայն ձեզի ինչ:

— Իմանալ կ'ուղեմ:

— Բայց ձեզի չի վերաբերիր. ձգեցէք թևս:

— Չեմ թողնիր մինչև պատասխան չի տաք:

— Բոնութիւն:

— Ինչպէս կ'ուղէք՝ այնպէս հասկցէք:

— Ի՞նչ տարօրինակ տղայ էք:

Վայրկեան մը մտածեց ու յանկարծ աւելցուց
աւելի կակղած ձայնով.

— Լաւ, ձգեցէք թևս, վաղ առաւօտ եկէք ձե-
զի պատասխանեմ:

— Կը խոստանամք. չէ որ առաւօտները որսի
կելնէք. ըսի ես քմծիծաղ,

— Ո՛չ, ալ վերջացմա... պատասխանեց, երէկ
իրիկւան բառերս ինձի դարձնելով, ու ժպտեցաւ:

Չեռքը պինդ մը սեղմեցի ու բաժնւեցայ:

Սիրտս թեթեցած, հանդարած էր:

Արտասովոր փափուկ, անուշ հաճոյք մը կ'ըգ-
գայի կրծքիս տակ:

Յատկելու, երգելու բաղձանք մը կար մէջս:

Տունն մտնելուս պէս պառաւ աղախինը դի-
մացս ելաւ. խենթ փափագ մը ունեցայ. վրան
յարձակւեցայ խնդալով, ու գրկածիս պէս սկսայ
պոլկա մը եղանակել ու դառնալ: Խեղճը կը քաշ-

քըշւէր, կը հրէր, ազատւիլ կ'ուզէր, կը խբնէր. բոլոր տնեցիք շուրջս ժողովւած մարելու չափ կը խնդային:

—Երւանդ, խենթցար. կը կրկնէր տիկինը լիսպէք ծիծաղին մէջէն:

Մինչև խնդալէն, ցատկելէն, երգելէն ուժասպո՞ թողուցի դամս ու հեալով ինկայ դիւանին վրայ:

0գոստոս 13.

Դեռ սովորական ժամանակին բաւական կար. սակայն չկրցայ սպասել ու շտապեցի Վարդուհինց տունը:

Վարդուհին պատշգամը նստած թերթ մը կը թղթատէր:

Թափանցիկ, նուրբ, ճերմակ շրջազգեստ մըն էր հագած, որու մէջէն կ'երեւէր իր ամբողջ կլոր թեր ու կրծքին մէկ մասը:

Ժպտեցայ և բարեւեցի:

Զի պատասխանեց, միայն ոտքի ելաւ. ու միասին իջանք պարտէզը:

Երբ հովանոցը մտանք՝ մատովը իմ սովորական տեղս ցուցուց: Նստեցայ, ինքն ալ անմիջապէս իմ քովս:

Վայրկեան մը լուռ էինք. երկուքնուս սիրան ալ լեցուն էր. երկուքս ալ յուզւած. կուրծքներիս այնքան ատեն ճնշող զգացու մները պոռտկային պի-

տի. բաւական էր միայն սկիզբ մը. մենք այդ սկիզբը չէինք գտներ ու լուծ էինք:

Վերջապէս լսութիւնը խզեցի:

—Օրինրդ, խոստումնիդ:

—Ի՞նչ խոստում:

—Ինձի ըսէիք պիտի ձեր երէկւան բարկութեան ու խնդալու պատճառը:

—Այս. բայց ես հիմա ձեզի ուրիշ բան պիտի լուրի:

—Ի՞նչ:

—Պիտի ըսեմ, որ դուք չափազանց ամարդի, անհոգ, եսասէր ու անքաղաքավարի էք:

Այս այնչափ անակնկալ էր, որ ոտքի ելայ:

—Նստեցէք, ըսաւ ու թեկս քաշեց.

—Ի՞նչ կ'անւանէք դուք այն տղան, որ իր գաւազնի կոթովը կը խազայ, երբ քսաներորդ անգամ իր միակ դրացուհին քովէն կ'անցնի:

Ես երեսը նայեցայ. չափազանց հեռուէն էր ակսած:

—Ի՞նչ կ'անւանէք դուք այն տղան, որ շաբաթներով աղջկան մը հետ շարունակ կը պտըսի առանց անգամ մը թեր առաջարկելու:

—Օրինրդ, արդէն քաւեցի...

—Ի՞նչ կ'անւանէք դուք այն տղան, որ, աղջկան մը օդնել խոստանալով, օրերով կը ձգէ կ'երթայ առանց ոչինչ յայտնելու:

—Նելեցէք, խնդրեմ. ճշմարիտ...

— Ի՞նչ կանւանէք դուք այն տղան, որ յան-
կարծ օձէ խայթւածի պէս կը ձգէ ու դիւահարի
պէս կը փախչի, երբ անոր կուրծքը ծաղիկ մը խո-
թել կուզեն:

— Բայց, օրինրդ...

— Ի՞նչ կանւանէք դուք այն տղան, երբ իր
անշնորհքութիւնը իրեն հասկցնել կուզեն՝ քիթը-
բերանը թիզ մը կը կախէ ու զայրոյթի ձևեր
կառնէ: Հէ, լսէք, այդ տղան ի՞նչ կանւանէք դուք:

— Բայց միջոց չէք տար, որ պատասխանեմ:

— Ի՞նչ. դեռ պատասխանել կուզէք. կուզէք
ձեզի արդարացնէք. մի՛, մի՛, լսեցէք, բերաննիդ մի՛
բանաք. անպատճառ նոր անքաղաքավարութիւն մը
պիտի ընէք:

— Ներեցէք, օրինրդ. եթէ յանցանք մը ու-
նիմ՝ բնաւորութիւնս է:

— Բնաւորութիւն, սիրուն արդարացում:

— Ուրեմն չէք ներեր. ըսի ձեռքը սեղմելով ու
անուշ, քծնող նախւածք մը սպրդեցնելով աչքե-
րուն մէջ:

Յուզումէն կը դողար իր նուրբ հաղուստի օդէ
ծալքերուն մէջ:

Իր կողմէն ամենաթեթև թոյլասորութիւն մը—
և ես ալիքի մը պէս կուրծքին պիտի փաթթւէի.
ալիքի մը պէս, որ քորալէ ժայռին ճերմակ լան-
չին կը փարի. բայց չգիտեմ ի՞նչ զաղիչ, ի՞նչ պատ-
կառու բան մը կար իր այդ հապարտ դիրքին մէջ,

իր այդ չքօղարկած յուզման մէջ, որ ես, բացի հի-
ացումով ու յափշտակութեամբ դիտելէ, շարժում
մը ընելու չիյանդգնեցայ:

Աղջիկը կամաց ոտքի ելաւ ու վայրկեան մը
լուռ ինծի դիտեց. կարծես բան մը լսել կուզէր,
երբ նորէն շրթունքը սեղմեց ու քայլ մը հեռա-
ցաւ. դուրսը ոտքի ձան կար:

Հովանոց մտաւ սպասուհին:

— Ի՞նչ կուզես. հարցուց օրինրդը զայրացած.
քեզի չեմ լսած, որ մեր պարապմունքները չընդ-
հատես:

— Թող օրինրդը ներէ. դեղձան մազերով երի-
տասարդ մը եկեր պարոնը կը վնառէ. ըսաւ իսեղձ
աղջիկը ինծի ցոյց տալով:

— Ես վարանած Վարդուհիին նացեցայ:

— Գնացէք. լսաւ ուսւերէն. ձեր ու զածն ալ
այդ չէ, աւելցուց հայերէն:

— Սակայն, օրինրդ, անիրաւ էք, ըսի վշտա-
ցած:

— Գիտեմ, դիտեմ, շատ պարզ է. մինչև հիմա
որսի էիք, ասկէ վերջն ալ դեղձան մազերով երի-
տասարդներ պիտի բունեն մեր զբաղումները կըտ-
րելու համար:

— Ես իրեն մօտեցայ. բան մը լսել կուզէի,
երբ—

— Գացէք, գացէք. կրկնեց հրամայական շեշ-
տով մը. դէպի ինծի անքաղաքավարի լինիլը արդէն

ձեր սկզբունքն էք լնդունած, գոնէ գէպի ուրիշ ները զղուշ եղէք. դացէք:

Ես չգիտէի ինչ ընեմ. եթէ սպասուհին հոն չլինէր՝ անտարակոյս ծայրացեղ միջոցի մը կը գիտէի. բայց այդ աղջկան առջել գայ Յակղական տեսարանի մը տեղի չի տալու համար՝ ծեծւած ու պոչը կծկած շան պէս դուրս ելաց հովանոցէն՝ գայրոյթէս ինքզինքս ուտելով:

Անցայ արագ սրահէն. ելաց պատշգամ, խառնակ մտածումներուս մէջէն փնտուելով, թէ ով էր լինելու այդ գեղձան մագերով երիտասարդը:

Եւ ով էր. Միքէն...

Կատաղութիւնէս շրթունքս խածի:

—Ո՞ւր ես, եղբայր, ժամ մըն է քեզի կը փնտուեմ. ողուաց Միքէն սանտուղներու վարէն ինծի նշմարելուն պէս:

Կոպիո խօսք մը հազիւ ակռաներուս տակը սեղմել կարողացայ:

—Քալէ, քալէ. արդէն ուշ մնացինք. ողուաց թևէս քաշելով:

—Ո՞ւր, ինչ կայ. հարցուցի գժգոհ շեշտով մը:

—Քիթդ որո՞ւ է. այնքան տեղ ետեւէդ գալուս ու փնտուելուս համար շնորհակալ լինելուդ փոխարէնն է այս. վայ, աշխարհք, վայ:

Բայց նորէն թևս քաշեց:

—Բայց ուր, ինչ կայ. մէկ հասկնանք:

—Ի՞նչ պիտի լինի. մայրս այսօր պատւական

քիւֆտէ է եփեր. հայու փառաւոր քիւֆտէ, անշուշտ կարօտցած կը լինիս. եկաց քեզի տանիմ, որ միասին ուտենք. բայց եթէ կրնան՝ գոյիր. ձեր տունէն իջաց ձոր, ելաց անտառ. վերջապէս տիկինը ըսաւ, որ կարելի է ԶԵրուն ես. կուգամ կը հարցնեմ այդ սիրուն քածին. «Զիխուեմ, երթամ նայիմ» կըսէ: Խելքս չի հասնիր. դուն հոս գաղտուկ կը մտնիս, ինչ է, տղայ, ինչ յարդի տակէն ջուր ես, է:

—Յիմար-յիմար մի՛ խօսիր նորէն. չէ, քեզի ըսած եմ, որ երբեմն օրիորդի հետ միասին կը կարգանք:

—Բաներ մը ըսեր ես. կ'երևակայեմ՝ շատ ախորժելի բան պիտի լինի այդ: Իրաւ, կատակը մէկդի. այդ աղջիկը վրադ ինչ տպաւորութիւն կ'ընէ. սիրոդ բնաւ չի յուզւիր, երբ իր խոչոր կրակոտ աչքերը վրադ կը գամէ. արինդ չեռար, երբ միասին կարդալու կը նստիք. կուրծքդ չի սեղմւիր, երբ կամաց մը ձեռքդ կը սեղմէ բարեկ պատրւակով. շան աղջիկը երեւի քեզի ալ շատ կ'ընէ. անցած իրիկուն այնակէս ձեռքս սեղմեց, այնպէս երեսս կը նայէր, որ քիչ մնաց վիզը պիտի փաթթւէի:

Այս լեզուն վրաս ծանր կ'ազդէր:

—Ե՛, պատասխան չի տամա. բայց դուն անխելք ես. արդէն բոլոր խելացիները անխելք են. այնպէս չէ:

Ու սկսաւ քահ-քահ ինդալ:

— Բայց դուն մեր ես այս երկու օր է, յանհարծ իննդուքը ընդհատեց. անցած օր քիչ մը տկար եմ գրեր էի. կոկորդդ չնո փակաւ:

— Երկու երեք օր արևներուն տակ թափա. ոիլս կարծեմ զլխուս զարկաւ. վճռեցի այլ ես որսի չելնեմ:

— Անխելքութիւն, արել զարկեր է եղեր. ինձի ինչու չի զարներ:

— Դուն վարժւած ես:

— Դուն ալ կը վարժւիս. գիւղացու զաւակ չես. զլխուս արխտոքրատ է դարձեր. թէ անցեալ օր Սիւնեաց Սեպուհ ըսելուս իրաւ հաւատացիր:

Ե՛, քիչ մը, պատասխանեցի ես ակամայ խընդալով:

Տուն հասանք:

Մակը ինչ ընելը չգիտէր, ինձի հաճելի լինելու համար. կը մանէր, կ'ենէր, կը խօսէր, կը հրամցընէր:

Նստեցանք հացի. Միքէն շարունակ կը շաղակրատէր. երևակայելու է իմ դրութիւնս. կերանք այն «պատւական» քիւֆտէն, թէւ բնաւ ախորժակ չունէի. կերաց ու համն ալ գովեցի, թէւ բնաւ համ չառի:

Ո՞հ, սոսկալի օր մը անցուցի. յուղում, սրտի ծածկւած անհանդստութիւն, կեղծելու անհրաժեշտութիւն, ուրախ-անփոյթ երևնալու տանջանք...

Ուշ ատեն միայն օձիքս ազատեցի Միքէի ճան-

կերէն ու կասկած չի տալու համար անգամ մը տուն հանդիպելէս վերջը՝ բունեցի արքունի ճանապարհը:

Ամպոտ իրիկուն մըն էր. ամպոտ ու հովոտ. բոլոր ուժս հաւաքած կը վազէի հովին հակառակ. առաձգական, գրեթէ շոշափելի բան մը ինձի արդիլել կ'ուզէր. ես կը մաքառէի. կ'ուզէի պատռեմ, անցնիմ. հովը ես կը հրէր: Եւ այս պազքարը սըլտիս բաւականութիւն կուտար. միտքս ամբողջովին անձնատուր էր եղած մինչև իրիկուն այնպէս պինդպինդ ծածկել ջանացած զղացումիս. կուրծքս նեղ կու գար. և այդ եւումը իր ամանին մէջ անպարփակ՝ դուրս կը յորդէր:

Մթութիւնը աւելի կը հրահրէր մտածումներս, ու խօլ վազքս նոր ոգեսորութիւն մը կուտար. երեւակայութիւնս բռնկիլ սկսաւ:

Հովը առաջ արգելք մը կը թւէր ինձի. հիմա Վարդուհիիս առաձգական լանջն էր, որ թեւերուս մէջ շղթայելու կը վազէի. կը սարսուէին շրթունքներս համբոյրի մը ճիգերով. բայց այդ լանջը կը խուսափէր՝ հով մը միայն գրկիս ու շունչիս տակը թողնելով...

Օգոստոս 14.

Գինովի պէս դնացեր եմ:

Անբացատրելի աղմուկ մը ինձի քունէս ցասկել տւաւ: Կէս վախցած, կէս զարմացած սենեակի դուռը բացի, որ դուրսէն պինդ-պինդ կը զարնէի:

Պարոնը, պարոնը եկաւ:
Աչքերս շփեցի, յիշեցի, որ հօրեղբայրս դալու
էր. Աստւածածնի տօնին Սևան երթալ ուխտ էր
ըրած:

Թեթև մը հագնւելուս պէս դուրս վաղեցի:
Թիֆլիսէն եկած թարմ լուրերու ազդեցու-
թեան տակ երկու ժաման չափ անցած էր արդէն,
երբ յայտնեցին Զ.-երու գալուստը:

Անոնք ալ եկած էին բարի. եկաքի ու նոր
լուրերու:

Ճաշին վար զրինք:

Տիկինը կը համոզէր Զ.-երը, որ ուխտին մեզի
ընկերանան: Նախ քիչ մը չեմ. չում ըրին, բայց
վերջը սկսան թունալ: Տիկին նատալիա բարեպաշտ
էր, ուխտի երթալը մերժելու կը դժւարանար.
պ. Կարապետ Սևան լիճը տեսնել կուզէր, նկարչա-
կան տեսակէտէն. Վարդուհին, ըսելն ալ աւելորդ է,
խենթի պէս կը ցանկար, թէկ կը ծածկէր:

Այս բոլորէն դիւրին է եզրակացնել անոնց ցու-
ցուցած ընդդիմութեան տկարութիւնը. վերջապէս
զիջան ու մենեցան տուն անհրաժեշտ պատրաս-
տութիւնները տեսնելու համար. որոշեցաւ վաղը
կէսօրին ճանապարհ ելնել:

Վարդուհին լուրջ գէմք մը առած էր ու բո-
լոր ջանքերու հակառակ՝ հետո առանձին մնալէ
խուսափեց. քանի մը անդամ հետը խօսիլ փորձեցի՝
վոնտեց. մեկնելու առողջութեան մասին առաջարկ կը առաջա-
կառակ:

թով ետ քաշեց. միայն չիկրցաւ այն պզոիկ ժպիոլը
սանձել, որ թշերէն յանկարծ սահեցաւ՝ իր կամքին
հակառակ:

Ուրախութիւնս չափ չունի:

Մէջս ամեն բան իրար է խառնւած. կոտրելու-
մօտիկ աղեղի պէս լարուած զզացու մներս, Վարդու-
հիս պատկերն ու քմահաճոյքները, առաջիկայ ճամ-
բորդութիւննիս, լեռները, ծովը, Սևանի կապոյտ
երկինքը և միշտ Վարդուհին հետ գիշեր-ցերեկ:

Տունը կը պատրաստէին:

Ես ու զզեցայ դէպի Մէքայէլնոց. իրենց տան-
դուռը կեցած, կովուն գլուխը բոներ էր, մինչ քոյլը
կը կթէր:

Ելանք շրջելու. յայտնեցի ուխտագնացութիւն-
նիս. առաջարկեցի մեզի ընկերանայ, բայց վախնա-
լով, որ մի՛ գուցէ առաջարկս լնդունի. բարեբաղ-
դաբար մերժեց. Աստւածածինը մօրն ու քրոջը հետ-
ընել կուզէր: Այս մերժումը վրաս լաւ ազգեց.
երէկւան ինձի պատճառած տանջանքը կերպ մը քա-
ւած եղաւ. ներեցի սրտիս խորէն. զեռ տեսակ մը
զիզջ ալ զզացի. ևս մոքէս հայնոցէր էի այդ տղան,
որուն բոլոր մեզքը ինձի սիրելը, պարզ լինելն ու
մօրը եփած քիւֆտէն ինձի ալ կերցնելու փափազն
էր եղած:

Ուշ առեն իրարմէ բաժնւեցանք. զւարճու-
թիւն մաղթեց ինձի. ևս ալ իրեն:

Օդոստոս 17.

Կարաթ օրը կէսօրին քիչ մը վերջն էր, որ կառքերը շարժւեցան: Կառք մը մերոնք, կառք մը Վարդուհինք. Ես ալ ձիուս վրայ, որ ամբողջ գիւղի մէջէն Միքէի եղբօր փորձառութիւնն էր ընտրած:

Խեղճ ձին ի՞նչ կը քաշէր ձեռքէս. մէկ առաջ կը վաղէի, մէկ ետ, կը դառնայի կառքերուն շուրջը. թիթեռնիկի մը պէս, որ ճրագին շուրջը կը թռվռայ:

Մէջէմց կը խօսակցէի պ. Կարապետի հետ անիւներու աղմուկի մէջէն հազիւ ձայնս լսելի անելով:

Վարդուհին լուռ էր ու ծանր. իր լուրջ դերը կը խաղար: Ձիուս վրայէն երբ աչքերս վրան կը յառէի՝ հեռուն դիտելու ձևեր կ'առնէր զայրացկոս, թէե շատ աղէկ դիտէի, որ անդին դառնալուս պէս հայեացքը վրաս էր:

Ես այդ կ'ըզգայի ու ջիղերուս բոլոր ճարպի-կութիւնը հանդէս էի դրած. առանձին յոխորտան-քով մը սանձը կը քաշէի. և ձին կարծես միտքս կը հասկանար. ան ալ խրոխտ ու սիրուն ձևեր կ'ըստանար, գլուխը սիգաբար կը բարձրացնէր, բաշը կը թռթւէր ու կը խրխնջար: Ես ու ձիս աղուր անբողջութիւն մը կը կազմէինք. այն աստիճան, որ պարոն Կարապետը յափշտակած խոստացաւ ինձի այդ դիրքով նկարէ. լայնեզր յարդէ դլիսարկը դըլ-խուս. նեղ, ճերմակ տաբաղով. քրէմ շապիկ մը վարդիապ կարմիր փողպատով. մէջքս գօտի և ու-

ալնդանութ ատրճանակիս տուփը. ծունկերուս ձգած էի ամառւան պալտոս, որ վայր ընկնելու աստիճան ծունկերէս սահած էր, բայց ես դիտմամբ չէի ժող-ւեր:

Կատակներով, աչքի խուսափումներով ու հան-գիսպումներով, շուրջերնիս դիտելով՝ անցել էր հինգ վեց ժամ, երբ լեռնազաշտակին մէջ ոլոր մըն ալ ընելով՝ ծովու երկնագեղ հայելին բացւեցաւ առաջիս:

Հանեցի ատրճանակս ու երեք հարւած տւի. ամենքը կառքերէն գլուխնին երկնցուցին: Տիկին-ները ջերմեռանդութեամբ խաչ կը հանէին. ճիշդ մեր դէմն էր Սևանի կղզին, որի սրածայր գագա-թին բազմած էր մատուռի սրածայր գմբէթը, որու վրայ խաչն էր:

Քիչ մը վերջը ճանապարհը այլես ծովու ափովն էր. միայն հետզնետէ կը բարձրանար դէպի լեռան լանջէ:

Ամենքս ալ ծովը կը դիտէինք ու չէինք կշտա-նար: Ես քանի մը հեղ անցած էի այս տեղերէն, բայց այս անգամ առանձին հրապոյր մը ունէր կարծես. կարծես դէմքիս կը ժպտէր. ևս ալ քանի մը անգամ ծովու երեսին ժպտեցայ:

Յանկարծ պարոն Կարապետը հակառակ իր ձի նստելու դէմ ունեցած գաղափարներուն, կամ աւելի ճիշտ, երկիւղներուն, փափադ յայտնեց քանի մը վայրկեան ձիս նստելու. կառքէն յոզնած էր:

Ես սիրով համաձայնեցայ. մանաւանդ աւելի

սիրով, քանի որ կառքին մէջ իր տեղն էի բունելու քրոջը դիմաց:

Կառքը կեցաւ. ձիուս վրայ տեղաւորեցի վախոս նկարիչս ու ցատկեցի կառքը:

Վարդուհին ամփոփեցաւ, ըստ կարելոյն ինծի լայն տեղ տալու համար. արտաքուստ յարգանք, ներքուստ պատիժ:

Իրիկան զովութիւնը սկսած էր. մենք լեռան ստերի մէջ էինք: Տիկինը հաստ կրկնոցին մէջ փաթթւած կը մրափէր կառքի ցնցման տակ, և քանի աչքը բանար՝ տղան կ'ըզգուշացնէր, ձին քշելէ: Ապասուհին լճով զբաղւած էր՝ կատեան գրկած: Վարդուհին խոշոր շալի մը ծալքերուն մէջ թաղւած՝ երբեմն նիրհել կը կեղծէր, երբեմն հեռուն կը գիտէր միշտ իմ հայեացքէս խուսափել ջանալով: Բայց անկարելի էր. քանի մը անգամ նայւածքնիս իրարու զարկին և ամեն անգամ աւելի թուլացած էր կեղծելու կարողութիւնը. վերջին անգամ հաճոցքի ժամկանը չկրցաւ ծածկեր, պահ մը շրթունքները սեղմած անթարթ աչքերուս նայեցաւ ու արագ շարժումով մը դէմքը շալին մէջ թաղեց:

Ես սպասուհիի գրկէն կատեան առի ու սկսայ անկուշտ համբուրել:

Կառքի ցնցումը ինծի նստարանէն վայր կը սահեցնէր. ես ինքզինքս չիբոնեցի. քիչ մը վերջը մեր ծունկերը իրարու յարեցան. Վարդուհին ալ սահած էր: Ծունկերս զողացին ու կատեան պինդ

մը գրկիս մէջ սեղմեցի, որ երկու թաթիկներով վիզս փաթթւեր էր:

Վարդուհին իր դէմքը բոլորովին ծածկած էր շալի ու լայն գլխարկի եզերքին տակ. միայն իր կուրծքը կը տեսնէի, որ անհանդարտ շնչառութենէն կ'ուռէր ու կը ցածնար սեղմած կորսէին մէջէն:

Կառքի կանդ առնելը ազւոր երազէ մը արթընալը եղաւ ինձի համար:

Եկանք ծովու ափը՝ կղզիին ամենէն մօտիկ կէտը: Հոն հանդիպեցանք ստւար խումբ մը գիւղացիներու, որոնք մեզի պէս ուխտի էին եկած իրենց ունիմչունիմով:

Փանի մը հրացան պարպեցին. ես ալ նորէն ատրճանակիս ձայնը հանեցի, նաւակ ստանալու համար: Պահ մը վերջը կղզիի ծովափի ծառերուն տակէն երեք նաւակ բացւեցան դէպի մեզի:

Երկուքի մէջ լեցւեցան մեր գիւղացի ուխտակիցները, երբորդին մէջն ալ մենք տեղաւորեցանք: Ես նաւակի ծայրը մնացի կամքիս հակառակ:

Նաւակիները ափէն հեռանալուն պէս զուռնաշիները սկան իրենց արևելեան եղանակները: Պառաւները երկիւղածութեամբ պղնձէ թասով լճի ջուրը կը խմէին. երիտասարդուհիները իրենց երփներանգ հագուստներու մէջէն, ուր աիրող գոյնը կարմիրն էր, իրենց երկար ու սե հիւսքերուն տակ գրաւիչ՝ մեզի կը դիտէին. մանաւանդ «քաղքցի»

աղջիկը, որ անոնց աչքին անշուշտ նախանձելի էակ մը կը թւէր իր բարակ բայց վարդագոյն շրջառ զգեստին մէջէն, իր նեղ կորսէէն դուրս ցայտած կրծքով, իր կարճ մազերուն խոպոպներովը, որոնք ծաղկեպատ գլխարկին տակէն առատութեամբ ուսերուն վրայ կը ծփային. ձեռքը բոնած սիրունց նկարէն հովահարը, որով աչքերը արեի վերջին ճառագայթներէն կը պաշտպանէր, գեղջկուհիներու հիացումը կ'ամբողջացնէր:

Զուռնայի սուր ձայնը քանի կ'երթար կը սաստկանար. երիտասարդ ու չափահաս միաբերան կը խօսէին, կը խնդային, կը խմէին: Մերոնք լուռ էին և կը դիտէին քաղքցու հպարտութեամբ:

Ես ալ կը դիտէի այդ խումբը ու կը յիշէի անցեալը. կը յիշէի մեր ուխտագնացութիւնները Ավթամար: Հոգեկան ուրախ տրամադրութիւնս, որ արդէն սկսեր էր թուլնալ՝ նախ թեթև մտահոգութեան և վերջապէս տարտամ՝ թախիծի մը տեղի տւաւ:

Չէ, սրտիս համար միշտ քաղցր պիտի մնան այդ խարխուլ նաւակները, այդ ալիքներու ծփծըլք, այդ թմբուկի պինդ զարկերը, այդ կանացի խայտաբղէտ նահապետական արդուզարդը, այդ առողջ, արեաս առնական դէմքերը, այդ համեստ դիմագծերը, այդ հասո ու բամբ ձայնները, որ աշխատաւորի գոհ կուրծքէն կը վիժեն. ա, այդ բոլորը որքան ծանօթ է ինձի:

Երբ կղզի հասանք, մեզի գիմաւորեցին ու վանքի ամենէն շնորհքով սենեակը առաջնորդեցին. պատւաւոր հիւրերէն էինք:

Թէև մթնելու վրայ էր արդէն, բայց հօրեղբօրս առաջարկով բոլորս ալ անգամ մը մտանք տաձար սրբութիւնները համբուրելու:

Փոքր, մութ եկեղեցի մը. բազմաթիւ մանր մոմերու լոյսերը և խլրազ բազմութիւնը, որ երկիւղած կ'աղօթէր, վրաս ազդեցին. երկիւղած յուղումով խաւն անուշ պատկառանք մը զգացի:

Տիկինները մոմերնին վառեցին, աղօթեցին, լային և երբ ամեն բան վերջացաւ՝ դուրս ելանք:

Ընթրիքը կարճ տեսեց. ամէնքն ալ յոգնած էին. ծածկոցներու մէջ կերպ մը փաթթւեցան ու պառկեցան, առատուն կանուխ պիտի ելնէին ժամերգութեան ներկայ լինելու: Խակ ես քնանալ կրնացի: Ութը տարւան անցեալը կենդանացեր էր աչքերուս դէմ: Ելայ զուրս ու նստեցայ սենեակի սեմին. ձեռքերս երեսիս, արմուկներս ծունկերուս՝ սկսայ մտածել ու դիտել:

Սենեակներուն առջեր, հրապարակին մէջտեղը, ծառերուն տակ՝ ամեն կողմ խմբւած էին դիւղացինները. անդուլ աղմուկ մը շուրջս, ուրախ ժիսր մը. հնա պղուիկներուն խմլուքը, գետնի մէջ փորած օձախներու վրայ փայտէ շամփուրներով գարձող խորովածին հոսը, մատաղներու պատրաստութիւնը, վանքի պաշտօնեաններուն իրարանցումը. անդին տղոց

աշխոյժ պարը զուռնացի եղանակներուն տակ. հնի աղջիկներու ազատախօս անուշ երգերը, ուր առիթէն օգտւելով կը թափեն իրենց սրտի ամիսներով ծածկած յուղումները, կը կանչեն քեարը, կը գովին. հնի ամեն աղջիկ սուր ու համարձակ ձայնով ու սրտին խորհն կ'երդէ իր իղձը, և, ով դիտէ, մօտը կեցած երխասարդներէն որուն հողին կը խռովէ. ու կարիճը ալ չի կրնար դիմանար, ընկերներուն հետ կը միանաց աղջկանց շրջանին. շրջանը կը մեծանաց. երգերը կը շեշտաւորւին, սրտերը կ'ալեկոծւին. մանչ ու աղջիկ փոխիփոխ կ'երգեն տուն-տուն բացարձակ իրարու հետ սիրաբանելով. ու պարը կը դառնաց ու կը դառնաց խենթ մտածման մը նման, որ ուղեղէդ դուրս չելներ:

Բայց, Աստած իմ, այս բոլորովին նոյն պատկերն է, որ ասկէ տարիներ առաջ տեսած եմ ես իմ ծննդավայրս՝ հայրենիքիս մէկ ուրիշ անկիւնը: Նատ մը մոռցւած ու սուրբ բաներ միտքս կուգան. յուղում իր դագաթնակէտին կը հասնի. զգացումներս կը բարդւին. ու, այլ ևս ինքզինքս զսպելու անկարող, մութի մէջ առանց ոչոքէ քաշւելու՝ անձնատուր եղաց ինձի ճնշող թափիծին ու արցունքներս պկան հոսել այտերէս վար. անուշ...

Բայց սխալած էի. տեսնող աչք մը կար. ուսիս թեթև զարկ մը զգացի յանկարծ. ու ամբողջ մարմնէս սարսուռ անցաւ:

—Ինչու այդպէս տխուր նստեր էք. լսեցի

Վարդուհիի կարեկից ձայնը: Թէև չէք արժեր, բայց ինչ և է. ելէք միասին պառյա մը ընենք:

Ես ինքզինքս մոռցած անոր նայեցայ. լուսնի աղոտ լոյսին տակ արցունքս տեսաւ:

—Կուլմք. բացականչեց յանկարծ, մոռցաւ իր դերը, նսաւեցաւ ինձի կից, երկու ձեռքով բռնեց թեւս ու սկսաւ բոլոր ուժովը սեղմել:

Այդ քաղցր շեշտը, այդ համակրանքի շարժումը գրգուած ջիղերս բոլորովին թուլցուց. ձեռքերովս դէմքս ծածկեցի ու սկսաց հեծկլուալ:

—Բայց ինչ ունիք, ինչ կայ. կը կրկնէր աղջիկը յուգւած, ինձի սեղմելով ու ձեռքերս երեսէս հեռացնել ջանալով:

Ես յանկարծ ինքզինքս ժողովեցի, կամքի բուռն ուժով մը լացս կարեցի, ցատկեցի ոտքի ու Վարդուհին թեւս առնելով՝ ըսի.

—Ոչինչ, ոչինչ, ջիղերու զրգուում. հիմա կ'անցնի. եկէք պլատինք:

Կլոր պարի ամենն տաք ատենն էր. պարի գլուխը անցել էր հուժիու երիտասարդ մը բայց, թաւ կրծքով, որ ձեռքի խոշոր կարմիր թաշկինակը շարժելով՝ կ'երգէր առւն մը, որ անմիջապէս բոլոր շղթան կը կրկնէր գիւղական յատակ ու ազգու շեշտերով:

Մենք անցանք անոնց քովէն ու դիմեցինք ծովուն ափը:

—Ինչու կուլայիք. հարցուց աղջիկը յուգւած,

երբ քիչ մը առանձին ֆնացինք։ Յորէկը ընդհակառակը անչափ ուրախ էիք։

—Վայ, օրիորդ, այդ ուրկէ գիտէք. լսի ես ծիծաղելով. այսօր մինչև անդամ երեսս չէք նայած։

Բռնւած էր. աչքերուս մէջը նայեցաւ՝ ժըպտեցաւ։

—Լաւ, հաշտուինք. լսաւ ձեռքս սեղմելով։

—Ա՛, որչափ բարի էք. լսի ես զգացւած ու վայրկեան մը մոտածկոտ կանգ առի։

—Բայց ինչու կուլայի՞ք. պէտք է ըսէք. թէ չէ չեմ հաշտ իր. աւելցուց աղջիկը չարաճընի շեշտով մը։

—Օրինրդ, ես ալ ձեզի պէս ունիմ մազը, քոյրեր, եղբայր, ընկերներ, որոնց հետ բոլոր մանկութիւնս անցուցեր եմ. ունիմ հայրենի տնակ մը, քաղաք մը, ծովակ մը. սրտիս անչափ մօտիկ ձորակներ և վայրեր, որոնք երկար, երկար տարիներ չեմ տեսած. և հիմա այս ծովը, այս ծովափը, այս ուխտը կամաց կամաց մոքիս մէջ բիւրաւոր թմրած ցիշատակներ արթնցուցին. հասկցաք պատճառը, գո՞հ էք։

Կուրծքս լեցւած էր. պէտք ունի սիրտս պարպելու. և առանց պատասխանի սպասելու՝ շարունակեցի։

—Է՛, քանի տարի է այս. ով գիտէ որքան մեծցած են հիմա քոյրերս. ամեն մէկը ձեզի պէս հասուն ու սիրուն աղջիկ մը։

Բերնէս փախած համեմատութիւնէս ձայնս դողաց. պահ մը լոեցի, ու իսկոյն շարունակեցի։

—Այս պարողները կը տեսնէք. ահա այդ շըրջանին մէջ ես ալ եղած եմ երբեմն. և գուցէ այս գիշեր նոյն այդ շղթացին մէջ կը դառնան քոյրերս ու իմիններս. և այդ երգերն ու սատումը, որ գուցէ ձեր ճաշակին ծիծաղելի կուդայ, իմ սրտիս ամենէն զգայուն թելերուն կը զարնէ։ Զեր եւրոպական երաժշտութիւնը, ձեր արևմտեան օպերաներն ու երգերը գեղեցիկ են, սքանչելի, արւեստի կատարելագործում, համակ ներդաշնակութիւն. աղեկ. բայց և այնպէս կան վայրկեաններ, որ այդ բոլորին հետ չեմ փոխանակեր գիւղական պարզուկ սիրերգի գեղգեղ մը, որ ամբողջ սիրտս տակնուվրայ կ'ընէ ու երևակայութիւնս թափ կուտայ։ Այդ այն ժողովրդի սրտին ձայնն է, որու վաւակն եմ ես. այդ իմ սրտիս ձայնն է։

Շունչ առի. աղջիկը լարւած ականջ կը դնէր։

—Բայց, է, անխելք բաներ կ'ըսեմ. այս գիշեր շատ տարօրինակ եմ, չը, օրինրդ. մի՛ խնդաք վրաս։

—Ես ձեր վրայ ինդամ. այն ալ այս վայրկեանիս. երբէք. ձեզի պիտի խոստովանիմ. դուք ինծի համար, այն, տարօրինակ էակ մըն էք. ո՞չ միայն այս գիշեր, այլ միշտ. ձեր զգացումներն ալ, ձեր դատողութիւնն ալ, ձեր գաղափարներն ալ, ձեր վարմունքն ալ, ձեր... բարեկամութիւնն ալ, վերջապէս ձեր ամբողջ հոգին ուրիշ գոյն մը ունի,

ուրիշ երանդ մը, որ իմ սովորական տեսածներէս շատ ու շատ... ինչպէս ըսեմ... տարբե՞ր է, ազնիւ է, բարձր է: Այնպէս որ տեսակ մը նախանձ կ'ըզդամ դէպի ձեզի:

— Այս, նախանձեցէք, նախանձեցէք. բայցական-չեցի ես ու բարձրաձայն սկսայ ինդալ՝ այս գովեստի տարափէն կերպ մը ազատւելու համար, որ ինձի սասաթիկ կը ճնշէր:

Պահ մը լսեցինք:

Եւ պահ մը գիւղական երգերուն ու երաժշտութեան մէջէն կարող եղանք ծովուն անդորր շըւշըւոյն ու ոսքերնուս տակի խիճերուն խշուռաքը լսելու:

Ուստի խոշոր մահիկը ծառերու ոստերու մէջէն լոյսի ցանց մը կը նետէր դէպի ծովեղը: Եւ մենք այդ ցանցի մէջ կաշկանդւած կը քալէինք, լուս թեթևի, իրարու սեղմած: Մեր մէջէն կեղծ ու բունազբօսիկ յարաբերութեան վերջին մնացորդները կը ցնդէին:

Իմ սրաագին յուզում, աղջկան անկեղծ խոստովանութիւնը վերջին հարւածն էր տւած մեր բոլոր ծեքծեքումներուն. անցեալի ու ներկայի այդ քնքուշ խառնուրդը խեղդած էր իր մէջը մեր պըզտիկ քէները:

Երկուքս ալ այդ կ'ըզգայինք ու ալ ուժգին իրարու կը սեղմէէինք:

Ուշ էր: Կամաց-կամաց դէպի խցիկնիս ուղղւե-

ցանք. ակամայ թեւերնիս բաժնեցինք ու աղջիկը ներս մտաւ:

— Ո՞ւր ես. լսեցաւ ներսէն մօրը կէս քուն, կէս արթուն ձայնը:

— Եայլըն կը դիտէի, եղաւ պատասխանը: Իսկ ես գեռ երկար կը պտտէի գուրաը միայնակ: Բոլոր ուխտաւորները երգէն ու ցատկելէն յոդած՝ իրենց խաիրներու վրայ խմբովին փուեր՝ պառկեր էին ամենատարօրինակ շարքերով, ամենախառնակ կոյտերով: Հօն ու հօն կը լսէր երգի մը մնացորդը, խօսակցութեան մը քայլքայումը, կամ զինով մը պոռոտախօսութիւնները:

0դը ծանր էր ու անշարժ:

Ես ալ մտայ սենեակ. լուռ էր. աչքս բնականաբար Վարդուհինց կողմը նետեցի. կէս-բացւած լամպի աղօտ լոյսի մէջէն նշմարեցի Վարդուհին, որ խոշոր շալին ծալքերուն մէջ փաթթւած կը քնանար. մազերը խառնակ եկեր դէմքին էին ինկեր. ձախ ձեռքը մինչև արմուկը բաց՝ գլխուն վրայ էր նետեր:

Ես ալ նետեցայ անկիւն մը՝ մերիներուն մօտ՝ աչքերս այդ մերկ դաստակին գամած: Զդիտեմ յունաց զիցաբանութեան ինչ գրքի մէջ զիցուհիի մը պատկերն եմ տեսած. պառկած ճիշդ այդ գիրքով, ճիշդ նոյն կերպով խառնակ մազերը ճակախն թափւած, ճիշդ նոյն մերկ թեւը գլխուն վրայ և երեւակայութեանս մէջ, ուր կէս բացւած լապտերի

աղօտ լոլսը մեծ դեր կը խաղար, այդ երկու պատ-
կերները սկսան իրարու ձուլւիլ, հիանալի գեղար-
ւեստական ամբողջութիւն մը առաջացնելով. միայն
հետզհետէ սկսաւ մոքիս մէջ ամեն բան աղօտանալ
ու խառնակւիլ...

Եւ երբ աչքս բացի այնքան լոյս էր, որ աչ-
քերս շլացան ու դոցելու սովորեցայ:

Առաւօտեան պայծառ լոյսը ինծի հաճոյք
կ'առթէր. առաջին մասձումն արմուկը եղաւ. Վար-
դուհին հոն չէր. սենեակի մէջ ոչ ոք չիկար. սեմին
վրայ պարոն Կարապետը նստեր իր ծոցատերին
մէջ բան մը կը դրէր, թէ կը նկարէր:

Ըշոյժ շարժումով վեր ցատկեցի ու նստեցայ.
և նոր նկատեցի, որ վրաս ծածկեր էին. և որքան
եղաւ հաճոյքս, երբ Վարդուհիի կրկնոցը ճանչցայ:
Դեռ ինքս ինծի հաշիւ չխտած, թէ այդ կրկնոցը
ինչպէս էր վրաս նետած, Վարդուհին ցատկելով
ներս մտաւ սենեակ:

— Ախ, արթնցեր էք, պարոն ծոյլ. ըստաւ շի-
տակ ինծի գալով. մենք ճիշդ ժամ մըն է ելեր ենք.
տեսայ, որ հոս բաց պառկեր էք, կրկնոցս վրանիդ
նետեցի. ուհ, ինչ անզգուշ էիք. վերջացուց ձեռքի
թաշկինակը դէմքիս զարնելով:

Անուշ հոտ մը դէմքս պարուրեց:

Ես ուրախութենէս զինալցած ոտքի ցատկեցի:

Մինչև ճաշ ինչպէս անցաւ չդիտեմ. շարունակ
կը խօսէինք ու կը կատակէինք. իմ արտասովոր ան-

փոյթ զւարթ օրերէս մէկն էր. ճիշդ գիշերւան հա-
կառակը: Զէի կրնար նստիր. անդադար կը շարժւէի,
կարծես մէջս բան մը կ'եռար:

Նոյնն էր Վարդուհին:

Իրարու շուրջ կը դառնայինք:

Ճաշէն անմիջապէս վերջը երեքով Վարդուհին,
եղբայրը և ես՝ ելանք կղզին շրջելու, թէւ տաք
արել վրանիս իր բոցերը կը թափէր: Բարձրացանք
գագաթը, ուր բաւական բազմութիւն կար. իջանք
լեռան հարաւային եղերը, որ բոլորովին ամացի է,
կը մտնէինք ժայռերու խոռոչները, կը մագլցէինք
քարափներէն վեր և դարերէ ի վեր միայն սրբա-
կրօն մենակեացի մը աղօթքին մրմունջները պահող
ճգնարանները պահ մը կը թնդացին Վարդուհիի
գւարթ ու կայտառ ծիծաղէն:

Վարդուհին ամբողջ շարժում ու նազանք էր
դարձած. գրաւիչ, կրակոս բան մը:

Մեր փոխագարձ յուղումը մեզի աւելի կը յափ-
րեցնէր. և անձնատուր մեզի վարող հոսանքին
տղայ էինք գարձած. անդադար իրարու կը զարնը-
ւէինք՝ կը սեղմէինք՝ գետնէն բան մը վերցնելու,
ժայռէն անցնելուն օգնելու, իրարու թէւ մոնելու
պատրւակներուն տակ:

Եղբայրը մեզի արգելք չէր. իր նկարներովն
էր զբաղւած. հասած տեղէն ուրախնկարներ կը
հանէր:

Պարոն Կարապետը ժայռի մը տակ նստած կը

գծէր։ Ես ու Վարդուհին ծովի ափէն կը քալէինք։ Հասանք տեղ մը, ուր լերկ ժայռը եկեր ու մինչեւ ջուրը հասած էր. բայց քայլ մը միայն անդին նորէն հարթ ծովափին էր. ես առաջարկեցի վերէն պտոյտ մը ընել. ազջիկը կ'ուզէր շխտակ շարունակել. անմիջապէս քանի մը քար դտայ, լեցուցի ժայռի վերջացած տեղը ջրի մէջ. ես այդ քարերու վրայէն միւս կողմը անցայ, որ աղջկան օդնեմ. գաւազանտեի անոր, որուն յենած ցատկեց քարերուն վրայ. բայց երբ քարէն ասդին նետիլ կ'ուզէր, ոտքը սահեցաւ. ես առաջ ծոեցայ, որ բոնեմ. ու շխտոկ գիրկո ինկաւ. ես բոլոր ուժովս կրծքիս սեղմեցի։ Վարդուհին ինքզինքը ազատեց, մատը վրաս թափ տւաւ չարաճնի ժպիտով մը ու ժայռն ի վեր վաղեց. վերի կողմէն դարձանք եղբօրը քով՝ երկուքս ալ յուզումէն դողալով։

Այդ յուզումը, որ ամեն վայրկեան կ'աճէր ու իր սանձը փրցընիլ կը սպառնար՝ մեզի խեղտէր սկիտի. մենք սոսկալի ուժով իրարու կը ձգտէինք. կարծես ելեքտրական երկու մարտկոցներ, որոնք փոխադարձաբար իրար ելեքտրականութիւնը կը բազմապատկեն ու ալ աւել իրարու կը ձգտին. չնչին, ամենաթեթև մերձեցում մը, և այդ երկու ուժերը իրարու պիտի ձուլին կուրացուցիչ կայծի մը զիգագին մէջ. առիթ մը միայն...

Սրեւ արդէն մայր խոնարհւելու վրայ էր, որ մենք նորէն բարձրացանք լեռան գագաթը։ Գա-

գաթը այլ ևս մարդ չէր մնացեր. խարխուլ մատուռը պարապ էր. ամենքը իրենց գիշերւան քէֆի պատրաստութեամբ էին զբաղւած վարը։

— Բայց այս ինչ սիրուն է. բացականչեց պարն Կարապետը՝ արեմական կողմը լեռան գագաթներու խումբ մը ցուցնելով, որ ամպի պսակի մը տակ և ծովուն ջրին մէջ անդրադարձած աննման պատկեր մը կը կազմէր։

— Վայրկեան մը սպասեցէք. քանի մը բան ունիմ նշանակելու. ըստ ու նստեցաւ գետին։

— Մենք ալ եկէք մատուռ մը երթանք, ըստ Վարդուհին. առտուն շատ բազմութիւն կար, շնորհքով չտեսայ։

Օրիորդի հետ շատ էի առանձին մնացեր, բայց այս անդամ երբ եղբօրմէն բաժնւելով կիսաստուեր մատուռին մէջ ինձի ու Վարդուհին մենակ զգացի՝ մարմնէս սարսուռ մը անցաւ ու սիրտս ուժգին սեղմեցաւ։

Ճերմակ լաթի մը վրայ փառօտ խաչ մը կար սեղանին տեղը. քովն ալ պղըտկած աւետարան մը։

Անգամ մը չորս զին նայեցանք ու բան մը ըրած լինելու համար սկսանք պատերու վրայի մատիտի արձանագրութիւնները կարդալ։

Վայրկեան մը վերջը պատահմամբ հայեացքս դուռնէն դուրս ինկաւ. Աստւած իմ, ինչ տեսարան։

Արեւ զիմացի Գեղարքունեաց լեռներու երկու սուր գագաթներուն մէջ մայր կը մանէր. խոշոր,

ամեհի ոսկի մը կարծես, որ բնութիւնը ծանր-
ծանը ու դժւարաւ կը մղէր իր գանձանակը Բայց
ոսկին անյացտացած է արդէն ու արեան կարմիր մը
կ'ողողէ երկնակամարի այդ հատւածը. բամբակ ամ-
պերու փեռեկտումներ այդ արեան մէջ թաթիւրւած
կը ծանրանան, կ'իջնեն ու կը գոյեն գանձանակին
անցքը, ուրկէ վայրկեան մը առաջ ներս էր սահեր
արել: Իսկ երկնքի այդ արիւնոտ կէտէն անդին՝ որ-
քան հեռու այնքան մութթանձր կապարագոյն
կամար մը, որ իր գորշութեամբ բոլոր հայեացքդ
կարմին կենդրոնացնել կուտայ: Եւ այդ կարմիրը
կը ցոլայ ծովուն վրայ՝ մութկապտորակ ջրին վրայ
կարմիրի հեղեղ մը հոսեցնելով: Ծովու ու երկնքի
այդ կարմիրը կ'արտացոլէ կղղին ժայռերուն վրայ,
գագաթին վրայ, մատունին վրայ, մեր վրայ...

—Ասուած իմ, այս ի՞նչ է. բացականչեց իր
կողմէն Վարդուհին այս տեսարանին առջև շլացած:

Ես իրեն նայեցայ. այդ մոգական լոյսով ողո-
զուն՝ Վարդուհին երեսիս կը ժպտէր:

—Բայց հիանալի է այս. կը կնեց բոցոտ հա-
յեացքով մը աչքերուս մէջ նայելով:

—Այս. միայն դուք աւելի հիանալի էք, ըսի
ես յուզումէս զողացող, կամաց ձայնով մը:

—Վերջապէս. բացականչեց աչքերը աչքերէս
չի զատելով. իրաւ այդ աստիճանի հիանալի եմ.
հարցուց պէտելով ժպտերես, յուզւած ու ողիչ:

—Ա՛հ, այս վերջալուսէն ալ, այս ծովէն ալ,

այս արկւնոտ երկնքէն ալ. այս բոլորէն ալ շատ ու
շատ աւելի:

—Զարմանք. հասկա այդ ի՞նչպէս է, որ մինչեւ
հիմա ինձի ոչինչ չէիք ըսած. ես ձեզի կը ճանչ-
նամ. դուք կեղծել, ծածկել չգիտեք:

Վարդուհին ինձի կը նայէր օձի թովիչ ակ-
նարկովը, որ որսը իրեն կը ձգէ:

Ես յանկարծ խլեցի ձեռքը ու կ'ուզէի շըր-
թունքներուս տանիմ. բայց ուժով մը ձեռքս սեղ-
մեց ու չի թողուց:

—Զեղի բան կը հարցնեմ:

—Ի՞նչ. ըսի ես ոչինչ չի հասկնալով:

—Ինչու մինչեւ հիմա ոչինչ չէիք ըսեր:

—Ախ, չգիտեմ:

—Չգիտեք:

—Վարդուհի, ա, սոսկալի ես. այս աստիճան
հպարտ:

—Հպարտ, հպարտ. հապա դմւն... փոքրիկ
վայրենիս. կը հծծէր ակռաներուն մէջէն, երկու
ձեռքովը ձեռքերս սեղմած ու գլուխը քիչ մը ետ
նետած:

Ամուր յնցում մը անցաւ մարմնէս. սիրտս կար-
ծես ալինթարթ մը զարնելիք զադրեցաւ. ուժգին
շարժումով մը ձեռքերս ազատեցի ու իր կրծքին
գալարեցայ:

Նախ դիմագրելու պէս բան մը ըրտաւ. եաքը
կամաց մը կրթնեցաւ մատուսի դրան, ու իր թե-

ւերուն բոլոր տռաձգականութեամբ դէմքս իր այտին վրայ սեղմեց:

Ալ միայն զվայրենիս բառը կը չիշեմ, որ կը կրկնէր մեր կիզանուտ, տենչոտ համբոյրներուն մէջէն:

...Երբ պարոն Կարապետը եկաւ, մենք լուռ ու երազուն նստած էինք իրարու քով մատուռին մօտիկ քարի մը վրայ: Վարդուհին քիչ մը գոյնը նետեր էր ու կիսաբաց շրթունքներուն մէջէն ծանր ու անկանոն կը շնչէր: Իմ գլուխս հրդեհ կար. ճակտիս բաժին ինկած համբոյրները կարծես ուղեղս էին թափանցեր:

Թեթև կէս-մութ մը կը տիրէր արդէն, երբ մենք ետ ճանապարհ ինկանք. Վարդուհին թէւէս կախուեցաւ: Պարոն Կարապետը կարծեմ իր հանած ուրւանկարներուն վրայ կը խօսէր:

Օդոսառս 24.

Ամբողջ շաբաթ մըն է, որ յուշասերս թռած եմ. ինչ գրեմ: Երբ գրեմ:

Ո՛չ կը կարդամ, ոչ կ'ըզբաղիմ. չեմ կրնար կեդրոնանալ. հաւ սսարակշութիւնս կորսնցուցած եմ բոլորվին. ամբողջ օրը հոս ու հոն եմ. սիրտս գեղուն է:

Առաւոտ-իրիկուն Վարդուհիս հետն եմ. ցորէկներն ալ կ'երթամ զաշնակի պատրւակով: Կը նւազէ, կը պտափնք, կը խօսինք ու կ'երազնք. կը գծենք ծրագիրներ ապագային համար, մեր միասին գոր-

ծունկութեան համար. կ'երեակայինք այդ մեր տենչալի կեանքի աշխատութիւնը. ա, ինչ սէր, ինչ եռանդ, ինչ աղնութիւն, ինչ գործունէութիւն կը նկարի մեր աչքերուն առջեւ. ու մեր ոգեորութեան թափէն իրարու կը փաթթւինք:

Միքայէլը մէջէմէջ կուգայ. և որովհետև դաշլու ատենը գիտեմ՝ միշտ տունը կը գտնւիմ. բայց իր ներկայութիւնը ինծի կը ճնշէ. զբաղում կը կեղծեմ. խեղձը հոսկէ-հոնկէ քիչ մը կը ճռմռայ ու կինչ կ'երթայ փիլիսոփայութիւնս հայհոյելով, կը ցաւի, որ նորէն ճամբէս շեղեցայ. թէ ինչպէս շէնք շնորհք մարդ լինելու վրայ էի ու կրկին գըրքերուս դարձայ:

Երբ կը մեկնի բութ խայթ մը կ'ըզգամ. նախ որ ուրիշի աչքին ինքզինքս փիլիսոփայ կը նկարեմ այսպէսով, և երկրորդ որ ընկերս կը վոնտեմ, թէն ինքը այդ չըզգար:

Երէկ սենեակս մնածին պէս, երբ վերստին ինծի գրքերու մէջ թաղւած տեսաւ, գլխարկը բարկութեամբ սեղանին վրայ նետեց. ու բարձրաձայն՝

—Եղբայր, քիչ մը ձեռք վերցուր այդ գիրքերէդ. քիչ մը չորս զիդ նայէ, չորս կողմի պէտքերդ ուսումնասիրէ, հերիք է. տեսական մարդիկներու պէտք չունինք. քիչ մը գործնական եղիր:

—Փեզի պէս. լսի ժապելով:

—Ծաղրէ որքան կ'ուզես, բայց ես լուրջ կը խօսիմ. այդ քու գրքերովդ, թուղթերովդ, փոշինե-

ըովզ ապագային քանի ստակի օգուտ պիտի տաս:
Ատոնց ժամանակը անցաւ. կամ եթէ կ'ուզես՝ զեռ
չէ եկած:

— Այդ ի՞նչպէս:

— Զգիտեմ. միայն հիմա այդ տեսակ բաներու
ատեն չունինք:

— Ե՛, շատ աղէկ քու հաշով, ի՞նչ կը բարե-
հաճիս որ լնեմ:

— Ինչ որ կ'ուզես. միայն կեանքի հետ կապէւ:

— Կեցիր. պարզ խօսէ. երեխ գլխուդ մէջ ծրա-
գիր մը կայ:

— Ե՛, կը գոնւի. գոնէ ինձի համար:

— Եւ ինձմէ կը ծածկես:

— Ծածկեմ, ինչու. տեղը չէ եկեր, որ ըսեմ:

— Լաւ, ըսէ տեսնենք ի՞նչ բան է այդ:

— Զգիտեմ, Երւանդ, մէկ կը մտածեմ կապէիմ
հողին հետ ու շնորհըով, լուրջ, ընդարձակ գործու-
նէութիւն սկսիմ, նախապէս լրջութեամբ պատրաստ-
ւելով:

— Այսի՞նքն:

— Նատ պարզ. գիտես որ փիլիսոփայական բա-
ներու խելքս չի հանիր: Փալ տարի դպրոցը ա-
ւարտելուս պէս կ'երթամ Եւրոպա երկրագործական
գործնական վարժարան մը:

— Այդ նւագը շատ ենք լսեր:

— Կատակը մէկդի: Գիտես, որ հոսկէ Աղսու
ատանող ճամբուն վրայ բաւական ընդարձակ հողեր

ունինք. վերադարձիս՝ բերել կուտամ նոր գործիք-
ներ. նոր մեթոդներով գործի կը ձեռնարկեմ. կը
ժողւեմ գլխուս առոյգ, հողատէր գիւղացի երիտա-
սարդներ. կը սկսիմ գործի. անոնց ալ կը սորւեցնեմ,
իմ ալ գործս կը տեսնեմ. այնքան պատւական տղաք-
կան այստեղ. մէկ-երկու տարւան մէջ թէ իմ ագա-
րակս տիպար կը դառնայ և թէ միւնոյն ժամանակ
կը լինի գործնական գպրոց մը: Խոկ մեր մշակու-
թեան եղանակի ու գործիքներու փոփոխութիւնը
նրգան անհրաժեշտ է՝ դուն անգամ կրնաս հասկնար
քու փիլիսոփայի անպէտք խելքովդ: Ամբողջ երկիրը
գաղթականներ լեցւած են. հիմա ալ սկսած են
յանդուգն ու բազգախնդիր եւրոպացիներ երեան
գալ. անոնց հարստութեան ու արւեստին դէմ մե-
րոնք չեն կրնար մրցիլ. և հետեանքը այն կը լինի,
որ շատ չնոցած մեր բոլոր հողերը օտարներուն
ձեռքը կը կեղրոնանայ. անոնց գէմ մաքառելու հա-
մար իրենց զէնքերը ունենալու ենք. բայց գիւղա-
ցին դիւրութեամբ ձեռք չի վերցներ գարերով սըր-
բագործած իր սովորութիւններէն, գործիքներէն.
վսահութիւն պիտի ներշնչել գէպի նորը. Թովմաս
առաքեալին պէս ինքը շօշափէ պիտի նախ. մանա-
ւանդ ուշ գարձնելու է նոր սերնդին. հինը համո-
գելը շատ գժւար խնդիր է. ահա երազս. ախ, թէ
իրագործեցի:

Զեռքերը գրապանը խոթած՝ արագ քայլերով
կ'երթևեկէր սենեակիս մէջ: Յանկարծ կանգ առաւ,

բոնեց մահճակալիս գունդերէն մէկը ու սկսաւ մտածել. և մէկ ալ մտածման ու ողեռութեան ներքին թափէն մդւած՝ «Էէ՛» մոնչեց ակռաներուն մէջէն ու այնպէս ուժով թէւլ ցնցեց, որ մահճակալիս գունդը ձեռքը մնաց: Խեղճը զարմացած նախ վրան նայեցաւ, ետքը բարկութեամբ անկողնիս վրայ նետեց. ինքն ալ վրան ցատկեց ու նստեցաւ:

—Այս բոլորը աղէկ. բայց... մոմոաց նորէն ու կանդ առաւ:

Բայց վայրկեաններ կան, շարունակեց, որ աչքիս ոչինչ չբրեար. այդ բոլորը շատ երկար-բարակ կը թւի ինձի ու անիրազործելի. մանաւանդ իմ բնաւորութեանս ալ ոչ այնքան յարմար—այդ խաղաղ, անվերջ ագարակի կեանքը: Այդ վայրկեաններուն բուռն ու խենթ իղձեր կ'անցնին մէջէս. աղմուկ ու իրարանցում կ'ուզեմ. անձնւիրութիւն ու դիւցազնութիւն կ'երազեմ. կ'ուզեմ զարնեմ, կռւիմ, կարծես իհեճուկս նոյն վայրկեանին ձիս ախոռէն կը վրնջէ և հայեացքս ակամայ դէսի պատէն կախւած հրացանս կը բարձրանայ:

Եւ երեսս նայեցաւ. ես իր ազդեցութեան տակ կը լուէի. վայրկեան մը մտախոհ պատուհանէս դուրս սեեռեց աչքերը:

—Է՛, մնաս բարձկ. սրուաց յանկարծ, ցատկեց, գլխարկը առաւ ու դուռը ետեէն ուժով մը դոցեց:

Ես կը հետեւէի իր քայլերու ձայնին նախ սրահը,

վերջը սանդուղներէն վար ու պարտէզը աւազին վրայ. քայլերը թուլցան, անորոշցան ու հալեցան, խկ ես դեռ ականջ կը դնէի անշարժ...

Օգոստոս 27.

Այս այսպէս է, ուզեմ չուզեմ հաւտամ պիտի...

Երեք օր առաջ՝ իրիկունը Զ. երը մայր ու աղջիկ մեզի եկան թէց խմելու:

Պառշգամն էինք նստած:

Առաջին ակնարկէս Վարդուհիս տեսակ մը երեցաւ աչքիս:

Մենք ներս գացինք. և երբ առանձին մնացինք՝

—Ի՞նչ ունիս այս իրիկուն, ի՞նչ է պատահեր. հարցուցի խանդաղատանքով՝ երկու ձեռքերս քորսէին մէջ կաղապարած մէջքին յենած:

—Քեզի ինչ իմ մատանջութիւնը քեզի ինչու կը հետաքրքրէ. ըստ կտրուկ շեշտով մը:

—Վարդուհի...

—Իրաւ. ինձի շատ կը սիրեմս. աւելցուց իսկոյն, քնքալով սեզմնեցաւ ինձի, ձեռքերը մազերուս մէջ խրեց, բռնեց գլուխս երկու ձեռքով ու սկսաւ աչքերուս մէջը նայիլ:

—Բայց ի՞նչ ունիս. ի՞նչ է պատահեր. հարցուցի կրկին անհանգստութեամբ:

—Ոչինչ. ի՞նչ պիտի պատահի. պատասխանեց բռնի ժպտելով. ամենասովորական բան մը... վաղը չէ միւս առաւօտ կանուխ մեկնելու ենք:

Կարծես կուրծքս քար մը ինկաւ։ Ձեռքերս մեռքենաբար ետ քաշեցի։ և տեսակ մը խենթ յոյսով
—Ռուր, ինչու, հարցուցի։

—Ռուր. Թիֆլիս։ միթէ ամենեին մաքէդ չէր անցնիր, որ օգոստոսի վերջերն ենք. շուտով դպրոցները կը բացւին, եղբայրս ալ գործ ունի։

Ես այդ բոլորը գիտէի, բայց միշտ մաքէս մէկդի էի նետած զեռ ժամանակ կայ ըսելով. չէի ուզեր ներկայի հաճոյքը պղտորեմ, ու այն աստիճան զբաղւած էի ներկայով, որ անցեալն ու ասպագան իր ստերի տախն էր ձգեր ամբողջովին։ Եւ իմ այդ մոռացման վիճակէն յանկարծ իրականութեան հետ ճակատ ճակատի գտնւիլս ինծի քարացուց։

—Է, ի՞նչ եղար. օր մը չէ օր մը այս պատահելու չէր. ըսաւ զապւած ձայնով մը։

—Բայց այսչափ շուտ, այսպէս արագ, այսպէս զգացումներուս ամէնէն վառ ատենը, զեռ հազիւ իրար ճանչցած, զեռ հազիւ սիրած...

—Ա՛, լուէ. պոռաց ձեռքը բերնիս դէմ դնելով. ի՞նչ իմ բոլոր մտածածներս կը կրինես. ուրիշ բանըսէ, հերքէ, հակառակը ինծի համոզէ. ըսէ, որ պէտք է բաժնւինք, որ այդպէս աղէկ է. ես այդ յոյսով քու քովդ եկաց։

Ու աղերսող աչքերով սկսաւ ինծի նայիլ։

—Դէհ, խօսէ այնպէս չէ. կը կրկնէր ձեռքերս պրկելով. մենք հեռուէն աւելի երջանիկ կը լինինք, չէ. իրար անդադար չիշելը, զիշելը, որ հարիւր-

աւոր վերստեր հեռու սիրտ մը կայ, որ քեզի համար կը տրամիէ, գիտնալ որ ամեն գիշեր երազներուն մէջ քեզի կը տեսնէ. այս բոլորը անբացարելի հեշտանքներ են, չէ. զէհ, բառ մը ըսէ. նկարագրէ մեր ասպագան, մեր երազները, մեր տենչչերը, մեր միասին գործունէութիւնը հայրենիքիդ մէջ. մուր է լեզուդ, ուր է ոգևորութիւնդ. Հիշոսիս։

Ես լուռ, արձանի պէս, կեցած էի։

—Դէհ խօսէ, խօսէ, երւանդ. հիմա զլուստ կը պայմանի։

Եւ իր սովորական յանկարծ շարժումովը նետեցաւ բազկաթոռին մէջ ու ձեռքերովը դէմքը ծածկեց։

Ես վայրկեան մը կեցած տեղէս դիտեցի. ետքը յուշիկ գացի քովը, նստեցայ նոյն բազկաթոռին մէջ ու ձեռքերը երկսէն ետ առի։

Նայեցաւ երեսս. վիզս փաթթւեցաւ ու սկսաւ լալ։ Փոթորիկը անցած էր, անձրւ կը տեղար։

Բայց ես չէի կրնար լալ. ոչ ալ խօսիլ. ի՞նչ խօսէի։ Իմ արցունքներուս փոխարէն անոր արցունքները այսերէս վար կը կաթեին, իր թաց այտերը կը սահէին շրթունքներուս վրաց... Ես վայրկեան մը կարծեցի, թէ սիրելէ դադրած եմ. այն աստիճան մեռելութիւն մը կը տիրէր մէջու։

Երբ քիչ մը հանդարտեցաւ, գնաց լւացւեցաւ. և մենք այլևս մինակ չի մնացինք։

Մութը կոխած լինելուն դէմքերնուս այլայլութիւնը աննշմարելի անցաւ:

Անոնց մեկնեէն անմիջապէս վերջը քաշեցայ սենեակս ու նիդը դրի:

Տաք գիշեր մըն էր. բացի պատուհանս ու առջել նստեցայ. քիչ վերջը ելաւ լուսինը. շատ քիչ աստղեր կային. ակսայ համրել. բայց միշտ հաշիւս շփոթելով՝ վերջապէս ձանձրացայ. գլուխս ափիս արմուկս ալ պատուհանի եզերքին յենած՝ սկսայ դիտել հեռուն լեռները, որոնք լուսնի լոյսի ու մութի խառնուրդի մը մէջէն երկրի վրայ ամենաանկանոն երկրաչափական գիծ մը կը քաշէին. ոչինչ չէի մոտածեր. ժամը գիշերւան երեքը զարկաւ սրահէն. ես դեռ նստած էի ու լեռները կը դիտէի:

Այդ գիրքով առաւօտեան դէմ քունս տարեր էր. երբ աչքս բացի՝ լոյս էր. թես թմրած, ու կուրծքս կը ցաւէր փայտին դէմ գալով. նետեցայ անկողնիս վրայ, բայց ալ քունս չի տարաւ, կէս արթուն նիրհման մը մէջ էի. իմացայ, թէ ինչպէս կաթնավաճառ գիւղացնիս եկաւ, քիչ մը վերջը ուրիշ մէկը, որ սպասուհին հետ կոիւ ըրաւ. կը լսէի սրահէն աւելին խշտուքը:

Նախաճաշէն անմիջապէս վերջը Զ. երուն գացի: Վարդուհին մէջտեղ չի կար. ըսին՝ իր սենեակը կը ժողւէր: Տիկինն ու սպասուհին ժողւըրտուքի վրայ էին. պարոն Կարապետը իր պատկերներն ու շրջա-

նակները կը փաթթէր ամենայն զգուշութեամբ: Ես իբրև քաղաքավարութիւն սկսայ պղտիկ օդութիւններ ընել անոր. բայց այդ դնալութալը, ծոելելնելը քիչ-քիչ սկսաւ ինձի հաճոյք պատճառել. և այնպէս ոգեսորութեամբ անձնատուր եղաց գործին, որ մէկ-երկու ժամ վերջը, երբ Վարդուհին ներս մտաւ՝ չի կրցաւ ծիծաղը զսպել:

Ամբողջ օրը հօն էի. մանաւանդ մերոնք ալ քիչ մը վերջը եկան: Ընդհանուր իրարանցում ու շարժում մը կար. կը մտնէին, կ'ելնէին, կը խօսէին, կը խնդացին. և այդ լնդհանուր հոսանքին մէջ ես ալ կորսւած էի:

Իրիկւան դէմ Վարդուհին մօրը յայտնեց, որ վերջին պտոյտ մը պիտի ընէ. ու դուրս ելանք:

Տարի անտառին կողմը, իմ սիրած տեղերէս մէկը՝ բարձր ու առանձնացած: Նստեցաւ կտրած կոճղի մը վրայ. ես ալ գետինը՝ թեթև մը գլուխս իր ծունկին կը թնցուցած:

Արեւ պահ մը կեցած, կարծես կը վարանէր լեռան ետին մտնելու. ինչպէս թողնէր այդ վառնարնջի հորիզոնը, այդ բիւրեղի պէս ջինջ ու նուրբ երկնակամարը և վերջապէս մեզի, որ ծառերու բուներուն մէջէն իր դէմքը կը դիտէինք լուռ...

Զգացի, որ Վարդուհիս մատները մազերուս մէջ կը խրէին. այդ թեթև շօշափումը ինձի տարօրինապէս յուղեց. ես ցնցւեցայ. կրծքիս առակ բան մը շարժւեցաւ, փղձկեցայ ու երկու օրէ իվեր

մէջս սառնացած արցունքները աչքերէս դուրս
ժայթքեցին. խլեցի ձեռքը, սեղմեցի շրթունքնե-
րուն մէջ ու սկսայ հեծկտալ:

Երբ գլուխս բարձրացուցի՝ մեր աչքերը իրա-
րու բևեռեցան. երկու զոյդ ելեքտրացած, արցունքի
մէջ լողացող աչքեր:

Ժպտեցանք ու գրկեցինք:

Սրտերնիս քիչ մը թեթևած ելանք ոտքի. ու
իրարու փաթթւած սկսանք պտտիլ ծառերու տակ:

Յառակագծեցինք, որ շուտ վերջացնենք ես
իմ, ան ալ իր դպրոցական ընթացքը. որոշեցինք,
որ առանձնապէս հետեւի մեր գրականութեան, ես
ալ նամակներովս իրեն առաջնորդէի պիտի. ան իմ
ոգերորութիւնս պիտի լինէր ձմեռւան աշխատու-
թիւններուս մէջ, շուտ շուտ իրարու գրէինք պիտի.
Խոստացանք իրար աւելի ջերմ սիրել և իրարու
համար աշխատելու զգացումը մեզի դրդիչ լինի.
Կարծես թէ այս բոլորը խոստանալու պէտք կար:
Եւ այս ամենը մէկ ձմեռւան մը համար միայն:
Իսկ անկէ վերջը... ա, եթէ ծրագիրնիս յաջողի:
Կ'երևակայեմ այն պարզ ուսանողական խցիկը, թաղ-
ւած գրքերու ու դասախօսութիւններու մէջ. կ'երե-
ւակայեմ ինքզինքս՝ երազներու, ապագայի յոցմերու
քոյցավառման վայրկեանի մը մէջ, երբ թարմ շըր-
թունքներու հպում մը ինծի իրականութեան կը
կանչէ. Վարդուհիս մանկավարժութեան դասընթաց-
ներու հետեղ մը, ես ուսանող մը ընկերական գի-

տութիւններու: Եւ օր մըն ալ, աննման օր մը,
թարմ ուժերով, անսահման ձդտումներով, լայն
հայեացքով, հոգով մշակւած, երազներով լեցուն,
թէ թւեի, արդէն համարձակ աշխարհի առաջ,
մտնենք հայրենիքս ապրելու, յուզւելու, յոգնելու ու
գործելու:

Մեր բաղդին հետ կարծես համակերպած էինք
արդէն, երբ մութի հետ տուն վերադարձնք:

Մեր երկու ընտանիքները վերջին անգամ մը
միասին թէյ խմեցին. ու բաժնւեցանք իրարու
հանգիստ քուն մաղթելով:

Փուտեցայ անկողնիս վրայ ու սկսայ մտածել.
Վրաս թախծութիւն մը կար. անորոշ, տրտում
գգացում մը, որ մարդ կ'ունենայ, երբ վշտացած է
առանց խղճի խայթ ունենալու: Ես կը կարծէի, թէ
նախորդ գիշերւան պէս նորէն պիտի չի կրնամ
քնանար. բայց ոբքան եղաւ զարմանքս, երբ յան-
կարծ աչքս բացի ու արեի ճառագացթներուն
հանդիպեցայ, որոնք մահմակալիս գունդերուն հետ
կը խաղային:

Նտապեցի պատշգամ: Կարասին բեռցած կառ-
քերը արդէն ճանապարհ էին ելած. իսկ ֆայտոնը
դրան ասած պատրաստ կեցած էր: Ծանր քայլերով
սանդուղներէն իջնել սկսայ. ձեռքերս թեթև մը
կը գողար. մէջքս կծկում մը, տարտամ յուզում. մը
կար:

Զեմ կրնար ճիշտ ըսեր, թէ ինչ ըզգացի,

Երբ «բարի՛ լոյս» ըսելով Վարդուհինս ձեռքը բըռունեցի. կը դողար:

Ժամ մը վերջը տիկինները իրար կը համբուրէին. տիկին Նաթալիան կը խրատէր մեր տիկինը, որ շուտ քաղաք դառնայ:

Ես ձի մը վարձած էի ու անոնց պիտի ընկերանայի քանի մը վերսո:

Մնաս-բարովի արարողութիւնը վերջացաւ, կառքը շարժւեցաւ ու ես ձիս աշտանակեցի:

Եթէ ինծի մնար՝ ամեննեին ետ դառնալը միտքս պիտի չքերէի ու պիտի երթացի այսպէս մինչև Աղսուածա երկաթուղիի կայարանը. հոնկէ ալ անդին մինչև Թիֆլիս՝ գնացքի այն վագոնին քովէն վազելով, ուրիշ Վարդուհինս մագնեսացուցիչ աչքերը ինծի յառած պիտէ լինէին:

Բայց տիկինը՝ ինծմէ աւելի իրական աշխարհին մէջ՝ կառքը կեցնել տւառ ըսելով, թէ պարապ տեղը ձիս չի չարչրեմ, թէ այսչափէն ալ ի սրտէ շնորհակալ է և թէ տունը հիմա ինծի կ'ըսպասեն:

Հնազանդեցայ: Իջայ ձիէս. տիկնոջ ձեռքը համբուրեցի: Պարոն Կարապետն ու Վարդուհին ալ իջան. պարոն Կարապետի հետ համբուրեցանք. բունեցի օրիորդի ձեռքը ու չգիտէի ինչ ընեմ. համբուրելու կը վարանէի:

— Համբուրէ, համբուրէ, պարոն Ֆրւանդ. այն ալ քու քոյրդ է, ըսաւ պարոն Կարապետը տարօրինակ կերպով երեսիս ժպտելով:

Համբուրեցանք:

Վարդուհին հազիւ ինքինքը կառքը նետեց, որ սկսաւ լալ՝ դէմքը թաշկինակին մէջ ծածկած: Մայրը այդ լացը աղջկան զգայնութեան վերադրելով՝ Վէճ, խենթութիւն պէտք չէ. այդքան փափուկ չեն լինիր, կ'ըսէր:

Զիերը չափ առին:

— Բարե ըրէ՛, բարե՛ ամենքին. լսեցաւ կառքէն:

Ես կեցած էի անշարժ աչքերս հեռացող կառքին յառած: Միայն պարոն Կարապետի ձեռքը կը տեսնէի որ թաշկինակ կը շարժէր: Զուր Վարդուհին անգամ մըն ալ տեսնել փորձեցի:

Երբ կառքը աչքէս անյայտ եղաւ, փայտի պէս ինկայ գետին. կուրծքս կը սեղմէէր. լալ կ'ուզէի, չէի կրնար. խեղդէի պիտի: Սոսկալի ճիչ մը ըրի և տաք արցունքները աչքերէս դուրս ցայտեցին: Հազիւ խոտով ծածկւած գետնին եղերքին փռւած էի քիթս-բերնիս. արցունքը կը վազէր. և ես ոչ երերալ կ'ուզէի, ոչ լալէ դադրիլ:

Մօտեցող կառքի մը թաւալումը ինծի ոտքի ցատկելու ստիպեց. սրբեցի աչքերս, բռնեցի ձիուս սանձը ու ետ ճանապարհ ինկայ:

Վրաս ոչ դող էր մնացեր, ոչ խեղտըւուք և ոչ յուզում, այլ խոր տիսրութիւն մը միայն:

Տունը նստել չի կրցայ, իջայ ձոր, շրջեցաց արքունի ճանապարհին քովերը, ելայ անոառակը.

ամեն ծառ, ամեն քար, ամեն անկիւն Վարդուհիէս
յիշատակ մը ունէր. տխուր ամեն կողմ:

Երեկոյեան գացի նստեցայ այն կոճղին վրայ,
ուրէկ երէկ Վարդուհիին հետ արևի մայր մոնելը
կը դիտէինք. հիմա ալ կը դիտէի. ճիշտ երէկւանը:

Արել շատունց անյայտ էր եղած. եւ տեղէս
շարժւիլ չէի ուզեր. երազն, ցրիւ դրութեան մը
մէջ: Կուզէի գաղափարներս ամփոփեմ, մնքերս ժող-
ւեմ, անցեալի վրայ ինձի հաշիւ տամ. բայց չէի
յաջողեր: Խոհերս կարծես լպրծուն մակերւոյթի մը
վրայ են. չեմ կրնար իրարու մօտեցնել. կարծես
մնդիկի կաթիլներ, որ որքան կ'ըշտապես իրար ձու-
լելու, այնքան աւելի կը ցրւին ու կը վազեն սեղա-
նիդ երեսին վրայ. հանդիստ քանի մը շարժում—ու
անոնք միացած կը լինին. միայն քո մէջդ չիկայ այդ
անդորրութիւնը, և դուն վերջապէս յուսահատ՝
մէկդի կը նետես զուր ճիգերդ՝ պիշ-պիշ նայելով
մնդիկի կաթիլներուն, որոնք դեռ հայեացքիդ տակ
կը գլուրտըկին:

Ուղեղիս այս բոլոր անկարգութեան մէջ բան
մը միայն ինձի պարզ է. թէ Վարդուհին այլ ևս
չի կայ. գաղափար մը, որ չեմ կրնար ըմբռներ,
թէւ կատարելապէս կը դիտակցեմ:

Հազիւ նախաճաշիկէն ելէր էինք, որ Միքէն
եկաւ: Քաշւեցանք սենեակս:

— Թուչնակը թռեր է, վանդակը պարպւեր,
ըսաւ աչքովը Վարդուհիենց ամարանոցը ցոյց տա-
լով:

— Այն. պատասխանեցի ժպտելով. երէկ տարի
ձանապարհ ձգեցի:

— Գիտեմ, պառաւդ ըսաւ:

— Ի՞նչ, դուն հմա ես եկած:

— Երէկ չէ նախորդ օրը եկայ ըսին Զ.-երուն
է, ետ դարձայ:

— Պարոն Կարապետին օգնելու էի վրացեր. բեռ
մը խենթ-մենթ պատկերներ, թռողթեր, շրջանակ-
ներ ունէր. բոլորը փաթըթեցինք:

— Երեկ ալ եկայ... շարունակեց Միքէն, երբ
նորէն մէջ նետւեցայ:

— Այն. երէկ ալ ձանապարհ դնելու էի վրացեր.
գործ ալ չունենամ. ի՞նչ ընես. քաղաքավարութիւն:

Միքայէլը յանկարծ ելաւ ու դէմս կեցաւ շեշտ
աչքերուս մէջ նայելով. մարմնէս թեթև սարսուռ
մը անցաւ. քիչ մնաց աչքերս խոնարհեցնէի. ար-
զեօք նկատած էր, որ ինքը այդպէս չարաչար կը
խաբէի:

— Կը զարմանամ քեզի, ըսաւ ծանր-ծանր.
քու մէջդ սիրս չի կայ. դուն տղայ չե՞ս:

Ես այդ հարցին ոչինչ դեռ չի հասկցած՝ ան-
համբեր կ'ըսպասէի:

— Երիտասարդ տղայ մը. միշտ աչքին տակը
Ալարդուհին պէս սիրուն ու կայտառ աղջիկ մը

ունենայ. այդպէս կենսալից, այդպէս հրապուրիչ, ակնյախնի կերպով դէպի իրեն հակում ունեցող. և դժուն այդ դիտնաս ու այս աստիճանի անզգաց լինիս. ա, խելքս չի համնիր:

— Իրաւունք ալ ունի չի համնելու. պատաս- խանեցի քմծիծաղ:

— Եղբայր, գէթ բնութեան այդքան մօտ լի- նելն ալ վրադ չազդեց. այս գաղջ օդը, այս գետի օրորող աղմուկը, այս սիրուն ձորը, այս անտառ- ներու գրգորիչ հոտը. այս բոլորը քու արիւնդ յու- զել չգիտեմն: Այս վայրկեանէս գրաւ գալու պատ- րաստ եմ, որ դուն կատարեալ փիլիսոփաց լինելու մարդ ես. քաշուիս խցիկդ ու հիպոթէզներու վրաց ուղեղդ մաշեա:

Ես կէս խղճահար, կէս ուրախ, կէս ինքնագո- հութեամբ մտիկ կ'ընէի այս ամքաստանիչ ճառը, որ ինձի թէ խնդալու փափագ կուտար և թէ կը սանձէր:

Վայրկեան մը լոեց:

Իսկ ես մտքէս իմ ու անոր բնաւորութիւն- ները կը զուգակշռէի: Միքէն բաց ու պարզ. և եթէ իմ տեղս լինէր առաջին օրը, իր զգացման առաջին խլրտման պիտի գար ամեն բան ինձի պատմէր ըն- կերովի, ամենայն պարզամտութեամբ. մինչ ես ամեն կերպ կը ջանամ ծածկեմ սրտիս յուզումն ու եռումը. կը մտածեմ՝ ինչու. արդեօք հապարտու- թիւն մըն է այս, արդեօք դաշտնի մնալէն համոցք

մը կ'ըզգամ, թէ պարզապէս հոգիս աւելի խորունկ է: Իմ ներքին աշխարհս պղտոր խոր գետի մը պէս կ'երենայ աչքիս, որու խորութեան տակ ամեն շար- ժում կը ծածկւի հետաքրքիր աչքերէ. մինչ Միքէի սիրտը սիրուն լճակ մըն է. ցած ու վճիտ, որու թափանցկութեան մէջէն կարելի է համրել յատակի ամեն մէկ խիճը. ու կը խորհեմ, թէ այս երկուքէն որն է աղէկ. եղբակացութիւն չունիմ. միայն կ'ըզ- գամ, թէ որքան հակառակ պիտի լինէր մեր բնա- ւորութիւնը, եթէ Միքէն ինձի պէս ծածուկ լինէր, կամ ես բաց նամակի պէս ամենքին մատչելի սիրու մը ունենայի:

— Ի՞նչ կը մտածես. շատ մի՛ մտածեր՝ շուտ կը ծերանաս. ընդհատեց Միքէն լոռութիւնը. տես, արդէն բաւական նիհարեր ես:

— Կը մտածեմ, թէ մի գուցէ սիրահարած լի- նիս Վարդուհին վրայ, ըսի ժամտելով. այդ ի՞նչ ոգե- որութիւն է:

— Ո՛չ, սիրելի, կը սխալիս. ես շատ լաւ գի- տեմ, որ այդ ազնւակերու օրիորդները իմ սրտիս համար չեն, ինչպէս որ ես ալ իրենց սրտին համար չեմ. այդ քաղքի փափկութեան մէջ մեծցողները իմ արեէն այրած դէմքէս շատ չեն ախորժիր, ոչ ալ իմ գիւղական հաստ շեշտերէս ու շարժումներէս. անոնց ճաշակին համար աւելի քնքուշ կազմ պէտք է, աւելի բարակցած խօսք, ու աւելի տաշւած ձևեր:

— Իմ կարծիքով՝ ընդհակառակը. քաղքուհին ները ճիշտ քեզիաէսները պիտի փնտուին. գիտես, մարդ չախորժիր այն բանէն, որ ամէն վայրկեան ձեռքին տակն է. տարօրինակը, անսպասելին, ուժեղը միշտ աւելի անուշ է ու գրաւիչ:

— Այս. դւարձանալու համար միայն: Բայց ինչ և է. այդ թողնենք հիմա. ես գործ ունիմ. եկաց կառքին համար խօսելու:

— Ի՞նչ կառք:

— Ինչ կառք: մի՛. վաղը չէ միւս օր օգոստոս երեսուն ու մէկ: Եհէ, պարոնա՝, դպրոցը մոռցամր:

Ե՛ս չէի մոռցած:

Միքէն շարունակեց.

— Վաղը այլ ևս քեզի չեմ կրնար գար. դուն ալ ինծի մի՛ գար. զբաղւած եմ. աւելի աղէկ կ'ընես, երթան սպոտի տրոցքան վարձես. և միւս առաւօտ մութին գաս ինծի առնես, որ իրիկունը դպրոցը լինինք:

— Լաւ. ըսի մեքենաբար:

Եւ բաժնեցանք:

Մէկ գաղափար մը հիմա միւսած էր զլիսուս մէջ. դպրոցը. տարօրինակ իրար հակասական մաքեր կ'անցնէին զլիսէս. տեսակ մը ցաւ կ'զգացի Դելի-ջանը թողնելուս. կարծես բան մը մէջէս պիտի պակսէր. միւս կողմէն կարօտցեր էի դպրոցը. կը զգացի, որ բնութենէն կշտացած էի այլ ևս. դպրոցական վէճերը, փոթորկալից իրիկունները միտքս

կու գալին. սիրած ընկերներս կը ցիշէի. ու անհամբերութիւն մը կը թառէր վրաս. և յափշտակութեան վայրկեանիս մէջ—

— Երթամ, երթամ, կը կրկնէի. երազներով, յոյսերով, Վարդուկիս սիրովը շաղաղւած աշխատութեան մէջ թաղւելու համար տարի մըն ալ. տարին կ'անցնի արագ. և վերջը... ահ:

Ալ կը լուէր լեզուս, բայց երևակայութիւնս շատ հեռու, շատ վերերը կը սաւառնէր. այնքան վեր, որ գլուխս պահ մը պտոյտ կու գար. ու ինքզինքս ալթոռին մէջ կը նետէի:

Օգոստոս 30

Տունը ինծի ճանապարհ գնելու պատրաստութեան մէջն են: Ես մեքենաբար վերջացուցի բոլոր մանր-մունք գործերս: Երբ գրքերս կը կատէի, հեգնական ժապատ մը խաղաց շրթունքներուս. մեծ մասը գեռ չէի բացած:

Երիկունը վերջին անգամ ստոյտի եւայ. տիսուրէի, այցելեցի բոլոր սիրած տեղերս:

Սրդէն մթնելու վրաց էր ու տուն կը վերադառնայի, երբ յանկարծ գաղափար մը յղացայ. Վարդուկինց հովանոցն ալ վերջին այց մը տամ. խենթքան էր, կ'զգացի. բայց քայլերս արդէն այն կողմ կ'ուղղէին:

Տունը պարապ էր, լուս ու գոց. բոլոր վեղկերը անցուցած: Պարապ տունը արդէն ինքնին ձնշող

բան մը ունի, ունայնութեան գաղափարին հետ
յարակցութիւն մը. բայց երբ այդ պարապ տան
մէջ երբեմն աղջիկ մը սիրած ես, այդ ճնշումը
ուղղակի տանջանք կը դառնայ:

Պարտէղին ետևի պատը այնքան բարձր չէր.
գիտէի. և հոնկէ ալ գողի պէս ցատկեցի պարտէզ.
այս, գողի պէս. ու ցատկած վայրկեանիս միայն մէկ
մտածում ունէի. մտածում մը, որ գողերուն ցատուկ
է. «մարդ չտեսնէ»:

Քանի մը օրւան անխնամ մնալը բաւական էր
եղած ածուներուն աւրըւելու. քանիմը ջրասէր ծա-
ղիկներ գլուխնին կախեր էին ու գեղներ:

Իմ տխրութիւնս սաստկացաւ: Մտայ բաղեղա-
պատ հովանոցը. սիրոս ճմլւեցաւ. նստեցայ հոն,
ուր սովորաբար կը նստէի ու իմ դէմն Վարդուհին
գիրքը ձեռքը, ժպտուն, հերարձակ, շիկնած, ողե-
որւած, իր բոցանուտ աչքերով... պատիկը հետ-
զնետէ որոշւիլ սկսաւ, իր դէմքի իւրաքանչիւր գի-
ծը կը ցիշէի. բայց թնչ ցիշել. այդ նոյն ինքն է.
ինքը՝ Վարդուհին դէպի ինծի հակած, ձեռքը ցե-
նած ուսիս: Վարդուհին կը բացականչեմ ես խելա-
գար ու վեր կը ցատկեմ վիզը փաթթւելու:

...Հիսութափում:

Ուհ, այդ ակնթարթի մը սրտիս պատրանքը
շատ սուզի նստեցաւ ինծի. անդարձ կորուստի մը
իրականութիւնը հալած ոսկիի կիզանուտութեամբ
երակներուս մէջ սկսաւ շրջան ընել ու գալ սրտիս

վրայ թանձրանալ... կը ճնշւէի, գլուխս կ'այրէր,
ուղեղս կը դառնար. ա, խենթենայի պիտի. շնչաս-
պառ գուրս նետւեցայ ու ցատկեցի պարտէզի պա-
տէն:

Սեպտեմբերի Յ, դպրոց:

Տխուր եմ. հիւանդի մեղմ տխրութիւն մը:
Տխուր էի ճանապարհին ալ. և հոն արդէն
չափազանց:

Լալիկան, ամազոս օր մըն էր, երբ Դելիջանի
ոլորներէն վեր կելնէնք: Տեսակ մը ցաւ հոգիս
պատած էր. ինծի այնպէս կուգար, որ ամբողջ այն
աղւոր անցեալը հոն կը թողնէի. ու կը հեռանացի
մերկ, ինչպէս որ զգացումներէ մերկ հոն մտած էի:

Դեռ մինչև Սևան զգալի չէր այնքան. Սևան
ինծի համար ձգողութիւն մը ունէր. կար կապ մը
սրտիս ու այդ վայրի կղզեակին մէջ: Մէկ-երկու ժա-
մէն տեսայ իր գագաթը, իր գագաթի մատուռը.
է, որքան տխուր էր հիմա այդ բոլորը. կը մաս-
ծէի ու հաւատալս չէր գար. երկու շաբաթ միայն
առաջ էր այն իրիկունը. կարծես երկու գար է ան-
ցեր:

Ա, այդ իրիկունէ ի վեր թնչ զգացումներ
եկան ու անցան սրտէս, լեռան հեղեղատի մը ա-
լիքներուն պէս արագ ու գահավէժ: Ես կեանք տե-
սայ այդ միջոցին. ես ապրեցայ:

Եւ հիմա Գեղարքունի լեռներու վրայէն թախ-
ծութեամբ կը նայէի այն մատուռին, ուրիէ այն

իրիկունը արեի մուտքը կը դիտէինք Գեղարքունի
լեռներուն մէջ։ Ես ակամայ ցիշեցի բնութեան ոսկի
դրամները, որ զանձանակը կը նետէր. Ասուած իմ,
արդեօք ես ալ նոյնը չէի ըներ. այս իմ կեանքիս
ոսկի օրերը չէին արդեօք, որ անցեալիս դանձա-
նակը կը նետէի... Կը մտածէի աչքերս կղղեակին
յառած, որ քիչ-քիչ կը փոքրանար։

Ճանապարհը ծռեցաւ լնոնագաշտին մէջ ու-
լեռան մը ետին մտաւ ծովակը, կղղին ու մատուռը,
թողնելով ինձի զգացումներուս բուռն հոսանքին
մէջ։ Եւ այդ զգացումներս սոսկալի էին. ես գրեթէ
կըզգայի բան, ինչ որ կըզգայ յուղարկաւորութենէ
դարձող մը. ինձի այնպէս կուգար, թէ յաւիտենա-
պէս բան մը թաղած էի սրտիս խորերը. և այդ
թաղածս, երկինք, հասարակ բան մը չէր, ահոելի,
սոսկալի բան մը. ա, գրիչս վրայ չերթար գրելու.
այդ թաղածս սէրս էր, իմ առաջին ճշմարիս
սէրս։

Այս մտածութներս շուտով նախապաշարման
գոյն մը առնել սկսան. ու ես լրջութեամբ սկսայ
զարհուրիլ. ինձի այնպէս կը թւէր, թէ ամեն բան
կախւած է այլ ևս իմ ու Վարդուհիս մէջ։ Այս
յիմար հոգեկան զգացնոտութենէն ազատելու հա-
մար, որ տխուր բնութեան ու տխուր սրտիս հե-
տևանքն էր, Միքէն խօսեցնել սկսայ, որ նիրհելու
հակումներ ցոյց կուտար։

Իրիկունը ուշ ատեն հասանք դպրոց։ Հեռուէ՞

փայլելուն պէս դրան ճակատի լապտերները՝ մէջս
ուրախութիւն մը ցոլաց։

Բոլոր ընկերներս շուրջու գրկախառնում, զգաց-
ման զեղում. համբոյր համբոյրի վրայ՝ փունջերով.
կարօտակէզ ձեռքի սեղմումներ. և անվերջ, ոստո-
տուն, լեցուն խօսակցութեան մը հիւսքը։

Ես այդ վարող յորձանքին մէջ մոռցայ առա-
լուտեան խենթութիւններս։

Սակայն հիմա, թէւ գեռ չէ անցած երեք օր,
արդէն կըմբոնեմ, որ անցաւ այս կեանքին նորու-
թիւնը, յագեցած է կարօտս ու ես ակամայ նորէն
անցեալին կը դառնամ։ Մանաւանդ պարապ ենք.
գեռ դասերը չեն սկսած։

Կերթամ ամառւան տօթէն չորցած պարտէզը,
կը թափառիմ պատերուն տակ առանձին ու կը սուզ-
ւիմ մելամաղնոտ երազանքի մը մէջ։ Աչքիս առ-
ջե դեղնած տերենները կը թափին թթենիներէն,
և ես աւելի կը տիրիմ. կը տիրիմ ու կը կատղիմ.
ես այս բոլորը վէպերու մէջ կը կարդայի ու սան-
տիմենտալ ըսելով կը ծազրաբանէի. հիմա իմ գըլ-
խոււս կու գայ։

Եւ այդ զաղափարէն մտրակւած՝ կը վաղեմ
ընկերներուս քովը՝ անոնց հոսանքին մէջ խառնելու
համար։ Միացն կըզգամ, որ երբ բարձրաձայն կը
ինդամ, կերգեմ, կը վիճեմ, կը պոռամ, կըծքիս
տակ բան մը անձայն կը ճմէ...»

Սեպտեմբեր 30

Երկու շաբաթ է յուշատերս նետեր էի. դրելու բան չի կայ: Պարագ բան է, դպրոցական սեղաններու վրայ յուշատեր չի պահւիր. երեկը այսօր կը կրկնւի. ոչ յուղում, ոչ կեանք:

Երեք շաբաթ եղաւ, որ անհամբեր նամակի վրապատեմ: իզնւր. միակ միսիթարիչս ընթերցումն է. հոն է զբաղումն, ոգևորութիւնս ու ինքնամոռացումն:

Բայց եթէ ցորէկները դասերու և ընթերցման մէջ խեղդել կ'ուղեմ սրտիս յոցզն ու բողքները, կամ ընկերական շփման ու վէճերու մէջ մոռացման տալ, գիշերները անոնք աւելի ուժ կ'ըստանան:

Ննջարանին մէջ, երբ կը դադրի հսկողներուն երթեւեկը, երբ գաղտուկ խօսակցող չարամթճիներու փսփսուքն ալ կը վերջանայ՝ ես աչքերս դոց կ'ընկղմիմ անցեալիս մէջ ու կ'երազեմ: Ցորէկը զսպւած ու բանտարկւած պատկերներն ու գաղափարները ձեռք ձեռքի վրաս կը խուժեն. և ես կ'ընկճւիմ: Կերեակայեմ Վարդուհիս, իր ամէն մէկ շարժումը, խօսքը, ակնարկը, համբոցըները... ու ալ չեմ կրնար ինքզինքս զսպեր. կը դրկեմ բարձս բոլոր ուժովս, կը թաղեմ դէմքս անոր մէջ ու չոր-չոր կը հեծկըլտամշ...

Եւ այսպէս կ'անցնին օրն ու գիշերները իրարու ետևէ: Ես ամէն օր նամակի կ'սպասեմ: Ակիզերը ուշանալը կը պատճառաբանէի. բայց հիմա

այլ ևս խելքս չի հասնիր. արդեօք իմ նամակներս չեմ առած. օր օրի աւելի ճնշիչ կը դառնայ վիճակըս. երբեմն յուսահատութեան պէս բան մը կու դայ վրաս:

Հոկտեմբեր 13

Շանթահարւած էի. ճզմւած, ճմլւած...

Ա', նախազգացումս ինձի խաբած չէր:

Ճիշտ շաբաթ մը առաջ էր այն գիշերը, այն ցուրտ ու մութ գիշերը, երբ ընթրիքէն վերջ, գըպրոցի պարտէզին առջեւ, խաւարին ապաստանած կը քալէի արագ-արագ, գատողութիւնս խառնակ, կուրծքըս ուռած, կատղած ու քրտնած...

Ե', այս կոպտութիւն է, վայրենիութիւն, սրիկայութիւն, կը մոնէի բուռնցքներս սեղմած. «Քոյրս արդէն համոզւելու խելացիութիւնը ունեցած է» կը գրէ ինձի. ստախօս. Վարդուհին ինձի մոռնաց. ոչ. այս այսպէս վերջանար. ապուշ, գունքու նկարներէդ անդին մի՛ անցնիր»:

«Ի՞նչ. կը շարունակէի վայրկեան մը մտածելէս վերջը. ալ վերջացմաւ. չնչին թղթի կտոր մը աւորեց իմ ամբողջ չորս ամսւան շինած հոյակապ շէնքս. այս, այս թուղթը»:

Ու նամակը բգիկ-բգիկ հովուն կուտայի:

«Ոչ. ինձի կը խարէ. անոնք գեռ Թիֆլիս են. և վաղւընէ շուտը չի կայ. կը ձգեմ գպրոցը, ամեն բան, կ'երթամ կը գտնեմ Վարդուհին, մօրը հետ ալ կը խօսիմ: Այո՛, վաղ առատու կանու խ...»:

Բայց այդ պաղ առտունս անկողնէս ելնիլ չի կրցաց. կարծեմ բժիշկը ըսաւ, որ սասախիկ պաղ էի առած. շաբաթ մըն է դպրոցի հիւանդանոցն եմ. սոսկալի տենդ մը կար վրաս. մէկ-երկու անգամ թեթև մը ուշքս կորսնցուցեր եմ. հաղիւ երկու օր է, որ ապաքինում սկսած է:

Նուրբ վիշտ մը կայ կրծքիս տակ, նուրբ ցաւ մը, կարծես վէրք մը, որ կը բանի:

Հոկտեմբեր 19

— Զղջացած եմ նամակը պատուած լինելուս: Քանի գեռ յիշողութիւնս թարմ է, գրի անցը-նեմ գէթ բովանդակութիւնը. ու գրի անցնեմ գահիծի մը պաղ-արիւնով. սիրոս նորէն պիտի կատղի. որո՞ւ հոգ:

Առջի երեսը աննշան բաներ էին. ամարանոցէն քանի մը բան կը յիշէր. երկրորդ երեսէն է, որ թոյնը կ'ըսկի: Մօտաւորապէս հետևեալը կը յիշեմ, որ շատ ցանցիր ու խառնակ կերպով գրած էր:

«Դրելիք մըն ալ ունիմ. կ'ըսէր. բայց նախապէս կը խնդրեմ ներող լինիք բաց խօսելուս, քանի որ այլ կերպ անկարելի է այս տեսակ խնդիրներու մէջ: Բարեկամս, ես շատ կանուխ նկատեցի Զեր ու քրոջս մէջ եղած յարաբերութիւնը. դեռ եթէ կ'ուզէք նոյն խոկ ձեր զիտակցելէն ալ շատ առաջ արդէն նախագուշակած էի. և ադոր համար մարդարէ լինելու պէտք չի կար. երկուք ալ նոր հա-

սունացած, երկուք ալ եռուն, իրարմէ տարօրինակ ու զգայնու կազմով: Այդ, ձեր երկուքի իրարու մօտենալը, ձեր անվերջ առանձնութիւնը ընթերցանութեան համար, այն ալ Դելիջանի պէս առողջ օղի մէջ, ինծի համար շատ պարզ է, թէ ձեզի ուր պիտի տանէր. և ես հեռուէն կը հետևէի ձեր փոխագարձ զդացման հետզհետէ աճելուն: Գուցէ զարմանք, թէ ինչու չարգիլեցի. նախ իրաւունք չունէի Զեր զւարձութիւնը խանգարելու. երկրորդ՝ չէի կրնար. իմ կողմէս չնչին փորձ մը ձեզի հակադրելու՝ գուք երկուք ալ աւելի յանդուգն կը դառնացիք և զործը ծայրացեղութիւններու կրնար հասնիր. մինչ զեռ իրերու այս վիճակին մէջ շատ լաւ գիտէի, որ ոչ Դուք, ոչ ալ քոյրս սահմանէն զուրս պիտի ելնէիք. երկուք ալ զեռ շատ անփորձ էք, շատ իդէական, շատ մաքուր ու շատ միամիտ:

«Զեր յարաբերութիւնը շատ բնական էր ու անխուսափելի: Խսկ գալով ինծի մասնաւորապէս Զեր այդ կապէն ղժգոհութիւն մը չունենալէս զատ՝ զեռ շիտակը Զեզմէ չնորհակալ եմ. Դուք ինծի ազատեցիք քոյրս զբաղեցնելու, հոս ու հոն պըտլացունելու հարկէն, որ իմ նկարչական պարապմունքներէս բաւական զգալի ժամանակ կը խլէր:

«Անշուշտ կ'ըսպասէք, թէ այս յառաջաբանիս իմաստը ինչ է. կը զուշակեմ. զուցէ արդէն ան համբերութեամբ կը կարդաք ու ձանձրալի կը գըտնէք: Ներեցէք, երիտասարդ բարեկամս, այս բոլորը

ըսելը անհրաժեշտ սեպեցի եղբակացութեանս համար. միայն կը խնդրեմ սառնարիւն լինիք, ես այս նամակս դիտմամբ ամփս ու կէս ուշ կ'ուղարկեմ, որ անցեալի թարմ ազգեցութիւնէն քիչ մը գէթ սէթափած լինիք:

«Ամառը որքան որ զւարձացաք՝ ՚՚ուք ու քոյրը՝ այդ ձեր իրաւունքն էր ու խելացի. իսկ երբ ամրան անցնելէն ալ վերջը նոյն երազներով կ'ապրիք ու նամակ նամակի վրաց քրոջս կը զրէք՝ այդ արդէն չափազանցութիւնն է և, ներեցէք արտայացառութեանս, անչափ ալ խելացիութիւնն չէ:

«Իթէ իրաւ Դուք կ'երազէք Զեր ապագան քրոջս հետ կապէք. տղայութիւնն է այդ. Դուք զեռ աշակերտ մըն էք, զեռ պատանի մը գրեթէ. և շատ կանուխ է կարծեմ այդ խնդիրներու վրաց խորհելու համար. պիտի առարկէք, թէ կ'ըսպասէք մինչև որոշեալ տարիքնիդ. բայց նախ միթէ կը կարծէք, թէ քոյրս կարող է սպասել, և երկրորդ՝ ինչու սպասէ. Զեր ապագան ինչ է. ով կը դուած երաշխաւորել: Այս բոլորը ինձի չվերաբերիր անշուշտ. բայց Դուք շատ անփորձ ու միամիտ էք դեռ, բարեկամն, և կ'ուզեմ Զեզի համոզեմ:

«Ինչ որ ձեզի կը գրեմ՝ խօսած եմ և քրոջս. առաջ լացաւ, ինձի յանդիմանեց, վշտացաւ, սպառնալիքներ լրաւ. բայց հիմա արդէն կամաց-կամաց համոզւելու խելօքութիւնը ունեցած է ու համակերպած անհրաժեշտութեան:

«Զեզի այս ալ ըսեմ, որ քրոջս ուղարկած նամակնիդ և ոչ մէկը քրոջս ձեռքը հասած է. բոլորը ես եմ վար դրած ու պատռած: Անհանգիստ չլինիք՝ չեմ բացած. նախ որ այդ յանցանք է. և երկրորդ որ արդէն առանց բանալու դիտեմ, թէ ինչ պիտի դրւած լինի մէջը: Սիրելիս, այդ նամակներէն ես ալ բաւական խմբագրած՝ եմ ժամանակին: Անշուշտ իմ այս մէկ ասօքինութիւնս կը ներէք. եթէ այդ նամակները քոյրս կարդար՝ աստիճան մը աւելի պիտի դժւարանար գործս: Դուք քանի որ քոյրս կը սիրէք՝ պիտի չուզէք, որ աւելորդ չարչարանքներ կը իսեղճը:

«Իսկ ասկէ վերջը, սիրելիս, զրելու աշխատութիւնը յանձն չառնէք. որովհետև այս շաբթու ընտանիքով Թիֆլիսէն կը մեկնինք բժիշկներու պատվիրով. մօրս ջղային գրգռումները սաստկացան:

«Կը յուսամ, աղնիւ բարեկամն, որ անկեղծ նամակէս չէք վշտանար. իսկ թէ ապագային չափազանց շնորհակալ պիտի լինիք՝ հաստատ գիտեմ: Այդ սպառմութիւնները ամենքի գլխովն ալ անցած են:

«Բարեկամաբար ձեռքերնիդ սեղմելով վերջին անգամ մըն ալ կ'ըսեմ՝ ներկան անցեալի հետ մի շիոթէք. անցածը անցաւ»:

Անցածը անցաւ...

Դ. Ե. Ռ. Յ.



ՀՀ Ազգային գրադարան



N1 0793648

